

金石

涿州風土記第十一上

自歐公爲集古錄趙洪繼之是後有金石之學近世儒生好之尤篤然耆古畧今集錄金石大率至元而止若六朝隋唐間并俚俗之記則皆詳著而不遺斯其蔽也歐趙宋人而摻采及於五代今生世距元五六百年其間名賢文字豈不賢於魏隋時鄉曲僧尼乃獨取彼弃此庸非偵乎溪之一州金石文字在千年以外者今多亡佚其見於記載者不可以不著至所謂間并俚俗之記雖不足溪重然亦不敢闕也而近世賢士大夫往往尚有銘誌碑記散見冢窟亦後世所考信者今並列焉

記十一上

金石

一

魏故持節龍驤將軍督營州諸軍事營州刺史征魯將軍  
大中大夫臨淄男崔公之墓誌銘

祖秀才諱殊字敬異

夫人從事中郎趙國李休女

父雙護中書侍郎冠軍將軍豫州刺史安平敬侯

夫人中書趙國李詵女

君諱敬邕博陵安平人也夫其殖姓之始蓋炎帝之胤其在隆周遠祖尚父實作太師秉旄鷹揚尅佐擯殷若乃遠源之富奕世之美故以備之前冊不待詳錄君卽豫州刺史安平敬侯之子胄積仁之基累榮楨之峻特稟清貞少

播令譽然諾之信著於童孺瑶音玉震聞於弱冠年二十  
八而儁華茂實以響流於京夏矣被旨起家召爲司徒府  
主簿納贊槐衡能和鼎味俄而轉尚書都官郎中時高祖  
孝文皇帝將改制創物大崇革正復以君兼吏部郎詮叙  
彝倫九流斯順太和二十二年春宣武皇帝副光崇正妙  
簡宮衛復以君爲東朝步兵景明初丁母憂還家居喪致  
毀幾於滅性服終朝廷以君瞻思凝果善謀好成臨事發  
奇前畧無滯徵君拜爲左中郎將大都督中山王長史出  
圍僞義陽城拔凱旋君有協規之効功績隆盛授龍驤將  
軍太府少卿臨淄男忠勲之稱實顯於茲永平初聖主以

記十一上

舍石

二

遼海戎夷宣化佇賢肅慎契丹必也綏接於是除君持節  
營州刺史將軍如故君軒鑣始邁聲猷以先麾蓋踐壇而  
溫膏均被於是殊俗知仁荒嶠識澤惠液達於逋遐德潤  
覃於邊服延昌四年以君清政懷柔宣風自遠徵君爲征  
魯將軍大中大夫方授美任而君嬰疾連歲遂以熙平二  
年十一月二十一日卒於位縉紳痛惜姻舊咸酸依君績  
行蒙贈左將軍濟州刺史加謚曰貞礼也孤息伯茂銜哀  
在疚摧號岡訴泣庭訓之崩沈淚松楊之以樹恫抽絕其  
何言刊遺德於泉路其辭曰  
縣哉遐胄帝炎之緒爰麻姬初祖惟尚父曰周曰漢榮光

繼武邁德傳輝儒賢代舉於穆獻考誕質含靈秉仁岳峻  
動智淵明育善以和獎幹以貞響發邽邱翼起槐庭慶鍾  
盛世皇澤遠融入叅彝叙出左邊戎謀成轅幕績著軍功  
僞城颺偃蠢境懷風王恩流賞作捍東荒惠沾海服愛洽  
遼鄉天情方渥藺爵惟良如何蒼昊國寶淪光白楊晦以  
籠雲松區杳而烟邃藐孤叫其崩窓親賓颯而垂淚仰層  
穹而摧號痛尊靈之長祕誌遺德兮何陳篆幽石兮溪隧  
嗚乎哀哉

右誌石康熙十八年安平民於黃城崔公墓旁里許穿  
井得之三十年冬知縣陳宗石砌入鄉賢祠壁今石久

記十一上

金石

三

亡海內收藏家尙多有搨本近安平閻檢討志廉在京  
師見雙鈎本有跋云嘉慶中某令罷任携此石以去其  
文具見康熙安平志及孫淵如所輯續古文苑中茲錄  
存之石則不知何往蓋金石有時而敝惟託於文字者  
爲可久也敬邕魏書增崔挺傳孝文時兼吏部郎魏書  
不載碑云東朝步兵者卽史所謂太子步兵校尉也碑  
云中山王長史中山王英也史云英南討引爲都督府  
長史是其事也其拜征虜將軍大中大夫碑在延昌四  
年史云熙平二年其卒碑在熙平二年史云神龟中其  
謚碑云貞而史云恭皆乖互不合當以碑爲正

魏安東將軍孫公墓誌銘 今亡

趙明誠金石錄云孫公墓誌其名字鄉里年壽皆不載  
獨其末載贈官制書云故安東將軍銀青光祿大夫棗  
強縣開國男孫蔚知其名蔚又云歸葬於世邑武遂知  
其為邑人也案後魏書儒林傳有孫惠蔚其所書事迹  
與志皆合傳云先單名蔚正始中侍講禁內夜論佛經  
有愜帝旨詔加惠號惠蔚法師焉

東魏興和三年饒陽造像記

字闕一魏興和三年歲次辛酉二月癸朔二十五日丁卯字闕一陽

境內僧二百餘人等敬造玉像弥勒一軀上為皇帝陛下

記十一上

舍利

四

羣臣百官中為師僧父母下為法界含生為福受益一時  
成佛

比丘道林比丘惠法都唯邾比丘法徽比丘淨樹比丘智

薩唯邾比丘法湧比丘零海唯邾比丘道虔比丘惠澄比

丘僧照比丘惠字闕一比丘道察比丘道智都唯邾比丘字闕二比

丘字闕一比丘僧軋比丘淨智都唯邾比丘法虬比丘道智比

丘智字闕一比丘曇化都唯邾比丘惠祉比丘智最比丘智宗

比丘智賢唯邾比丘僧智比丘道字闕一比丘玄澄比丘智洛

唯邾比丘道珎比丘智字闕一比丘智湛比丘惠記唯邾比丘

智縮比丘字闕一比丘寶順唯邾比丘智蒙比丘道字闕一比丘寶

圓唯邾比丘惠沆比丘寶字 闕一比丘惠樂唯邾比丘法常比

丘智可比丘法汁唯邾比丘道字 闕一比丘智恩比丘法字 闕一唯

邾比丘智豐比丘字 闕二唯邾比丘道行比丘曇景比丘法才

比丘智冲比丘道雲比丘僧沛比丘道將比丘法僂比丘

寶遵比丘僧芬比丘智奉比丘智泮比丘僧幽比丘道永

比丘惠智比丘僧寶比丘法禳比丘道萌字 闕二道偉比丘道

承比丘僧淨比丘寶字 闕一比丘道育比丘光遠比丘寶賔比

丘智楷比丘法同比丘智遵比丘智攬比丘法循比丘曇

在比丘惠原比丘道芬比丘寶明比丘道泮比丘道宗比

丘零嚮比丘道幽比丘道澧比丘曇卷比丘道懷比丘智

記十一上 金石 五

勝比丘僧會比丘智珎比丘明達字 闕二道字 闕一比丘曇智比丘

道猛比丘法欣字 闕一丘智懷比丘智朗比丘明鮮比丘道江

比丘智御比丘智現比丘僧感比丘法彥比丘法澤比丘

智修字 闕二智字 闕一比丘智從比丘道倫比丘曇華比丘智蘭比

丘智光比丘零欽比丘道習比丘惠消比丘寶徹比丘智

變比丘曇畧比丘智檢比丘智宐比丘寶幽比丘零慕比

丘道暹比丘智高比丘法神比丘惠蘭比丘惠良比丘惠

暹比丘惠性比丘惠等比丘寶猷比丘僧了比丘智詳比

丘智業比丘道豫比丘潢徹比丘道洽比丘齊修比丘僧

燕比丘僧和比丘僧演

右造像記今在饒陽

闕名

村興和孝靜年號記云二月癸

朔二十五日丁卯蓋刻石時癸下遺脫卯字也題名借零爲靈聲近通假也佛法自漢已入中國至於造像則始於五胡時金石錄載浮圖澄於劉曜時造釋迦像此爲造像權輿然風流未廣元魏一代佛教極盛所集佛經至千九百十九卷僧尼大眾至二百万寺三万有餘史稱太宗崇佛京邑四方建立圖像蓋造像於是滋多矣自是以來有沙門統有維那都維那等目通典北齊置昭玄等寺掌諸佛教有大統一人都維那三人兼置功曹主簿等員以管諸州縣沙門之法其實僧統都維

記十一上

舍利

六

那皆起魏世魏書釋老志太祖皇始中有道人統後更名沙門統又延興二年詔民間不得容止無籍之僧若爲三寶巡民教化者在外齋州鎮維那文移在臺者齋都維那等印牒然後聽行是維那都維那其來已久據史文則州鎮維那不得稱都都維那惟臺省始有今饒陽一境而有都維那四人是興和時較延興之制逾濫也東魏武定八年謝智明造像記

武定八年三月廿一日謝智明先失像三 / 今敬造玉像

三 **聖**願充前身願居家卷属相將侍佛時資勝轉比丘尼

法

闕字

戴氏姊孀

右記在武彊吳家寺寺古資勝寺也記云前身蓋即謂前失之像其云居家即舉家居舉古字通借璠嬾二文皆異璠即軀字嬾當爲妹之別體昔歐陽公集古錄於隋以前不宥輕弃然頗病後魏北齊字畫劣而字法多異以爲夷狄昧于學問所傳訛繆愚謂此等特鄉曲俚俗所爲耳不關夷夏也武定亦孝靜年號魏書孝靜八年五月禪位於齊齊改元天保此記作於三月故仍稱武定八年也

北齊天保二年葛岳力造像記

大齊天保二年七月十四日佛弟子冠軍將軍廣武太守

記十一上

舍利

七

葛岳力敬造玉像一區願願託生西方妙樂國土龍華三會願在上首有爲居家眷屬忘過現在普同所願

右記在饒陽小堤村樂鄉寺天保齊文宣年號冠軍將軍魏書官氏志云從弟三品魏廣武郡治在今開封府中牟縣境齊殆因魏舊也此石刻願願連文蓋誤衍一願字以區爲軀以有爲又以忘爲亡皆借字所謂龍華三會者荆楚歲時記四月八日諸寺各設齋以五香水浴佛作龍華會以爲弥勒下生之徵也劉長卿詩支公去已久寂寞龍華會李乂詩三會禮香筵皆謂此也

北齊天保五年張市貴造像記

大齊天保五年歲次乙亥十一月廿日佛弟子張市貴造玉石像一偃上爲七世先亡己身父母復爲二亡弟神貴瓮生後爲居家眷屬願使亡者託生先方妙樂国土生生世世值佛聞法所願如是

右記在武彊北戴村福勝寺以偃爲軀市貴命名無義市蓋芾之借字而讀爲福徐福之爲徐市是其例也先古讀爲西西施之爲先施是其例也

北齊皇建元年劉米寺僧造像記

像主僧訓

四字碑額

大齊皇建元年歲次庚辰八月庚辰朔九

日戊子劉米寺僧訓敬造玉石像壹區上爲皇帝陛下師

記十一上

舍利

八

僧父母門徒眷屬普及法界衆生成同斯福

寺今仍名劉米在武彊像仍在寺自東魏孝靜興和三年至齊孝昭皇建元年九二十年僧俗造像之見存者五其亡佚而不見者又不知其幾也像教之盛於斯極矣

隋故蘄州刺史李君墓誌

君諱則字僧法博陵安平人其先爰自有周濯纓從宦降遠於魏封邑毀干遂乃隱德行仁西遊息迹非獨尹喜稗奇故亦宣尼表異但真人命卣冠寃蟬聯漢文筮仕膠西太傅至於貞靜自正難得而秤者矣祖厚河東郡守父穀



荊州司馬君宮宇冲遠稟操凝簡有慕夷齊之清常恥惠  
連之屈去開皇四年板授蘄州刺史本郡太守雖蒙榮煢  
非其雅尚君地望鮮莘音猷盛美白駒滿坐投轄盈廷鄭  
中尉好延豪桀方之薨如陳承相轍跡蹤橫詎足云比但  
蘭摧玉折霜露先 / 開皇十一年卒於家春秋八十有二  
於是相杵停音隣歌斷曲以大隋十二年十一月七日葬  
於安平城西北常安鄉仁義里所謂哲人云喪邑里興嗟  
式瞻往行傳之不朽鑿勒泉銘其詞云尔

望居隴右地據燉煌枝分葉散樹邑琳瑯仁堪懷遠威足  
摧對縉紳朝野冠盖周行遐哉蒿里邈矣幽扃泉門杳杳

記十一上

舍石

九

地戶冥冥長埋璧月辟掩珠星霏霏霜露君子先零挺質  
淹弘神資玄默仁讓兼崇礼儀稱則夕惕虔恭夙興温剋  
用著徽猷銘茲休德

右誌石初在安平西北河槽村魏氏宗祠同治十一年  
弓明經汝恒初搨紙本示州人人或欲多搨則村人祕  
之不能多也其後貴筑黃編修彭年纂輯畿輔通志摻  
采金石令村人送誌石於保定愛之遂寶蓄爲已有汝  
恒等時欲訟理使還安平議未定而黃已赴官鄂土展  
轉秦吳所至挾此石以往卒官鄂藩子亦繼殂今其家  
稍稍分散此石後時或爲礎爲礪爲階砌爲支牀之磚

殆不可復問矣金石者天下之公物而或私焉是欲以區區數十年之軀而長守千年不壞之物卒之此身既歸漸滅而前之千年不壞之物反因是而與之同盡是固是物之不幸而適與相值仰亦美好者之不能永存理數之必然者也於惑者何尤此誌叙李氏出於老子本史記而爲說多誤史記爲魏將封段干者老子之子宗也而此文云封邑段干遂乃西遊息迹似以封段干爲老子事誤一也史記宗子注注子宮宮玄孫假假仕於漢孝文帝而假之子解爲膠西王卬太傅此云漢文筮仕膠西太傅似又合假解爲一人誤二也李君卒於

記十一上

金石

十

開皇十一年年八十有二蓋生於魏宣武永平三年也其官蘄州刺史本郡太守本郡蘄春郡也隋志蘄春郡後周置蘄州惟此云開皇四年而隋志序云開皇三年廢諸郡是三年以後但有州無郡至煬帝乃改州爲郡矣今李君開皇四年仍爲郡守蓋三年廢諸郡時郡守職事併於刺史故刺史猶兼郡守也其云板授者則行臺承制假授猶漢尺一版拜用之遺隋百官志多有版官其來已久宋書王鎮惡傳鎮惡板授李方爲渑池令是其事也此誌石方一尺三寸額方六寸楷書徑寸字題額文中字跡多異官作 / 逮作逮遠段作毀毀德作 / 称

作禘冕作究聯作聰筮作莖傅作傅貞作真荆作荻遂  
作遂稟作稟凝作凝簡作簡望作望華作華美作茨延  
作延蔑作莖丞作承從作伎侵作侵停作停喪作巴嗟  
作嗟式作式傳作傅剛作對邈作邈冥作冥默作默休  
作休

唐顯慶六年造像記

顯慶六年作弥陀像一軀合家供養

右記無造像人姓名在 村

唐龍朔二年高舉隼造像記

龍朔二年十月高舉隼姊金英二姊阿奧三姊英女爲亡

記十一上

金石

十一

過父母敬造弥陀像一鋪見存供養

右記在涇州唐鳳村法寶寺變一軀爲一鋪

唐儀鳳四年馬君起造石浮圖記

原夫鷲岳馳靈馬鳴闡三乘之旨雞峯誕粹龍樹彰十地  
之資是以鳳塔凌空影照日宮之宇雀離架迴模標紺殿  
之規然則蔗苑疏流導祥河於少海嶠山發妙佢寶樹於  
王城睭迹遠而難徵至道幽而頗說酌而不測其在茲乎  
爰有石浮圖主馬君起爲亡考妣之所立其先扶風茂陵  
人漢伏波將軍隴西郡守新息侯援之後十一代祖遠字  
彥道雍州大中正金紫光祿大夫回官封武邑郡侯子孫

回家焉故今爲縣人也昔門傳兩靈圖表於射熊代蘊  
三神盛績光於錫樂謀深豹畧英聲逸於鑄銅思察龍吟  
令問興於紗帳高祖遊後魏大將軍益州刺史乘軒撫俗  
降瑞鹿於臨淮置水觀風格神珠於合浦曾祖和齊四門  
博士優游万卷沉思五車杏壇傾魯相之風霧市擅張公  
之則祖貴隨幽州薊縣令製錦宣功鳴琴贊務量屈涵牛  
道標馴鸚父海龍遊鄉長農夫荷德釃酒拍驩田峻銜恩  
**牲**祠已罄然則瓊柯遞照玉葉相輝擬楊氏之乘輪比袁  
門之襲鼎君起夙欽地藏早敬天經歎井**漆**之易凋愾塘  
駒之難駐弘心設福建此浮圖礱斲已終彫鏤始畢其地

記十一上

金石

十一

前聆趙瑟艷曲仍奢後聒燕哥悲風尙激觀津龙眺蔽日  
棲霞通澤右臨歆雲引霧對墳塋而棺趾蒿徑含悲俯燧

石刻元  
遺一字

以疏基棘心增痛度使醍醐廣潤慧炬高懸重昏登

夜曉之光幽陰闕一字惠齡之濟夫法從言顯文由頌作鎮天

街而永安侔幽坤而不鑠其詞曰

日宮肇構月殿初開雞峯建宇鷲嶽**疏**臺馬鳴繼出龍樹  
潛來**奠**燈廣照鳳塔虛迴實相空宗至真冥廓惠炬燭幽  
法音生鐸十地可三乘不落雀離今設福哉攸博猗歟  
令人美乎純孝痛深膝下悲申**蓮**教衣錦摧心風枝毀貌  
將酬冈極恕鏤微効

大唐儀鳳四年歲次己卯三月辛巳朔二十六日景午冀州武邑縣東昌鄉龍遊里馬君赧妻劉男思靜上柱國妻楊男名振軋芝挺振女同姬男思泰妻國妻張男元貞懿貞女齊姬男思恭妻蘇男文陳女郡希男徽欽兄妻馮男義節思慎弟妻闕一字男玄昉玄曠玄攬弟善師妻劉男定漢闕四字生等合家供養文林郎馬利徵文馬孝須書天皇供養天后供養

右浮圖爲石室而居像其中天皇供養天后供養八字平列在其前督而記文在其右壁浮圖傍有村今猶名馬官屯隸武邑北行五里爲涿州之三龍堂同治十一

記十一上

金石

十二

年知州吳汝綸與保定練軍營官副將史濟源移置涿州學宮後十年汝綸爲冀州武邑人誦州乞還浮圖於武邑涿州靳不予也記文完好字畫尤絕精海內傳寶之記中馴鸚疑爲馴雉之誤其云蒿徑含悲含誤爲舍又云俯墜以䟽基與上對墳塋而棺趾爲偶句則句中當有奪字也高宗儀鳳無四年四年即調露元年也惟改元在六月記作於三月尙未改元故稱儀鳳四年先是上元元年皇帝稱天皇皇后稱天后武后之志也魏齊以來造浮圖佛像多言爲皇帝薦福未有兼及皇后者獨此記有天后供養字是時武后執燄已薰灼海內

矣尾句以恕爲庶

唐景雲二年張難敵造像記

大唐景雲二年八月二十六日張難敵弟思礼闕四阿臘六

娘阿媼等爲亡妣敬造弥陀像一軀闕一二聖僧合家供養

右記在溪州 村張作浪亦異文阿臘阿媼當是難敵

女兄弟二聖僧上一字已泐僅存字首二點疑是并字

也媼字見集韻

唐武強令梁君德政碑今亡

金石錄云撰人名缺劉玄明正書垂拱元年四月

按金石錄梁君無名據陳思寶刻叢編作梁胙

記十一上

金石

十四

唐河陰太守皇甫君碑今亡

乾隆州志云皇甫名興先世爲漢冀州刺史故爲信都

郡人麻河陰太守卒於開皇中咸亨七年葬皇甫村明

嘉靖七年民發土得石送縣

京畿金石考云民得銘石弃諸野知縣張相聞之使人收其石至縣文字楷書

曉然可讀與州志不同疑彼爲得其實

至嘉靖十五年知縣馬充仍納故處尋被

水衝出居民移置遠村廟前今毀已久

舊志記興厯官卒葬當原本碑京畿金石考稱其官河

陰爲在魏世亦必有本惟誤咸亨三年爲咸通三年耳

至云碑陰預記發墓人名年數則是僞託不足信也

唐胡蘇令崔慎碑記今亡

集古錄目云紫微侍郎蘇頲撰慎孫太常博士璿八分書慎字行謹博陵安平人官至滄州胡蘇令其子暉神龍中爲中書令追贈慎幽州刺史碑開元三年立今集古錄目傳本云孫煜神龍中爲中書令案唐書宰相表慎孫無爲中書令者亦無名煜者孫煜當爲子暉之誤慎子玄暉初名暉也今定正

唐贈河陽令魏府君墓誌

今亡

乾隆州志云州東南三里許石槽魏村魏知古父行覽贈河陽令葬於此有知古自製墓誌今不存

唐饒陽縣令廳壁記

石今亡文存

記十一上

金石

十五

千里之外設方伯帥其屬屬有長今之縣尹

元闕

焉故縣之

度富尹以賢傑不可一日而塞也自齊桓匡合制我饒陽  
歷戰國以還遂美其城邑西迤全趙東拒河間燕之南郊  
冀之北土其有呂尙之遺風乎多奇士好帶劍侈服多佳  
人善彈弦踔躡其地虜口近擊柝之虞其川虜洳有泛舟  
之役廣輪七十里編戶二萬計行或擊轂市或駕肩日中  
奇贏雜弊爲竄機女狹其幅利染工多其姦色業不可廢  
訟由是興非夫寬猛以濟之則不能用又宵人課居異政  
固亦明矣我茂宰裴公河汾鼎族公卿門子識經之文緯  
之教纔設而耆幼歸心刑不施而權豪斂跡惠行爲膏雨

令出爲清風君子謂裴公於是乎君子其高蹈近岫翰飛  
清冥未可涯也余味之久矣豈縣公能事而屋壁不書召  
彼故老詢於前政莫知其數遠矣闕如權輿先天置郡之  
後凡名士改轉列于左偏庶幾將來亦可用勸

右記喬潭撰今從文苑英華錄出潭天寶十三年進士  
官陸渾尉見全唐文小傳裴公失其名饒之名邑始見  
戰國此文謂起齊桓不詳所本文中畧見唐時饒陽民  
俗也

唐故涿州刺史墓志蓋殘石

今亡

常山貞石志云石高二尺廣二尺篆書無年號明人刻

記十一上

金石

十六

其中以爲碑趺故僅存兩行十字之半曰唐涿州刺史  
氏合祔墓志在正定府舍利寺金牛禪師塔前

唐故清河張府君合祔墓誌銘

右誌石在安平角邱村龍母廟西壁其文畧云府君諱  
少隣字少隣漢張子房之後祖南勝父義通府君晦跡  
幽隱養志明時軋苻六年十月卒年七十八娶扶風馬  
氏同年卒有子八人廣明元年十一月葬誌文殊淺陋  
字亦劣唐季文學鄙樸殊無足觀以其舊物也錄之張  
君子孫已載人人譜茲不著獨有名佻奴者佻爲佛之  
別體字京口甘露寺鐵鑊有文云梁天監造佻殿前即



此字也

宋太平聖惠井磚銘

今亡

乾隆饒陽志明崇禎中路太常於饒陽城外東南隅建藥局啟土得甃銘有藥局太平聖惠井淳化壬辰平章昉十四字太常有刻記

宋天禧五年東嶽廟碑并碑陰題名

碑在今小趙里東嶽廟行書多剝落不可辨識大率社衆公建是廟其前後題記有涇州靜安縣魏公鄉孝仁鄉有東鹿縣瑯琊鄉有安平縣明德鄉樂安鄉其人有社官社長社政社錄大伯二伯理正廟子之稱其人名

記十一上

金石

十七

可識者已具人譜不重錄碑末天禧五十一月遺落年字

宋天聖十年尊勝陀羅尼經幢

幢石八面受字者四面元人剖此石爲安平縣尹王公墓碑之趺尤殘毀今可辨者八十六字其前有皇帝萬歲文武千秋八字題云天聖十年歲次壬申十月記宋史天聖無十年是年十一月以修大內成改元明道此石刻在十月未改元之前故稱十年也石今在安平西皇城王氏牆下

宋都水使者吳居易詩

義門寺詩 吳安持居易題

宿雲含雨柳依依古寺蕭條過客稀  
秋蘂滿庭紅不掃 祇應天女散花歸

義門古寺僻介遠村元祐己巳五月四日都水使者吳公奉詔過此留詩壁間屬吏慮歲久湮沒迺以其年九月九日刊諸石庶幾永其傳也平戎李夫書 安平縣尉呂清臣 安平縣主簿孫延 宣德郎知安平縣事兼兵馬監押韓綸立石 孫高刊字  
主寺僧重興

詩石今在安平東北義門村東聖寺吳安持宰相吳充

記十一上

金石

十八

子宋史吳充傳云王安石參知政事充子安持其壻也引嫌解諫職又云蔡確治相州獄捕安持考治所謂相州獄者相州民有訟事連判官陳安民安民甥文及甫充壻也求援於安持事見蔡確傳確治此獄欲以陷充賴天子保全之安持爲都水使者遷工部侍郎終天章閣待制嘗知蘇州東坡爲擬敕坡又有和安持迎駕詩安持妻亦能詩荆公有次吳氏女子韵二首元祐己巳哲宗即位之四年也其奉詔過安平大抵相視河流而史 / 不見

宋眞宗御製至聖文宣王贊

若夫檢玉介丘迴輿闕里緬懷於先聖躬謁於嚴祠以爲  
易俗化民既仰師於彝訓宗儒尊道宜益峻於徽章增薦  
崇名聿陳明祀思形容於盛德爰刻鏤於斯文贊曰  
立言不朽垂教無疆昭然令德偉哉素王人倫之表帝道  
之綱厥功實茂其用允臧升中既畢盛典載揚洪名有赫  
懿範弥彰 大中祥符元年十一月一日

元祐六年八月安平縣兼兵

闕

宋史眞宗本紀大中祥符元年十月封禪泰山十一月  
戊午幸曲阜縣謁文宣王廟此贊云檢玉介丘迴輿闕  
里是其事也禮志云詔以十一月一日幸曲阜月日與

記十一上

金石

十九

此碑合然則紀云戊午即十一月朔也禮志又言親製  
贊刻石廟中即此贊也贊云增薦崇名謂加謚也本紀  
是年加謚孔子曰玄聖文宣王則此贊亦當云玄聖今  
碑作至聖者則大中祥符五年十二月以國諱改謚玄  
聖爲至聖意改謚時御贊碑題亦必改書今碑爲元祐  
六年所立故稱至聖也碑首御贊二字篆額碑未安平  
縣兼兵以下文缺以吳安持詩石證之當云兼兵馬監  
押但未知其人仍即四年之韓綸否耳

宋諸葛鳳舉墓誌

今亡

乾隆饒陽志民得鳳舉墓誌云葬城西二里許平原里

誌字闕脫不知何代人

墓在今君道村村去今城二里許與誌無異今城乃宋城則鳳舉當爲宋人也

宋諸葛明遠墓誌

今亡

乾隆饒陽志載邯鄲人劉之江饒陽諸葛氏族考引墓誌云蜀諸葛武侯之後也今爲涇州饒陽人河朔強宗山東大族卒於大宋元祐八年

宋大觀聖作之碑

學以善風俗明人倫而人材所自出也今有教養之法而未有善俗明倫之制殆未足以兼明天下孔子曰其爲人

記十一上

金石

二十

也孝悌而好犯上者鮮矣不好犯上而好作亂者未之有也蓋設學校置師儒所以敦孝悌孝悌興則人倫明人倫明則風俗厚而人材成刑罰措朕考成周之隆教萬民而實興以六德六行否則威之以不孝不悌之刑比已立法保任孝悌婣睦任恤忠和之士去古綿邈士非里選習科舉不孝不悌有時而容故任官臨政趨利犯義詆訕貪污無不爲者此官非其人士不素養故也近因餘暇稽周官之書制爲法度頒之校學明倫善俗庶幾於古諸士有善父母爲孝善兄弟爲悌善內親爲睦善外親爲婣信於朋友爲任仁於州里爲恤知君臣之義爲忠達義

利之分爲和

諸士有孝悌睦婣任恤忠和八行見於事狀著於鄉里耆鄰保伍以行實申縣縣令佐審察延入縣學考驗不虛保明申州如令

諸八行孝悌忠和爲上睦婣爲中任恤爲下士有全脩八行保明如令不以時隨奏貢入太學免試爲太學上舍司成以下引問考驗較定不誣申尚書省取旨釋褐命官優加拔用

諸士有全脩上四行或不全一行而兼中等二行爲州學上舍上等之選不全上二行而兼中等一行或不全上三

記十一上

舍

二十一

行而兼中二行者爲上舍中等之選不全上三行而兼中一行或兼下行者爲上舍下等之選全有中二行或有中等一行而兼下一行者爲內舍之選餘爲外舍之選

諸士以八行中三舍之選者上舍貢入內舍在州學半年不犯第二等罰升爲上舍外舍一年不犯第三等罰升爲內舍仍准上法

諸士以八行中上舍之選而被貢入太學者上等在學半年不犯第三等罰司成以下考驗行實聞奏依太學貢士釋褐法中等依太學中等法待殿試下等依太學下等法諸士以八行中選在州縣若太學皆免試補爲諸生之首

選充職事及諸齋長諭

諸以八行考士爲上舍上等其家依官戶法中下等免戶  
下支移折變借借身丁內舍免支移身丁

諸謀反謀叛謀大逆子孫同及大不恭詆訕宗廟指斥乘輿爲

不忠之刑惡逆詛罵告言祖父母別籍異財供養有闕居  
喪作樂自娶釋服匿喪爲不孝之刑不恭其兄不友其弟  
姊妹叔嫂相犯罪杖爲不悌之刑殺人畧人放火强姦强  
盜若竊盜杖及不道爲不和之刑謀殺及畧賣總麻以上  
親毆告大功以上尊長小功尊屬若內亂爲不睦之刑詛  
罵告言外祖父母與外姻有服親同母異父親若妻之尊

記十一上

金石

二十一

屬相犯至徒違律爲婚停妻娶妻若無罪出妻爲不媼之  
刑毆受業師犯同學友至徒應相隱而輒告言爲不任之  
刑詐欺取財罪杖告屬耆鄰保伍有所規求避免或告事  
不干已爲不恤之刑

諸犯八刑縣令佐州知通以其事目書於籍報學應有入  
學按籍檢會施行

諸士有犯不忠不孝不悌不和終身不齒不得入學不睦  
十年不媼八年不任五年不恤三年能改過自新不犯罪  
而有二行之實耆鄰保伍申縣縣令佐審察聽入學在學  
一年又不犯第三等罰聽齒於諸生之列

大觀元年九月十八日資政殿學士兼侍讀臣鄭居中奏  
乞以御筆八行詔旨摹刻於石立之宮學次及太學辟廱  
天下郡邑二年八月二十九日奉御筆賜臣禮部尚書兼  
侍講久中令以所賜刻石通直郎書學博士李時雍奉勅  
摹寫 承議郎尚書禮部員外郎武騎尉臣葛勝仲 朝  
散郎尚書禮部員外郎雲騎尉臣韋壽隆 承議郎試尚  
書禮部侍郎學制局同編修官武騎尉隴西縣開國男食  
邑三百戶賜紫金魚袋臣李圖南 朝請郎試禮部尚書  
兼侍講實錄修撰飛騎尉南陽縣開國男食邑三百戶賜  
紫金魚袋臣鄭久中 太師尚書左僕射兼門下侍郎上

記十一上

金石

二十二

柱國魏國公食邑一萬一千二百戶食實封叁仟捌伯戶  
臣蔡京奉勅題額

此碑李時雍摹寫其元本則徽宗御筆碑額大觀聖作  
之碑六字蔡京所書君相皆以書名碑末請摹刻立石  
及於天下郡邑故至今所在多有王琴德所得數本往  
往別有書丹之人安平無有當是摹刻元本宋史選舉  
志云自元祐勅經明行修科主德行而畧辭菝及八行  
科立則三舍皆不試而補於是兩科相望幾數十年迺  
無一人卓然能自著見者而八行又有甚敝蓋後世欲  
追古制其難固如此今考此碑八行之科行之州學爲

三舍之選而州縣學三舍之法罷於宣和三年亦見選舉志自大觀元年至宣和三年僅十五年據此則八行之科行之未久而即罷而志乃云兩科相望幾數十年非其實也三舍之法起於神宗生員始入學爲外舍外舍升內舍內舍升上舍其意欲專以學校取士而元豐頒學令月一私試歲一公試間歲一舍試其試皆參以所書行菽紹聖初御史郭知章言先帝立三舍法以歲月稽其行實故入上舍而中上等者得不經禮部試特命以官蓋學校取人參考行實乃神宗舊制不始大觀也特大觀分列八行爲加詳耳且人在政舉無其人而

徒恃其法亦何爲而可哉徽宗嘗置詞學兼茂科矣亦未聞其科果遂得人也今時爲政者不求人爲急往往好爲條教夫不求人而但爲條教則徽宗八行之條教亦何渠不爲善法哉條教內有免戶下支移折變借借身丁之語所謂支移折變者據宋史食貨志歲賦之物其輸有常處而以有餘補不足則移此輸彼移近輸遠是謂支移其人有常物而一時所輸則變而取之使其直輕重相當是謂折變也所謂身丁者文獻通考云東南淮浙湖廣等路皆有之大抵多僞國所創初謂之丁鹽其後鹽盡通商而民無所給每丁仍增錢三百六



十謂之身丁錢大觀中始令三丁納絹一疋通考本建炎以來朝野雜記爲說也獨借借未詳其制宋史選舉志崇寧三年定增養縣學弟子員亦云內舍免戶役上舍仍免借借如官戶法殆亦賦役之色目也

金漫真村寧國院牒

尚書禮部牒寧國院

尚書禮部牒 涇州安平縣湧真村道院住持僧守一狀

告自來別無名額已納訖合着價錢乞立院名勘會是實須合給賜者 牒奉 勅 勅故牒 大定二年十一月二十八日令史向昇押主事安押中憲大夫行員外郎

記十一上

金石

二十五

李 郎中 侍郎 正奉大夫禮部尚書翰林學士承旨知制誥修國史王押

王琴德云大定初年寺觀納錢請賜名額之事金史無考今得於陝西者九十四碑據同官縣靈泉觀記云大定初王師南征軍湏匱乏許進納以賜宮觀名額若然是權宜之事非常制也其牒起大定二年迄四年大定二年但云已納訖合著錢三年以後則著明錢若干貫今此牒大定二年給者正云已納訖合著價錢與王所見畧同其牒末結銜與金石萃編所載大定四年高陵縣莊嚴禪寺牒亦畧同末云正奉大夫禮部尚書兼翰

林學士承旨知制誥修國史王押王即王競競字無競  
在金史文苑傳大定二年爲禮部尙書是歲兼翰林學  
士承旨修國史與此結銜正合競本傳稱其博學能文  
善草隸兩都宮殿榜題皆競所書中州集云無競善作  
大字趙禮部以爲古今第一手唯党篆差可配耳據壽  
公碑守一壽公師也

金寧國院壽公和尚碑

佛法流於世久矣始自釋迦氏闕一字教於西土哀憫一切有  
情降本流末示一乘之法權列爲三妙應無方眞慈廣被  
罄彼利鈍咸有歸依至東漢初法傳於茲土微言妙旨始

記十一上

舍利

二十六

得授聞達是道頓超彼岸後之學者言性者失於相言相  
者失於性更相訾毀離爲異門故其道若隱殊不知浮圖  
之道闕一字而一之邑人壽公和尚溪於是道師趙姓本居博  
陵鄉徐召村世業農桑師夙植善根氣質純厚天會三年  
師年闕一字十毅然有脫去塵累之志因遇溪公唯識大法師  
指陳道妙溪悟至言遂割愛辭親歸依三寶因擇茲隣村  
漫眞古道院而居焉寺業田園躬親給衆日嚴佛事定慧  
爲宗師心大而行密體卑而道尊四方善知識聞風而至  
者數十人日論大乘釋疑開益然亦拳拳於得善孜孜於  
嗜學至大定二年聖朝頒寬大之恩賜額度僧師復教弟

子禮師本院傳戒沙門守一大師訓名曰明壽所居道院是年伏蒙賜額名曰寧國院師因具戒受業於是院遠近相慶無不忭躍師資相承佛事繼興師行業高邁一性相之說開發後學不視文字懸判深微指羣迷爲正覺闕一字大闡爲闕一字明一日謂居衆曰體性而行成因相而教尊亦相須也今則寺宇寢久老而庠像儀殘缺心嘗隱忍欲拓而新之聿嚴勝事闕一字語諸鄉人之善者鄉人亦稔傳師德景慕既久相爲勸相由是遠近不勞祈請喜捨貨利委堂下者不可勝紀伐木輦土助闕一字施功經之營之三禩而成佛殿巍峩聖像嶷然於其中觀者無不做心而慕善左右廊

記十一上

舍利

二十七

廡二十余間以脩修習燕安之所寺業相承膏腴三十八畝園於寺宇植雜菓樹百余本蔬圃百畦四方遊學而至者咸有所濟度門人曰洪固具戒講圓覺經闕一字深於義趣洪固早殂有弟子二人曰福滿曰福延二孫服勤於祖與師無異和尚凡春秋六十有九僧蠟十七大定十九年正月十八日化於茲室嗚呼師之道業偉矣哉力少而功倍內逸而外勤壞衣不飭菲食不味精於梵行洞契眞源造一乘而得由匪得歷万行而修至無修動無不虛靜無不應究茲體用不可得也福滿嗣居法會欲廣其祖師之德以傳永久故爲序述始末俾刊之茲碑其辭曰 浮圖之

修釋迦爲宗教傳西土世賴其功奕奕千祀東震道隆微  
言妙旨垂世無窮時異道隱誰繼芳蹤性相一塗巧詆相  
攻雄師明壽與道相偶久馱塵累擇居林藪心大行密仍  
求師友洞契玄微克施訓誘欽授額名歌談鄉叟崇飾佛  
寺園修隴畝爰有其徒於世早殂繼繼二孫真風載敷靈  
光遍照終始如如庶補將來刻石存書 里人進士

劉叙撰并書承安二年七月三日立 功德主寧國院住  
持沙門比丘法孫福滿福延 朝請大夫前行涇州武強  
縣令兼管勾常平倉事騎都尉隆平縣開國男食邑三百  
戶賜紫金魚袋致仕辛居實 懷遠大將軍行涇州安平

記十一上

金石

二十八

縣令兼管勾常平倉事輕車都尉廣平郡開國伯食邑七  
百戶裴滿松壽

碑題云涇州安平縣博陵鄉湧真村寧國院壽公和尚  
碑碑今存村及寺名今皆未改和尚名明壽故稱壽公未  
結銜安平令裴滿松壽裴滿者姓也熙宗妃有裴滿氏  
碑以余爲餘以菓爲果皆俗字

金勤公灑師塔銘

銘刻剝落不可辨識僅可識者師氏韓父母送本縣覺  
慈寺三聖院法名道勤皇統三年六月十三日河間甘  
露壇受普度具自後周遊聽習依鎮陽僧錄判揔持大

德正雄識席下研窮性相因明雄識式時達解心印恒  
明惠劔常携自後耆老復加課誦承安三年五月染疾  
而故俗壽五十九僧臘三五權葬淺土末云建塔酬訓  
恩薦資西淨土則塔爲勤公門徒所立也今在安平城  
高福寺

金寶公法師塔尊勝陀羅尼經幢

幢石八面三十五行行二十三字承安四年立額云溪  
州天寧萬壽禪寺寶公法師普同之塔經題云加句靈  
驗佛頂尊勝陀羅尼經今在溪州某寺

金泰和造石獅記

記十一上

金石

二十九

泰和辛酉歲季秋月辛未日里記耳恒山董榮造

右記今在溪州某村其文不甚可解辛酉泰和元年

金安平進士題名碑

興定二年歲次戊寅三月廿五日行宮明俊殿試四月十  
二日丹鳳門唱第放詞賦進士六十二人內特恩五人內  
劉汝舟字夢德溪州安平人 明昌五年歲次甲寅文明  
殿三月二十五日試放詞賦進士二百二十一人第二甲  
十五人內王濟字亨甫溪州安平人 泰和三年歲次癸  
亥三月二十五日万寧宮承明殿試四月十九日放詞賦  
進士一百八十六人第二甲國溝字子揚溪州安平人

大定七年歲次丁亥三月 日放詞賦進士二十二人第  
三甲馬次周涇州安平人

右題名刻於宋大觀八行詔旨碑陰題額云金源氏登  
科題名由興定追溯大定而明昌泰和又順叙無義例  
也金史選舉志有詞賦進士有經義進士海陵天德三  
年罷經義專以詞賦取士大定二十八年復經義科而  
女真又有策論進士故此碑所記云詞賦進士以別於  
經義策論也碑云特恩五人考金史特命及第者謂之  
特恩興定五年經義進士於常格外多取十餘人上命  
以特恩賜第此碑特恩五人殆亦是類但史文畧不具

記十一上

金石

三十

耳金世科目得人爲盛然取士初無定額自大定四年  
敕宰臣文優則取勿限人數二十三年翰林直學士李  
晏言詞賦科不過取六七十人入仕者少今此碑大定  
七年放詞賦進士二十二人則視李晏上言時尚不及  
三之一也明昌二年章宗又詔會試毋限人數據承安  
五年宰臣奏大定二十五年以前詞賦進士不過五百  
人二十八年取至五百八十六人承安二年取至九百  
二十五人取人過涉泛濫遂定策論詞賦經義人數不  
得過六百人少則聽其闕當時宰臣所奏不言明昌此  
碑明昌五年放詞賦進士二百二十一人其額視大定

承安獨減也興定二年御史中丞巴古拉言今場會試策論進士不及二人取一詞賦經義二人取一聖訓依大定之制大定間赴試者或至三千取不過五百泰和中策論進士三人取一詞賦經義四人取一貞祐初赴會試幾九千人而取八百有奇則是十之一而已亦何嘗二人取一宜於會試前奏請所取之數使恩出於上詔集議卒從泰和之例今碑載泰和三年放詞賦進士一百八十六人以四人取一計之是赴詞賦者七百餘人興定二年放詞賦進士六十二人以二人取一計之是科赴詞賦試止百二十四人也興定二年距貞祐初

纔六年耳而赴試多寡懸隔如此豈貞祐以來日益危亂民生不聊之故邪抑亦史文之失實邪至碑所稱諸殿其万寧宮與文明承明二殿皆在燕京万寧宮京城北之離宮也見金史地理志其云行宮明俊殿丹鳳門則汴京也丹鳳門在南薰門北明俊殿後改爲壽聖宮金史地理志壽聖宮兩宮太后位也本明俊殿試進士之所其云行宮示不欲常居汴也碑不稱大金而稱金源氏蓋元代追爲題名矣

金石中

涇州風土記第十一中

元武強尉孫公墓誌銘

戊申夏六月丁巳武強尉孫君以疾卒誠其子繼賢等曰  
吾以先世之澤生而有幸四若等念之勿忘金崇慶末  
河朔大亂凡二十餘年數千里間人民殺戮幾盡其存者  
以戶口計千百不一餘而吾與存焉一也其存者又多轉  
徙南北寒饑路隅甚至髡鉗黥灼於臧獲間者皆是也而  
吾未嘗去墳墓且獲尉鄉縣二也當擾攘時侵凌逼奪無  
復紀序而吾四妹一弟俾皆以禮昏嫁若與世變不相與  
者三也平居非強宗世亂受侵暴宜耳而吾乃爲鄉人所

記十一中

金石

一

推得挺身樹柵保千餘家凡族黨媼戚皆賴以安全四也  
吾挾是以沒上有以承先人下以遺若等不恨矣遂卒卒  
十日祔葬范原之先塋後三十有八年繼賢狀其爵里誦  
所遺言請予銘按狀君諱善真定武強人祖泰父成皆業  
農蓄粟遇歲凶貸飢人不責償癸酉我師畧河間君始以  
所保柵埒大城以降得賜官修武校尉佩銀符後以功遷  
忠翊金亡始罷諸鎮兵有功者遂署本縣尉以終娶李氏  
周氏張氏男四人長卽繼賢奉訓大夫知陝州次繼勳行  
軍萬戶繼忠本縣諸軍奧魯長官繼貞都元帥府知事繼  
忠張氏出餘皆周氏出也周夫人年今九十尙康寧女四



人皆適令族孫男九人弼承信校尉行軍千戶佩銀符輔  
行軍百戶餘尚幼銘三章章八句

天開洪鑪若有所試彼紛枯芟祇以滋熾謂天不仁此獨  
何存吁此何希彼獨爾繁 紛如仆僵君身堂堂蕩焉崩  
離君閭熙熙吾幸所資一柵之力微有相之區區何及  
涼風至止繒纒不儲哀哀履霜兒寒何需有興吾詩孰不  
歛歔匪有所興一尉奚書

右墓誌靜修先生劉因撰誌文不著年月其云戊申者  
元定宗殂年金亡後十四年而宋理宗淳祐之八年也  
後三十八年爲元世祖至元二十三年靜修作此誌之

記十一中

金石

二

年也金崇慶紀元僅一年元太祖卽位之七年歲在壬  
申云崇慶末者謂衛紹王之末也自是後又二十二  
年金始亡故云大亂二十餘年也癸酉者元太祖八年  
也是歲拔金河北河東諸州而太祖自將破雄莫河間  
等郡此誌所云師畧河間者也元史百官志修武校尉  
從七品忠翊校尉正七品承信校尉正六品皆武散官  
奉訓大夫從五品文散官也元初以萬戶統軍而百官  
志無行軍萬戶之名而行軍千戶百戶則各衛所皆有  
疑繼勛之官亦行軍千戶作萬戶者誤也

元安平廟學聖旨碑

上天眷命皇帝聖旨諭中外百司官吏人等孔子之道垂

下闕 奉曲阜林廟上都大都諸路府州縣邑 下闕 世祖皇

帝聖旨禁約諸官員使臣軍馬毋得 下闕 褻瀆飲晏工役

造作收貯官物其贍 下闕 得侵斂所出錢糧以供春秋二

丁朔望 下闕 之士爲衆所尊敬者月支米糧優恤養贍 下

闕 後進嚴加訓誨講習道藝務要成材若德 下闕 肅政廉

訪司体覆相同以備選用 下闕 廉訪司宣明教化勉勵學

校凡廟學公事 下闕 事理照依已降聖旨施行彼或恃此

非理妄行國有常憲寧不知懼

至元三十一年七月 日

記十一中

金石

三

碑稱七月不著某日元史成宗本紀至元三十一年秋

七月壬戌詔中外崇奉孔子卽此旨也碑今在安平學

宮刻於宋眞宗文宣王贊碑陰下半剝落殘闕據元史

祭祀志成宗卽位詔曲阜林廟上都大都諸路府州縣

邑廟學書院贍學土地及貢士莊以供春秋二丁朔望

祭祀修完廟宇卽約此旨爲文又世祖本紀中統二年

詔宣聖廟及管内書院禁諸官員使臣軍馬毋得侵擾

褻瀆違者加罪此碑前引世祖皇帝聖旨卽中統二年

詔也邱瓊山言寧獻王箸通鑑博論云世祖信桑門之

惑闢儒道二教爲外學貶孔子爲中賢然則世祖雖立

廟學親釋奠要未一意崇奉孔子此成宗所以卽位之初首下此詔且稱述世祖詔旨以蓋前愆歟

### 元饒陽新遷廟學記

饒陽古稱名邑有廟學位西北隅禮義之風詩書之化薰陶素熟名臣輩出若唐相饒陽侯裔崔氏宋相李文定昉父子其表表者也金季兵燬鞠爲瓦礫獨大觀一碑存焉至元初蠡吾李公璧出宰斯邑首謀經畫會頻年旱蝗不果其後又更四政僅成一殿十九年邑人前浙江道僉事高公源方圖興學適趙元帥孫定興尹琰捐縣東北隅隙地一十七畝欲祀三皇方規措間而高公改河間都轉運

副使是歲冬唐縣劉公守德來任縣事下車之日究心學務乃與高公同心謀興建而廟之東隣趙榮祖又施東北隅地八畝以益之於是二公與邑之儒士耆舊會議衆論僉同以爲夫子舊宮湫隘囂塵未稱崇奉不若易爲醫學二家所施地二十五畝高明爽塏寬弘廣衍以營新廟兩得其宜遂列詞請於州於府於憲府用允其請仍許以農隙量民力爲之然後鳩工掄材百役俱興邑之士民趨事赴工無不忻悅是役也肇於二十三年仲春成於孟夏凡閱三月而宮牆數仞壯觀一時棟宇翬飛丹雘炳炳袞冕黼珪儼然素王之如在顏孟十哲像設端嚴大觀遺碑卽

遷於斯而又講習有堂儲藏有庫烹飪有庖廊廡泮水一  
倣古制歲癸巳構備員胄監而高公以廉能徵入爲都水  
使一日來謁且諭余曰吾鄉廟學創建有光於前請君記  
之余謂天下之事不振則不起不爲則不成特患乎任事  
之人立心不堅耳傳曰有志者事竟成試卽饒陽一邑言  
之爲邑大夫者若而人爲高公者若而人歷年之多卒不  
能創立學校以化於邑今高公劉公乃能有志於斯道締  
造營建振起而作新之使衿佩之士有所矜式皆爲鄒魯  
之俗將見儒風日興英才日盛必有人物如饒陽侯裔崔  
氏洎李文定公父子者出以副國家之用顧不韙歟

碑今存饒陽學宮碑元貞二年三月立王構撰高原書  
源構元史均有傳源已見人譜構字肯堂東平人歷事  
世祖成宗武宗其備員胄監不見於史

元寧國院珎公實行碑銘

碑今在安平漫真村題云安平縣西漫真寧國院故權  
講僧珎公實行碑銘南平福聖院講經論沙門南明撰  
興化院大休書撰人書人皆僧徒南明稱講經論沙門  
碑言珎公爲上座權講有年後諸叢林推爲講主其師  
笑曰惠珎斗筲之器寧有巨海之量珎因辭退蓋南明  
不甚服珎公之講故借其師語以相輕也珎公名惠珎

字彥美號寂軒邑民韓軍判子嘗修寧國院生丙戌卒  
至元戊子年五十九大德八年立石碑所叙本末如此  
戊子者至元二十五年也丙戌則金哀宗正大三年宋  
理宗寶慶二年也自丙戌至戊子蓋六十三年而云年  
五十九殊誤其稱南平者元太祖十九年改安平爲南  
平州太宗七年已復爲縣今碑立於大德而稱南平用  
舊名也

### 元安平縣廟學記

承事郎國子監丞趙居仁撰 將仕佐郎翰林國史院  
編修官狄思聖書 榮祿大夫平章政事議樞密院事

記十一中

金石

六

提調諸衛屯田事史弼題額

大德八年達魯花赤鐵木荅兒縣尹馬惟良主簿孫祖敬  
重脩大成殿講堂建鄉賢堂及東西齋廊六間公餘親視  
講論以勸後學通經者優其家於是鄉貢進士眞定府學  
錄李弘敬集衆儒生而告之曰白石抹公建學以來諸君  
相繼力善之勤不鑿石紀績則於卓越有爲者恐有負焉  
遂遣吾友嘉君伯祿之子瀄屬余記之愚謂天下之治路  
府州縣四者而已親民之職州縣尤切得其人則教化行  
而習俗美其功立見非其人則不能然也牧民之道曰庶  
富教三事而已安集系擾則庶矣勸率農桑則富矣謹庠

序之教申之以孝弟之義古之聖賢載在方冊見諸行事無所不備但人知而莫之舉行也爲守令者何以盡承泮宣化之責哉安平廟學金源氏亡掃地無餘是縣今之中縣古之博陵國也憲宗用武西南釣魚山時主簿程亨招延中牟王君玉先生教授此土余簞笈而受業焉見其人物井市比旁邑先富庶故有小燕城之號士子不下數十輩視他邑文風又先盛而其文廟則蔑如也每春秋丁朔望吾夫子行祀於諸儒之家以爲故事世祖建元以來祖述三代訖今四十六季惠音時降文治日新至元庚午趙州同知石抹山住來尹是邑教諭李曜首倡立廟學事訶

諸邑宰石抹公翕然而從之遂建大成殿三間縣人李琇李格與有力焉至元壬午教諭李曜覽其正殿堦庭繪塑文宣王顏孟十哲之像至元丁亥主簿中山李思義建明善堂三間至元戊子達魯花赤四十九經營大成門買置材木四千餘條未幾本官病卒至元辛卯達魯花赤刺速魯欲終前事率鄉之士夫鳩貲五百五十貫值改遷不果至元壬辰燕南河北道肅政廉訪副使東平呂遂按治至縣見東城雍熙門壞以樑柱盡付學俾備脩造至元癸巳達魯花赤站木赤乃克終其事爲門三間及賢廊十間大德改元縣尹高陽史玉繪七十二賢二十四大儒及鄉賢

李燮李覃李几李敬族李德林李百藥李安期李瀚李文  
博崔駟崔瑗崔寔崔州平崔洪崔鑒崔玄暉崔孝芬崔稅  
計四十四軸門以櫺星繚以周垣大德六季達魯花赤教  
化縣尹南樂蔣舉仁置禮器二百二十庖厨三間標置學  
田二百五十九畝所得租粟春秋奉祀餘廩師生今茲前  
後諸賢如出一律者秉彝好德同然固有之心也嘗欲挾  
脩策曳長裾追迹舊遊往觀盛事然去吾家百里俗累多  
縈不能決意而往乃今幸獲挂名廟庭豐石之側以慰素  
懷是以喜而書之不辭噫有學以成之而無以薦薦之而  
無以用用之不能盡其材使皓首窮經終身白面僕使之

下所謂豪傑猶興之士固無所議若夫凡民之初學信道  
未篤者恐或外慕鮮有不弃其學而趨他塗焉者矣此亦  
非州縣之所及已任是責之時賢當何如哉雖然爲士子  
者當以諸公之心爲心勉勉自力期於必成無以富貴利  
達爲事則其所至豈可量也哉鐵木荅兒扎刺兒台人氏  
前河津縣達魯花赤縣尹馬惟良字溫甫保定人也前吏  
部提控令史主簿孫祖敬字直中大都人也前膠西縣主  
簿教諭李曜字仲明卒郡人也今謚爲貞孝先生云大德  
歲次乙巳孟春日謹記

大德十一年歲次丁未二月丙申朔甲子曰儒學直學劉

秉彝等立

碑今存學宮碑後題名及碑陰人名分見官制人譜茲不重錄碑云憲宗用武西南釣魚山時卽憲宗崩年宋理宗之開慶元年也先是憲宗自將伐宋由西蜀入是歲圍合州六月崩于釣魚山見元史憲宗紀釣魚山合州城外山也碑內諸官及人名今元史語解所改譯均見官制篇碑所稱鄉賢多非此縣人李燮爲漢中南鄭人已見人譜安平李覃見魏文帝典論三國時所謂安平在今冀州李瀚五代薛史有傳非安平人安平有李澣爲同州司戶已見人譜不名瀚李文博北史云博陵人乃隋世之博陵在今定州水經注襄陽縣檀谿之陽有崔州平故宅此諸人皆不得爲安平鄉賢元人殆未詳考也碑云至元庚午者至元七年也壬午至元十九年丁亥戊子者二十四五年也辛卯壬辰癸巳則二十八九年三十年也史弼博野人元史有傳武將也

元杏壇碑

篆書杏壇二字題云闕里金國党懷英書大德丙午春家君尹青社時自闕里摹到今勒於博陵廟學明年九月晦日神川孫諧再拜書碑今存安平學宮丙午大德十年此碑十一年刻者党公官翰林承旨趙閑閑誌墓



云篆籀入神李陽冰後一人而已近張廉卿善書法目無唐以下人獨稱許党公以爲得古法宜當時之千里摹刻也

元提刑案察使王公神道碑

翰林學士承旨中奉大夫兼修國史王構撰 嘉議大

夫太子右諭德蕭欒書并篆額

至元丙子江左旣平我世祖聖德神功文武皇帝思所以偃戢武備休養黎氓詔分置路府州縣俾上下相維綱舉而條振旣又慮吏治之未孚民生之或隱遯於外而莫或能察也置提刑八道以之掌糾劾肅風化灼民隱而輯吏

治必擇清恪公慎挺特有夙望者以居其任若中順大夫海北廣東道提刑案察使王公綱其一也公三歷憲察自山東湖南徙廣東所至有聲不爲表暴自白之行資魁偉倜儻尙氣義平居樂易喜與士大夫遊言笑媿媿不倦及臨事則激厲自奮智畧叢出老姦巨猾不敢匿其情事有胥格不前人所咋舌莫能解者以身任之不憚疑獄折以一言輒得實至於苛碎之務則畧焉以故號爲知體湘俗富饒輕悍善訟且附款未久守令利其地率皆贓賄自恣公力革其弊犯者痛繩以法迄滿秩一道帖然廣東命下或勸以嶺海炎癘宜勿行公曰使受天子命往恤彼氓若

以炎癘弃之誰當往者既至宿疾作還至潭州以至元二十四年七月十六日卒旅次男思敬等護柩歸葬安平縣明德鄉皇風里西黃城先塋之側二十四年思敬自如皋承調官京師求紀行實以表墓乃卽其樹立大節有以見世皇之求治切用人審者先書之續按事狀綱其諱也字政之先爲淄川人祖諱德金末官長山令兵亂徙安平因家焉考諱義豐貲樂施閭里有善人之目妣蘇氏公少以刀筆試吏卽超出流輩不翫黻自汨天兵南下軍需倥迫界淮而北爲尤甚公從事潁州首言互市之法公私均被其利歲戊辰辟除漕幕以幹局稱辛未擢主行工部事初

城大都建立宮闕夙夜匡畫祁寒暑雨不少怠甲戌以功最遷兵刑部員外郎尋轉工部郎中諸路讞獄槩以平恕豪右匿平民爲奴公摘其實往往畏之歲饑白執政開倉以賑西姦擅利權蠹倖百出疏言其弊出倖益都淘金總管府戊寅超奉議大夫山東案察副使再轉廣東噫世之號爲吏者挾詐飾矯沾沾然以清潔自居諉以事則喪其所守或逡巡畏避苟延資級者有之若王公之克副其任風力挺著百無一二焉方其入貳右曹也人謂公顯用自此階矣不幸以議不合獲出旣出而厯憲察則其樹立表表赫於前聞謂公當不久復用矣不幸年止五十四以歿

烏呼天之報施善人者獨何在邪清恪公慎以之持身而效職者不足爲邪抑色蒼蒼而理冥冥者不可恃邪如王公何乃居之豐而報之嗇也雖然迹其所施洽于人心而有關於治體者百世不泯而壽不壽不論也夫人梅氏貞順有闡則男三長卽思敬忠翊校尉弋陽尹次思忠承務郎淮東屯田副總管次思敏女四長適劉弼次適張可菽次適眞定軍匠副提舉郭昇次適監万載縣趙澤孫男六璫璋琬璉瑜瑾曾男孫一其慶裔蕃碩流芳未艾數世而後襲忠孝之緒以大其家者不一二見欲知報施之理當於此觀之銘曰

弁以瑤纓佩則蘭蘅闊步青雲蜚英帝廷晉貳右曹屹不近名性匪物忤一主於誠人之望之必公必卿吮利自膏彼盜我貞出分繡指任也靡輕郢斤揮風庖刀發硎青齊湘廣隱其轟霆惟更有弊詐挾姦并文溪詆欺自謂莫傾君折以言其迹自明惟事有格蓬霄梗衡羣視拱手噤莫敢聲公禦以正其令自行噫嗟薄俗飾巧求贏心雖廉慕動則賄成澡躬以清百世所程又百千世無愧茲銘  
至大二年歲次己酉二月日男思敬思忠思敏建  
石匠黃山作頭楊玉高仲良孟温等鑄

碑今在安平黃城村元史王楙傳武宗卽位以纂脩國

史趣召赴闕拜翰林學士承旨此碑結銜正與史合蕭  
勳在元史儒學傳字惟斗奉元人大德十一年拜太子  
右諭德尋以病去關輔稱一代醇儒案史不記其去位  
之年此碑至大二年立蕭公所書是時蓋猶未歸也篆  
隸皆精好元碑之少見者碑稱至元丙子江左旣平是  
元兵入臨安之歲至元十三年也其云詔分置路府州  
縣元史百官志云世祖卽位命劉秉忠許衡酌古今之  
宜定內外之官其牧民者則曰路曰府曰州曰縣今據  
此碑則分置路府州縣在平宋之後非卽位時事史殆  
言之不詳耳所謂提刑入道者百官志國初立提刑按

察司四道八年十二年增置三道十四年增立入道曰  
江北淮東道曰淮西江北道曰山南湖北道曰浙東海  
右道曰江南浙西道曰江東建康道曰江西湖東道曰  
嶺北湖南道其後定爲二十二道十四年所增蓋平宋  
所得之地也王公三厯憲察其山東東西道則元初所  
置四道之一其湖南道卽十四年所置之嶺北湖南道  
其海北廣東道則二十年增置者也碑云二十四年思  
敬自如皋丞調官京師紀年疑誤王公以二十四年卒  
思敬方扶喪歸葬是年豈得調官京師此二十四年字  
當作後二十幾年字乃合耳碑云西姦擅利權蝨倖百

出所謂西姦蓋卽阿哈瑪特

元作阿合馬

阿哈瑪特以言利爲

世祖所任擢用私人不由部擬內通貨賄外示威刑後爲王著所殺世祖乃盡得其罪發墓戮尸事在元史姦臣傳以其回紇人故當時稱之爲西姦也碑云以議不合獲出亦疑有脫字當云獲罪而出

元贈柏鄉縣君盧君夫人墓誌

今亡

延祐五年袁桷撰文畧云盧氏家涇州武強縣金將亡徙睢州有曰全者掠爲奴子榮甫十歲行泣道上呼其父姓名所掠主義而歸其父復居武強長試吏爲縣從事時王君崇攝武強審盧氏子孝且吏能以女歸之生

四子叔曰廷信盧君卒夫人撫其子事其舅姑以壽終至元十三年河北道提刑按察司達於禮部復除其家至大二年夫人卒延祐二年廷信得贈其考奉議大夫趙州知州柏鄉縣子夫人柏鄉縣君四年來京師請銘文見袁公本集

元重修東嶽行宮記

碑延祐七年立今在小趙里題云眞定路涇州靜安縣魏公鄉小趙里重修東嶽行宮記鹿城逸人靈崑孫師本撰少府監修內司提領魏誠書丹篆額并刊又有碑陰記并題名其所記人名村名已分入人譜古蹟中茲

不復具列魏公鄉殆因魏知古得名者魏誠結銜稱少府監修內司提領案元史百官志至元十九年置大都留守司兼知少府監事皇慶元年別置少府監延祐七年罷復以留守兼監事此碑立於罷少府監之年魏誠之官則未罷時所得也修內司秩從五品屬少府監掌修建宮殿及大都造作等事修內司所屬有大木局提領小木局提領泥廈局提領車局粧釘局銅局竹作局繩局局有提領其秩從八品魏誠官修內司提領不知其何局也

元安平縣尹王公政蹟碑

今亡

嘗聞郎官上應列宿出宰百里得其人則一方受賜非其人則被其蝨况有明詔令各道憲司兼舉守令實古者遴選人材之意也至治改元之五月縣尹王公承命來尹是邑泣事之初問民疾瘼豪滑斂手善人獲伸剖繁理劇罔有稽違農桑勸學校修獄訟平四民咸熙政聲大著仲秋沙滋二水泛溢漂流民舍年穀不登公以艱食上聞燕南得賑米數万石蠲里閭泛役勸率豪右盡出贏餘減價賑糴羸癘不能自存者每旦以己祿米煑粥食之京師之右壽安山寺所用木植運官輦載泥潦盈途公以河道便易執論再三竟從公言大駕幸南臺山百邑騷動公曰未審

何路行俟到保定準備未晚後果從山後還人稱其識安平之稅歲輸武強暨公監視倉庫官吏無秋豪之犯和買諸物舊例加倍收受驛僮掎取使受買之家破產公盡革其弊泮宮講肆出俸錢新修退食之暇與士夫論說文義民頌其德憲司有滯獄皆檄公讞之遂以廉能聞饒陽視安平有中下之差每歲分飼馬數反多一倍隨言之府減去太半著爲定制建尉司於縣門之右以示警捕之威徙囹圄于廨宇之前以革脫囚之患邑居東西橫站南北要衝吏事繁劇咄嗟而辦讀書博雅筆翰如流稟性剛直杜門絕謁吏民畏服藹然有良吏風曾大父大父皆薊州節

度使父祐副京畿都漕運司事公以國子生累補是職諱從理字遵道薊州遵化人鄉耆賈儀張宗徐從義馬希驥等狀公政蹟詣敝齋求文欲紀石彰不朽予與公通家義不可辭故書其梗槩其辭曰猗歟王公釋民疾苦憫恤孤寡抑剝強禦遇歲飢饉建言申舉勸課農桑重新庠序流移招來田廬安處專向寬慈德孚刑去勵志澄清不爲小補允協民心髣髴召父善政三得清風萬古勒辭貞珉播揚寰宇

右碑載康熙安平志失撰人名氏王公以至治元年五月來尹安平文云至治改元則作於至治年間也至治

英宗年號英宗終於至治三年其幸五臺在二年六月碑云南臺卽五臺也然則碑殆三年作歟壽安山寺始作於延祐七年九月英宗卽位數月便建此寺嘗以諫造壽安山佛寺殺監察御史觀音保等旋增造寺役卒七千人冶銅五十万斤鑄佛像蓋英宗時大工役也碑云安平之稅歲輸武強與饒陽安平飼馬多寡皆元代掌故元史食貨志和糴有二曰市糴糴曰鹽折草率皆增其直而市於民於是邊庭之兵不乏食京師之馬不乏芻而民亦用以不困碑云舊例加倍收受則非史所云增直而市民用不困矣至於驛僧掇取受者破產史

家所未詳又史但言二事碑云和買諸物則不止市糴糧及鹽折草二端已也碑云善政三得得疑傳之誤

元孝感聖姑廟碑

碑至順三年立今在安平北門外聖姑臺東祁州知州聊城張穫撰文河東海西宣慰副使蠡吾陳珪篆額而書丹者爲奎章閣司籍泐其姓其名師一也安平自北魏地形志載樓女貴人神則未知其果何神也此碑載事狀云神姓郝氏耆宿相傳歸政鄉通各里會渦村人父諱義母張氏及笄父母欲嫁之以無昆弟辭不往父病疽發背吮其穢惡每夕祈禱願以身代未幾父病愈



人以爲孝感也父母終罄家資營葬合祔於所居村右廬墓側卒哭而後歸其事狀如此當元至順時仍云耆宿相傳此必唐末五代以來事故不見於記載也而碑又載寰宇記說神與鄰女樵採徐澗二水間河伯來迎仙於水府此則小說謬語殆非事實今寰宇記無此文而述異記有之謂是魏青龍二年四月十日事任昉述異記蓋已久佚之書世所傳乃僞託者不足據也碑又載光武避王郎抵會渦村人馬渴甚神擔水濟之故立祠而光武賜以孝感聖姑之號則尤爲里巷鄙瑣不根之談君子所不道矣碑云皇元丙午南平州帥趙澄惜

舊祠隘陋增構廟室椽題梁棟丹碧黝堊實全趙一偉觀至元初制命天下諸祠皆令長春宮揔之以故真人法旨遣道士王志均領其齋祀其云皇元丙午乃丙戌之誤元太祖十九年改安平爲南平州是年歲次甲申趙澄爲南平州帥當在此後越十年歲在甲午爲元太宗七年南平州廢復爲安平縣計南平置州十年中不得有丙午故知碑云丙午誤也長春宮者長春真人邱處機所居觀也處機元史有傳處機被元太祖徵至雪山行在還居燕京天長觀太祖廿二年丁亥改賜觀名爲長春宮詔天下出家善人皆隸焉賜金虎牌道家事

一仰處機處分元史畧不具事詳處機弟子李志常所撰長春真人西遊記是年七月元太祖殂處機亦死處機死其徒尹志平等世奉璽書襲掌其教四傳而有祁志誠勸丞相安圖元作安童辭位世祖問誰爲卿言此對曰祁真人當至元初長春宮真人不知其爲尹志平歟祁志誠歟抑別一人而姓名已佚歟不可詳已至順二年邸士毅來尹是邑又興修祠廟故逾年立碑碑云祁州知州撰文內稱安平爲本郡則是時安平仍隸祁州元史地理志安平太宗七年隸涇州憲宗在潛隸鼓城萬戶府鼓城中統二年爲晉州是安平始屬涇後屬晉未嘗屬祁惟武強云太宗十一年割屬祁州武強屬祁則安平饒陽亦皆隨屬祁矣史文不詳耳地理志憲宗在潛武強亦隸鼓城萬戶府是屬祁未久又割屬晉今據此碑則至順三年安平仍隸祁州武強饒陽當亦隨屬蓋中統之後又有改易史文亦未詳也

元安平李氏祖塋碑 今亡

此碑載康熙安平志不著立碑年月而列於歐陽玄所撰王氏世德碑之前蓋必至元以前物也撰人饒陽貢士梁維貞而梁氏祖塋碑乃不見維貞之名彼碑固有泐字也康熙志削其碑文但載其銘辭曰猗歟李氏作

善報祥昆季明達布德流芳惟木根固其支必昌惟水源深其流必長祖宗立業既嘉既臧綿綿延延惟賢惟良基固循理福崇守方子孫之睹此念念其勿忘

元安平王氏世德之碑

賜進士出身翰林直學士中大夫知制誥同脩國史兼國子監祭酒歐陽玄譔 賜進士及第前翰林脩撰承務郎同知制誥兼國史院編脩官蒲陰李齊書丹 賜同進士出身從仕郎衛輝路汲縣尹兼管本縣諸軍奧魯勸農事邑人王鈞篆蓋

至元二年秋九月中議大夫中山知府致仕王公思聰走

記十一中

金石

二十

書京師謂余曰思聰不敏承乏大郡非祖宗積德何以臻此敢以世次請先生賜之銘以表諸墓俾若子若孫不忘其所自則幸矣按王氏世爲淄川人曾大父諱德金末官長山令兵亂與妣孫氏徙眞定之安平因占籍焉長山明慎善施置雖當鋒鏑之際倉皇流離未嘗失所人以爲難一子卽公之大父也諱義娶蘇氏二子長曰綱中順大夫海北廣東道提刑按察使次日經卽公之父也後娶任氏一子曰紹綱娶梅氏三子思敬承德郎建康路判官致仕用廕例至也思忠承務郎淮東屯田副摠管思敏經娶范氏四子長卽公也次思温思明思齊後娶王氏二子思問

思善紹娶邢氏一子思恭公形模魁碩氣槩端凝事親孝不踰分讀書習吏業粗通大義至元辛未我世祖皇帝在御罔羅天下豪傑布列庶政公徒步至輦下司徒撒理蠻公一見異之命掌文涓從食祿有~~差~~大德己亥出副李二寺倉以平允稱壬寅遷玉沙尹再改廬陵邑號繁劇爲江右最吏以侮法侵牟詆給奸詐百出公洗手奉職勤于檢飭以破其計陰不得施往往散去人以寧便延祐丙辰以才幹選除廣州路推官屬縣豪右有誣民以徙罪者獄成煅煉彌縫無間可尋公疑而詰之竟得其實至治壬戌擢海漕干夫長涖杭秀等處佩金符服紫賞功也秩滿陞衢

州路治中積官至朝列大夫元統癸酉始涖政在官二年餘請贈未報以致仕歸實乙亥秋九月也公繇吏列官歷典郡縣禾嘗有驕色人亦喜其進拔無忌嫉者晚居鄉里恒若不足治家儉勤以約自奉下不敢欺凡族人貧不能自存者濟之孤無所歸者養之喪弗克舉者葬之人服其義僉曰王氏有子矣傳不云乎天之生物必因其材而薦焉惟公先祖父力業豐財樂爲施與咸有善行聞于時雖沈晦弗耀用不稱其德然鍾美於公所以厚其報者抑豈淺也哉公字德明思聰其名也娶馬氏繼博陵張氏皆卒又繼蒲陰張氏子男四人瑛玼琳璿瑛蒲陰氏出女四人

長適孫仲德次贅韓景德次適宋儀燕趙望族也一尚幼其條達夥茂支流廣衍書不能旣厥後繼公之志以大其族者不直一二而已姑錄其次弟以紀世德而繫以銘銘曰

王氏之先宅彼淄川桓桓長山安平肇遷種德曰邁美隕自天善積厥躬慶衍于傳有子超卓裕後光前進以刀筆不溺而援試爲委吏出納用平躋尹大邑克守且堅發擿奸隱撫字黎元讞獄廣海情僞灼然感其明恕恥知而悛課功褒擢服佩翩翩運給海漕謀用匪專貳宣弘化民無怨言晚脫軒冕小憇田園不奢不肆薄菲自賢積而不聚

記十一中

金石

二十一

排難扶顛怡愉婉順蘭玉輝聯惟忠惟孝以繼以全百世不朽德用以宣厚施必報理則凶愆謂我不信徵此銘鑿至元二年歲丙子冬十月日中議大夫眞定路中山府知府致仕嗣孫思聰建 黃山石師王禹刊

碑今在安平黃城村元史歐陽玄傳元統元年拜翰林院直學士編脩四朝實錄俄兼國子祭酒此結銜云同脩國史卽編脩實錄也王綱王思聰世以刀筆爲吏而能託當世名能文章者王楫歐陽玄等以傳而其碑至今五百餘年尚竝存不壞豈非幸哉李齊元史在忠義傳元統元年進士弟一知高郵府死張士誠之亂惟史

傳不載其爲翰林官又云廣平人與此碑著籍蒲陰不合考元史選舉志元統癸酉科廷試進士李齊等賜進士及弟出身有差志又云弟一名賜進士及第此碑于至元二年結銜稱賜進士及弟其爲元統元年進士弟一人無疑史不載其爲翰林畧也齊自稱蒲陰人而史以爲廣平人是史誤也碑所稱司徒撒理蠻公元史無傳百官志云元世所謂大司徒司徒太尉之屬或置或不置是撒理蠻所居官亦不恒有也碑云出副李二寺倉百官志都漕運使掌御河上下至直沽河西務李二寺通州等處僸運糧斛河西務十四倉通州十三倉直沽一倉惟不見李二寺倉是史文奪漏也當據此碑補正

元安平王氏先德碑 今亡

此碑載康熙安平志不著立碑年月而列於歐陽玄所撰世德碑後撰碑人陳儼不著何官志削其碑文但載其銘詞曰種穀不熟而猶稗莠矧弗育棺奚年之祈侃侃王宗福生有基植德奕世耳鳴孰知君昌而家有實有猗起部望郎爰度爰咨秋冬首曹中聽兩辭乃良其俘乃粒其飫職司其憂伸理巨欺提刑外臺耳目之司驄馬來東大體是持位望日重百纜一施丕祚有來是

以似之大書特書當竦異時我作銘詩殆先德碑據銘  
所稱蓋王綱也綱由漕幕擢行工部事故云起部望郎  
其云秋冬首曹者由刑部員外轉工部郎中也中聽兩  
辭謂諸路讞獄也良其俘謂摘發豪右之匿平民爲奴  
也粒其飭開倉賑飢也飭字見玉篇古文饑也巨欺卽  
王構撰神道碑所云西姦者也驄馬來東自山東轉廣  
東也綱事見蕭撰神道碑此碑不言綱死疑作於蕭碑  
前惜縣志不載碑文又不著年月不可詳矣  
元同知常興州事李公墓碑

五轉授忠顯校尉湖州路同知常興州事李公之墓至元

記十一中

金石

二十四

三年三月男李聚福立石

碑在今安平東北之段家左村李氏瑩元史百官志忠  
顯校尉武散官從六品諸州同知上州正六品中州從  
六品下州正七品常興蓋中州也今爲長興縣屬湖州  
府

元故長官李公碑銘

吾於眞定晉州之安平得一人曰李秀其族自唐以來爲

闕 屢代同居號爲義門公生於金承安二年十歲其父懼

亂軍 闕 公號痛欲絕卒以父之 闕 之淺土公至十四復被

禽掠彼兵欲害之問曰 闕 以戈投之仆地垂絕幸而 闕 逃

遁漸壯值我朝混一元帥趙公澄撫綏安平一見曰真奇才也於是辟爲左監軍領職以來闢土地招流亡安集勞徠至者如歸安平不數年民籍四百有奇屬於闕哈刺察兒大王舉公爲長官政美人懷過五十不仕謀歸父柩卽之幽宅又捐己帑建廟學及田闕頃令子孫闕舍後捐一亭宗族昆弟子孫歲時安集觴闕之情也憲使確齋苟公名其亭曰五老率明公賢士爲詩美之至元十九年七月二十七日卒壽八十有五葬於先壟之側娶馬氏慈順貞淑生六子曰榮祖琪珍炳裕禎皆終上壽琪生思敬字子欽有子三人友直友諒友聞思敬明敏個儻由兩郡長及

記十一中

金石

二十五

清河尹膺選除兩入廣海不避跋涉闕活五千餘人公所見闕不能有司請於朝以旌其門思敬壽七十有二授中順大夫同知杭州路摠管府事致仕懼久而湮沒請銘銘曰惟古制治褒德顯庸厥有常典光耀前風茫茫平陽乃得李公士服其節民懷其功蟄蟄子孫以昌以隆大元至元三年歲次丁丑三月甲辰越二十日辛酉中順大夫同知杭州路摠管府事致仕孫男李思敬等立石碑載康熙安平志志云碑見存今已剝落其文康熙時已闕脫不見李公字據嘉靖安平志知其字恭讓祀鄉賢也撰碑人陳顥康熙志不載何官亦不載書碑人名



氏今無可考碑云元帥趙澄辟爲左監軍監軍之官續文獻通考云元代無考金時元帥府置左右監軍此碑云辟爲左監軍當是元初沿用金制也碑云哈刺察兒大王者元史語解作哈喇徹爾太宗弟四子也元安平主簿赤蓋侯德政碑

此碑鼓城縣人馬雲從求文於張鳴而刻之石乃一人之私感也據碑雲從大父寄居鼓城戶本無籍冒屬所主軍戶老孫大延祐五年開封本籍宗人馬良卿詢訪雲從大父賚到執照取索差役錢三定元統二年亦然及雲從時老孫大之孫曰定安乃影占戶籍令雲從津

貼軍錢雲從自首實縣申州照籍而孫定安祖父孫留兒籍內并無雲從大父姓名欲收雲從爲民孫定安用錢幹到千戶所公文牒縣追徵軍錢鼓城達魯花赤忽都帖木兒徇私抑爲貼戶雲從赴憲司陳告事下安平縣縣令移主簿赤蓋侯鞫問得實申覆省部允雲從爲民簽允車站雲從立碑頌德事不足存然可考見當時戶籍大畧故坵箸之碑立於至正二年撰人張鳴殆亦鼓城人赤蓋侯以安平之官斷鼓城之獄而鼓城人頌之是可紀也碑又云赤蓋侯名存復字復初濟寧鄆城人曾大父寧國路摠管大父平江路同知侯通國字官

蒙古翰林書寫國監譯史陞今職

元饒陽梁氏祖塋之記

碑今在饒陽梁鑿村石中斷字剝落不可讀篆額人官及姓名皆不可識額爲梁氏祖塋之記六篆字撰人司廩名姓尙明整其官可辨者前進士奉議五字僉燕二字肅政廉訪司事六字據元史百官志奉議大夫正五品肅政廉訪司有僉事四員正五品此碑僉下有燕字以意讀之知爲奉議大夫僉燕南河北道肅政廉訪司事也其文畧可讀者云綱持其兄仲治鄉貢所序祖考世次踞而言曰家本農先人居此族屬實多有田足以

供衣食有力足以供賦役子孫繁衍知禮義皆祖宗劬善植德所致今新塋改建已久譜系不傳無以示遠敢以文爲請余嘉其意因諾不辭按梁本嬴姓其先伯益之後秦仲有功周平王封其少子康於夏陽梁山子孫以國爲氏綱之曾祖人號爲梁五戒三子曰德曰仁曰潤德卽綱之祖也生三子曰魯曰才曰和仁生一子曰鼎潤生一子曰瞻魯之子三人曰某曰某曰某才之子八人曰徽曰祚曰邃曰斌曰綱曰璧曰琛曰圭和之子三人曰大有曰質曰恕鼎之子四人曰鉉卽仲治曰趾曰鈞曰某瞻之子三人曰子輝曰子益曰子儀昆季詵

誅皆明達純篤始居梁鑿邨塋于邨之南旣狹隘再遷于塋之東北至是又改新塋實綱之父經始今葬爲初祖綱爲人謙和慎密思欲叙其昭穆使後子孫不忘余爲紀其實又系以詩其詩剝落尤甚可讀者有曰猗嗟維梁世蕃而昌綱也孝義鉉也才良璀璨新阡風水攸貞維祖考之藏子孫其勿忘其末云至正三年歲次癸未三月丁卯朔三日己巳建立石人亥孫梁祚恒陽石匠劉進鑄字皆可辨

元安平主簿楊君德政碑

今亡

皇元聖聖繼明損益百代官制稍革重遴邇民之選若縣

記十一中

金石

二十八

必立簿以貳其令由募軍課農而下凡政之大小事之巨細咸與焉故得人爲難而得民之愛慕爲尤難也安平密邇畿甸實真定劇邑地狹政繁率難於稱迹其廉能而才幹爲民之愛慕者惟楊君爲然君諱秉仁字思誠藁之右族讀儒書而通吏事由父廕授鉅鹿尉綽有能聲至正壬午冬來佐是邑時尹適以疾去任滌篆之初訪民利病務存大體不以察察爲明屑屑爲知其律已也端以潔其治人也寬以恕至於科歛賦調關防給納出入期會無毫髮計利病行私自便意廁其間故人不能干以賄吏不敢眩以僞門屏之間慄如也得不得不謂之廉歟其於民也勸諭撫

字未始頃刻忘凡獄訟之重輕明於剖決省繁冗懲貪暴以祛民蠹禁游惰寬徭役以蘇民力甫再月官府肅然人感其言服其化得不謂之能歟其事上也恭而近禮其御下也莊而不暴至於供億之浩繁差攝之叢冗循循於法度之中舉不勞而辦集自公退食勤於披覽手不釋卷講導辨析亶亶不倦其仕優務學勵風化又如此得不謂之循良歟若夫修築隄堰起津梁治溝渠平道路又政之緒餘是宜畧也甫二朞民庶僉議最君治行銘石示後乃推耆長崔榮祖等踵門再拜徵余文謹撫輿誦而爲之銘其辭曰猗博陵之爲邑實南平之故區井疆鬱其狹隘兮地

記十一中

金石

二十九

磽鹵而多蕪惟供億之殷重兮殆旬日而無虛嗟差攝之叢冗兮孰從事於勤劬惟君才之恢廓兮咸樂業而甯居偉贊畫以成功兮多內蘊之嘉謨人感德而不忘兮歌匪報于瓊琚勒貞珉以著頌兮冀永播于芳譽俾來哲之有徵兮尙砥礪於廉隅

右碑載康熙安平志撰人李溶不具其官文云至正壬午來佐是邑二朞銘石示後是碑立於至正五年也元安平縣達魯花赤撒兒塔溫公德政記

碑畧云至正二年博野蒙古氏撒兒塔溫繇拱衛百夫長來監安平縣縣屢荒歉民多逃亡稅額僅存虛籍歲

責鄉司償其數公考覈申除五百戶雇庸雜調朝徵暮杖公私俱因公檢戶饒乏不擾而辦常例歲冬御苑及侍從馬駝散處各州縣飼養園人覘吏民懦善者肆其貪縱公築院廐外設壕塹禁其出入糧芻給足驕橫者置諸法旁近游民假威羣圍往往持僞券蹂躪村落公嘗在禁衛知其根穴執其黨鞠責破券而遣之後有至者聞風越境縣南不能十里爲他郡界界上多營寨軍民雜居家務責鹽私販官莫能近公率勇健吏卒直抵其所按行搵索獲若干人而歸所司遣使持帛設宴以償其功朝省議立常平倉度地遠近設置公量宜經畫財

不虛耗民不蝨損而功完固民感其惠咸願刻序德政於是邑人劉居等請文于王鏞鏞嘗蒙公延置講授姑撫梗槩俾四方來治縣者將有徵于此焉 按康熙安平志不載王鏞何年進士據此碑自言領鄉薦乃至正四年碑內所言足見元季時政元史食貨志常平倉世祖至元時立今順帝至正中朝省議立者殆是修舉廢壞非創立也碑所記州縣養馬弊制足補史文之未備達魯花赤語解作達嚕噶齊撒兒塔温及武强學記之昔寶赤均已見官制門此碑立於至正五年

元同知杭州路李公夫人鄭氏合祔墓碑

大元中順大夫同知杭州路揔管府事李公封隴西郡君鄭氏之墓 翰林學士承旨榮祿大夫知制誥兼修國史張起巖書 孤哀子將仕郎太平路繁昌縣主簿友直承事郎隰州石樓縣尹兼管本縣諸軍奧魯勸農事友諒勅授臨洮府蒙古教授友聞立石

碑在今安平段家左李公無名據李長官碑名思敬字子欽也元史張起巖傳起巖初自禮部尚書左遷翰林侍講學士知制誥兼修國史後自江南行臺御史中丞拜翰林學士承旨知制誥兼修國史皆不著年月此碑稱翰林學士承旨當是自江南行臺入也史云右丞相

記十一中

金石

三十一

伯奇里克布哈再入相諷詞臣言臺章之非起巖執不可宰相表無伯奇里克布哈當卽伯勒齊爾布哈

原作別兒怯不

花其伯奇里克布哈原作別兒怯不花當是一人

其再爲右丞相在至正七年起巖爲承

旨亦必是時矣然則此碑其至正七年所立歟

元武强重修廟學記

武强古武遂也唐以來稱今名國初隸深今隸晉廟學在城之東南陬金季燬於兵至元十九年邑侯岳德潤始卽故址起正殿塑先聖先賢像厥後邑之監與尹稍稍各有營建殿廡門墉亦已畧具至正乙酉大水丙戌又水浸泊神座邑人欲爲朔望禮者雖知向慕不得已盡以望洋去

水既退枯枿棲于戶牖淤淖留於庭陞柱礎既擁門壁撐撥兩廊廡頽圯尤甚惟時主者視爲故常澆不加意至甲午乃得今南陽周侯名宗魯字邦彥爲之尹下車瞻謁深以爲懼有志修葺以軍務倥偬未遑也越二年丙申大熟侯曰嘻此其時矣乃謀諸監縣昔寶赤公遂慨然以倡邑之諸生起而助之者若干人鳩工庀材程功課役不懈朝夕起正殿廣各三楹宏敞堅整巍如翼如丹朗碧彰翬翔鳥革又撤舊殿材木應門高卑廣狹得正殿七之五神像之塵垢者新之賢廡之欹墮者理之闕中堂易櫺星起論堂修饌次師有居生有館然後繚以周垣蔭以佳植沉沉

肅清穆淵邃武強廟學遂爲燕趙之最經始於是年八月斷工於明年三月時繼志以內艱處鄉里訓導李儼仲威以學校之建莫若周侯之盛且備也徵予言以記之予以憂辭不得以荒菲辭又不得因有所感而爲之言曰古之興教化而實從者學校是也學校者彝倫所賴以序風俗所賴以美人心所賴以正邪說所賴以息先王所以承天立命化民成俗者於此乎在豈徒盛豆籩繁儀節以爲粉飾承平之具哉邇來泰寧旣久安而忘危武備不修文治日弛達官賢宦每自比於須達給孤以徼冥福視學校教化以爲是無關於政治也而置之一日妖寇復起竟執

左道以爲亂首大河以南江淮之上流血千里於誠不旣  
慘矣乎向使學校之教行彝倫序而風化美人心正而邪  
說息彼詖僻支離之說假福田地獄以誘誑我民者無自  
而入又孰肯與之同惡哉周侯以視篆倥偬之際供餽奔  
走之餘汲汲焉以興學立教爲重所謂弭患於無形銷亂  
於未萌化呻吟之苦而爲絃誦之聲較之摧強敵破堅陣  
執俘折馘以自售於首功之賞者其賢不肖何如也是爲  
記

碑今仍在武彊學宮撰人狀元牛繼志本邑人武彊舊  
志繼志甲午狀元卽碑稱周宗魯爲武彊尹之年順帝

至正十四年也元史百官志附錄選舉科目至正十四  
年三月乙巳廷試舉人賜薛朝晤牛繼志等進士及第  
出身有差云軍務倥偬者時天下已亂盜賊并起碑云  
妖寇執左道爲亂首謂韓山童李二徐壽輝等皆借燒  
香妖術聚衆也

### 元三皇廟碑

碑亦武彊牛繼志所撰碑云皇元混一函夏制度文爲  
夔超前古俾天下郡邑得通祀伏羲神農黃帝氏額其  
殿與門皆曰開天享以春秋季月所以示天下崇本反  
始淵哉遠乎元史祭祀志至正九年江西湖東道肅政



廉訪使文殊訥言三皇開天立極功被萬世京師每歲  
春秋祀事請如國子學宣聖廟釋奠遣中書省臣代祀  
儀制平章政事臺哈布哈原作大不花鼎珠原作定住等以聞制曰可  
此改定祭祀禮樂之由也至三皇立廟之始祭祀志載  
至元十二年立伏羲女媧舜湯等廟其神農黃帝立廟  
亦必在是時史不詳耳碑云天下郡邑得通祀據祭祀  
志始于元貞元年此廟縣尹周宗魯所修碑亦至正十  
六年立者

金石下

涿州風土記弟十一下之上

余集錄近代金石始意約取既又以謂五百餘年人文所繫不可輕廢往往過而存之因爲細書分注以列坵載之事好博者可觀焉

明洪武學校格式碑

洪武二年十月廿五日左丞相宣國公欽奉聖旨今後立學校春秋休要祭祀設科分教禮樂射書數恁每定擬來欽此會集省臺部官逐一議擬於十月廿七日早朝奉天門奏奉聖旨節該學校合行的勾當教秀才每用心講究著行欽此欽依會議定擬到各項事理洪武二年十一月

記十一下之上

金石

一

十八日中書省楊右丞陳參政睢參政右司郎都事禮部崔尙書於奉天門東板房內奏奉聖旨准教定立罪名同這格式各處學校都鑄在石碑上欽此

學校格式

一生員入學定例 凡各處府州縣責任守令於民間俊秀及官員子弟選充必須躬親相視人才俊秀容兒整齊年及十五之上已讀論孟四書者方許入學其年至廿之上願入學者聽在內監察御史在外按察司巡厯到日逐一相視生員有不成材者黜退另行派補 上項生員如果赴中書省相視誠恐路遠不便

一選官分科教授 禮律書共爲一科訓導二員掌教禮  
教律教寫字于儒士有學行通曉律令諳習古今禮典能  
書字者 樂射算共爲一科訓導二員掌教樂教數教射  
於知音律能射弓能算法者 上項訓導禮樂射書數律  
但是能一等或二等者從各處守令考驗各取所長相兼  
教訓 府教授州學正縣教諭掌講明經史務使生員知  
孝弟忠信禮義廉恥通曉古今識達時務及提調各科訓  
導教習必期成效 上項教官從各處守令于儒士有才  
德有學問通達時務者選充官爲應付行糧腳力悉赴中  
書省考驗

記十一下之上

金石

二

一生員習學次第 侵晨講明經史學律飯後學書學禮  
學樂學算未時習射弓弩教使器棒舉演重石學此數件  
之外果有餘暇願學詔誥表牋疏議碑銘傳誌者聽從其  
便 禮樂二事見行集議比後成書頒降習學  
一生員額數 府設四十員州設卅員縣設廿員  
一師生廩膳 每人日支米二升柴油鹽醬在內於本處  
係官錢糧內放支  
一學內設空閒地所以爲射圃  
一教官出身俸給嚴立等第如果教有成效異材出眾者  
不拘資格優加擢用俸給就於本處係官錢糧內放支

一生員入學姓名每季申報合干上司置立文簿附寫某府某州某鄉某戶

一守令每月考驗生員 觀其進退揖拜之節聽其言語應對之宜背讀經史講通大義問難刑律試其處決講禮務通古今寫字不拘格式審音詳所習之樂觀射驗其膂力又能中的稽數明其乘除口手相應守令置立文簿同教授紀載諸生所進功程如一月某生某科學不進則紀載于簿至此科三月學不進者罰此科訓導月米半月罰多不過一月

一監察御史按察司巡歷去處考試各府州縣教官生員

記十一下之上

金石

三

府生員十二員學不進者罰守令俸錢半月教授及某科訓導各罰俸錢一月廿員學不進者守令罰俸錢一月教授及某科訓導黜退廿員之上學不進者守令答四十州生員八員學不進者守令罰俸錢半月學正及某科訓導各罰俸錢一月十六員學不進者守令罰俸錢一月學正及某科訓導黜退十六員之上學不進者守令答四十縣生員六員學不進者罰守令俸錢半月教諭及某科訓導各罰俸錢一月十二員學不進者守令罰俸錢一月教諭及某科訓導黜退十六員之上學不進者守令答四十

一設學之後子弟習學各科限三年有成隸中書省者貢至中書省考試中選者就便量材錄用隸各行省者貢至各行省考試中選者貢入朝廷選用

一各處府州縣于洪武三年正月爲始開學務要實効責任所在有司守令正官提調在內監察御史在外按察司每歲考覈學生功課比上年有進有司官教官便是稱職若學生比上年學不進有司官治罪教官黜退

一學校生員每府四十名州卅名縣卅名府州縣各設教授學正教諭一員訓導四員今擬府州生員四十名者設訓導四員每縣卅名既有教諭又設訓導四員似爲員多

記十一下之上

金石

四

今擬州縣學正教諭外每處止設訓導二員其讀書生員如有增廣不拘定額及北平陝西河南地面人民稀少每州縣除學正教諭外止設訓導一員相應 欽奉聖旨今後教各府州縣儒學好生訓誨生徒每日講讀文書罷時于學後設一射圃教學生習射但遇朔望日子要試演過其有司官辦事閒暇時也與學官一體習射若有司官與那學官不肯用心教學生習射定問他每要罪過欽此一吏部議到學官品級先擬教授正九品學正從九品教諭授省劄今擬教授給與都省劄付學正在內授吏部劄付在外授行省劄付訓導授各府州付身先令試職三年

候有成效然後照依已定品級實授相應

一戶部議到教授學正等官改擬試職俱全訓誨生員所據俸給量擬教授月支米一石五斗學正月支米一石二斗教諭訓導各支米一石錢米三七兼支相應 奉都堂准擬 洪武八年二月日提調學校官奉訓大夫知真定府涿州事朱瑛等立石 將仕佐郎判官王鑑 權訓導魏素 儒士耿昕書

右碑今州學饒陽學并存州學碑故在舊城永樂廿二年移置今治饒陽格式條目已漫滅不可讀其碑首云真定府晉州饒陽縣承奉晉州指揮承奉真定府指揮

記十一下之上

金石

五

承奉北平等處行中書省劄付尚書吏部咨呈准禮部關洪武二年十月廿日欽錄到中書省案驗云云皆明初官文書體式此碑文已畧見學校門今錄存以見明世公牘文字梗槩蓋文辭不如宋大觀碑遠甚是後公牘盡沿此體大氏皆出吏胥之手視事者無復事文學矣而所謂聖旨則鄙俚尤甚自古王言無不馴雅雖前後五代其君往往武人而詔令必皆學士大夫所代撰類有辭采可觀誦獨元人起自塞外其入中國能習華語已甚難得於文辭義意則故苦不能入又慮潤色者之失其本情故徑用俚言俗語宣示臣僚在元世蓋不

足深論明太祖起自諸夏乃亦因襲不改是其失之尤甚者也其後宦寺傳宣則尤以俚俗爲綸綍矣碑所列事目明史畧不具其分科用禮樂射算書律六者蓋後世車制異古御非士人所重而律則治世經法不可不讀故去御增律明史選舉志乃謂以禮樂射御書數設科分教是史誤也史又云生員雖定數於國初未幾卽命增廣不拘額數不知生員如有增廣不拘定額已見此碑亦史文之疏碑載教法視太學爲簡畧其云講明經史不著何書明史載太學之制則自四子本經外兼及劉向說苑百家之書衆矣而獨稱說苑甚非謂也碑

云寫字不拘格式太學則每日習書二百餘字以二王智永歐虞顏柳諸帖爲法意天下學校當畧同之碑云府州生員四十名者設訓導四員每縣訓導四員似爲員多擬州縣學正教諭外止設訓導二員案前云生員額數府四十州卅縣廿今此文府州州縣辭不明晰史云訓導府四州三縣二當以史文爲正是時蓋將取士於學校明年特設科舉科舉之制始興碑稱左丞相宣國公者李善長也中書省楊右丞者楊憲也憲後賜名曩陳參政者陳亮也睢參政者睢稼也右司郎都事失其名其官丞相屬也禮部崔尙書者崔亮也時尚仍元

制設中書省其後久之裁中書省而有殿閣大學士之制而政歸六部矣是明官制之變也

明太祖御製厲壇碑

碑見武強志云據舊縣志考明史禮志不見御製厲文事

明知州清江蕭伯辰詩刻石

我本布衣士老忝溪州牧溪州古名郡人涓壤肥沃滹沱引清漳當春波漾淥紫金屬大行晴天給遐矚地昔值炎劉中道失其鹿真人渡凌消麥飯果枵腹東南渺房淵祆螭肆狂毒陸澤舊經營吳莊新卜築義門五季間六世同一族至今孝義鄉過者起敬肅宋代歐陽珣議和竭忠告厲氣奪三軍引領甘受僇貞節聳清風孤墳照人目山水

記十一下之上

金石

七

鍾秀靈閎閱多喬木國朝重科第文采紛郁郁或贊戶工曹或榮署光祿里巷絃誦聲芹宮日聯續濟濟信莫量綿綿繼芳躅行春出郊墟駕言訪民俗飲馬臨川流褰帷駐林麓桃李自成蹊錦雲爛原陸陌上藹桑麻隴間雜禾菽租稅甲它州輸期不受促時和歲屢豐居人樂生育茲邦遺蹟多麓舉難備錄聊賦溪州行浩然歌一曲

右蕭伯辰溪州行詩石今亡詩

載舊志詩云或贊戶工曹或榮署光祿今可考見者惟尹具瞻爲工部主事其戶曹光祿署皆佚其姓名

明溪州遷城記

碑今亡文載州舊志大學士金幼孜撰不著立碑年月據明史宰輔表永樂十八年金幼孜爲文淵閣大學士



其前但爲翰林院學士不爲大學士今稱大學士碑蓋十八年已後立者文畧云永樂八年友人蕭公伯辰來理涇州州卑下雨潦驟至水入州壞公宇民舍公始至相地得距州可卅里曰吳莊者宜爲州謀之父老皆大悅卽日疏聞於朝以永樂十年七月旣望告州人而遷焉凡聽事廡宇社稷壇壝皆公所經畫不以纖毫累民間爲余道其事且命爲之記因述公遷城大畧俾來者有所考覽

其後嘉靖十三年知州官一夔修城大學士夏言爲記其文曰

記十一下之上

金石

八

涇州城故上下惟土也夏潦秋霖尋至崩泐惡於渠邱嘉靖十二年九月平度官侯一夔知州事至則蚤夜跂厲撫瘼恤隱謂城郭不完其何以守亟請於撫按諸大吏遂備粟若干石以始興築視民力上下田賦多寡授之丈尺以均其徭令旣下風馳電激大小奔走莫敢不供伐石運甃荷鍤負杵道路相屬未半歲而工告成凡用石之工若干木之工若干金之工若干徒若干土石鐵木麻枲之數若干城環周九里高三丈厚視高加五尺而殺其上得厚四之一焉甕城陴堞皆易土以甃鑿石爲樞冶鐵爲扇啟閉有則懸以飛橋塹以重濠發號之亭邏卒之舍睥睨樓櫓

連鞬飛礮靡不畢具經始於十二年八月明年三月訖功於是筮吉日陳鼓吹登城合賓從僚吏以大落之既事父老士大夫相率具狀走京師請文刻石余惟溪之爲州平原曠野無山谿之險北接京師外控諸郡而俗多強獷車騎易馳非有城郭足恃小有盜警卽遠近奔竄莫與爲守傳曰恃陋不備罪之大者也備預不虔罪之小者也若官侯者可謂知重民者矣法當書遂書其始末以告後之人

碑今亡文載舊志明史稱夏言善屬文以經濟自許觀此碑後幅所論蓋夏公自作非他人代筆也及萬厯廿七年涇州改甃磚城并陘道鄭一麟撰碑記略云涇州永樂十年遷治吳莊時猶未及城至景泰間方舉城事然率用土遇雨卽傾以故工役不息萬厯廿三年張子來守怒然憂之廿五年傾圮益甚積沙與城平於是具文上請御史大夫李公檄下令改甃磚君會集父老陳利害因蠲俸錢召陶戒工起西城城廿餘丈有監生謝師教者與同志數人城六十餘丈御史大夫發帑金二百兩直指喬公監軍大

記十一下之上

金石

九

夫吳公刺史楊公各助金有差於是州民奮興畢集城高二丈六尺基厚二丈八尺而縮其上女牆隍池護隄池外重樓飛橋翼然并建四隅又爲角樓經始戊戌六月落成己亥四月惟溪界大陸當滹沱漳之衝爲畿輔重鎮使無崇墉堅壁一旦奸宄卒發何恃以無恐余代吳公入鎮甫下車喜觀其成君旋以治績遷去新守金君不欲湮沒前美請紀其事因書其始終聞見之實俾勒石以詔來者張子諱鳳翼陝西長安人碑蓋萬厯廿七年立新守金君應鳳也廿七年任鄭公山陰人不見畿輔通志通志有并陘兵備鄭麟疑卽此鄭公而麟上誤奪一字耳文云御史大夫謂巡撫都御史云直指者巡按御史云監軍大夫者并陘兵備道也畿輔通志万厯朝爲巡撫者有李已磁州進士李尚智屯留進士李盛春蘄州進士不知所云李公何李也喬公通志有喬允升云洛陽人卅四年任今此碑廿五年已有直指喬公則通志卅四年當係廿四年之誤據此碑喬乃巡按眞定等府通志列之宣大巡按亦誤不然則是別有一喬公而通志失之也碑云余代吳公通志并陘兵備道鄭麟前有吳道行濱州進士刺史楊公疑刺史當作太守蓋眞定知府也畿輔通志萬厯朝有眞定知府楊邦憲巴縣人殆卽此文所稱楊公歟脩城之役多不撰碑記舊志所載蕭伯辰後景泰初知州喻彤始創城塹成化初尤瓛增築周九里建樓於門正德四年韓琚重建東南二樓六年李鴻增置樓櫓墩臺四關設門以備防守官一夔後嘉靖間余一鵬環城築隄防水張光漢程道東相繼增脩萬厯六年劉應民增高培厚此皆張鳳翼以前隨時補苴皆任事之君子也附記於此 錄碑畧依年月先後其事同者則以類從不以年次細書附注其文字美好者別行大書

以便省覽

明溪州遷廟學碑

溪州廟學在舊治城西北隅洪武甲寅知州朱公瑛創建至永樂壬辰罹水患江右蕭公伯辰知州事遂聞於朝遷州治於吳莊後閱十餘載廟宮未移永樂甲辰春正月諸生竇啓集眾士而謀之請於州之長佐始成斯盛舉不踰月而祠廟聿新望之轟然而輪奐矣噫創始者前人也繼之者則在後人興廢之由原於天而成於人固若是夫余忝司郡教媿未效分寸力欲使來者知創述之艱故記其顛末如此

碑今亡文見雍正志永樂廿二年立撰碑人學正蕭友信衡陽人永樂八年任碑云甲寅者洪武七年壬辰者永樂十年甲辰永樂廿二年也

明溪州儒學題名碑

記十一下之上

金石

十

大凡君子之處世貴乎名實相稱欲名實相稱在文章事業炳著於當時也溪州始遷治時知州蕭公伯辰見州治東地勢高爽建爲學宮其後英才蔚然繼起或登庸於廊廟之中或靖共乎殿廷之上或司耳目之寄或掌珍羞之膳出爲守令德政彰於時職任教學模範表於世揆厥所由則朝經暮史左聖右賢從事乎博文約禮之誨有是實而後有是名也今廟學一新苟不列其名而表彰之即後學何勸謹考儒學起家名實足光此州諸君臚舉姓氏使來者興起焉

碑今亡文見雍正志亦學正蕭友信撰蓋移廟學時所記題名諸人志未備載碑云掌珍羞之膳即蕭伯辰詩所云或榮署光祿者惜其

姓名今不可考

明贈南京戶部右侍郎張公墓表

右文謝璉撰無年月張公鳳父禮科給事中益也其死事在永樂八年文

稱贈南京戶部右侍郎考明史張鳳傳正統六年改戶部右侍郎尋調南京景泰二年進尚書據此則益贈南京戶部右侍郎當在正統六年以後景泰元年以前墓表蓋此時立石今亡安平志不載全文其畧曰嗚呼人之有生莫不有死然有得其死者有不得其死者所處合乎義而遭逢不測隕身於難雖陷于水火盜賊得命之正也亦何憾焉顏杲卿之死于節張巡許遠之死于忠王彥章之死于戰是皆得其死故史臣皆取之以勵忠節苟不由義而昌恥以偷其生縱沒正寢君子鄙之若公之死忠在朝廷誠孚遠夷天語褒嘉與日月爭光蓋得其死者與易曰王臣蹇蹇匪躬之故公之謂也令子進位名卿顯榮光大曾亥日眾久而彌昌則天報施于公之後人寧有既乎

明尚書王直王英詩刻石

地古川原壯城荒市井存人烟疏映郭樹色遠連村禾黍

秋雲繞牛羊日暮喧依然問風俗淳樸似桃源

過涇州故城

蕪蔓

渺何許迢遞帶斜暉棲鳥夕知倦行人暮欲歸渚寒沙影

靜天闊樹光微回首饒陽道霞明桑葉稀

登蕪蔓亭已上王直詩

長河二

記十一下之上

金石

十一

月半雪霽斷冰開但覺波濤至猶疑風雨來飄搖野艇渡

蕩漾白鷗回望極平沙際春光淨綠苔

溱沱河

春風博陵道惆

悵渡河梁積水通瀛海遙峯接太行荒城多古屋遠樹半

斜陽野老閒相問猶憐舊種棠

過博陵

傳道層冰合翩翩漢騎

過山川猶自昔風景近如何草樹含青靄鳧鷖沈碧波渡

頭斜日暮處處起漁歌

晚駐凌消村

已上王英詩

石今亡詩載州舊志不著年月王直字行儉泰和人官吏部尚書兼太子

太師謚文端王英字時彥金谿人官南京禮部尚書謚文安二公皆永樂二年進士當時齊名人稱二王直為東王英為西王在州所為詩初疑其同時唱和據直詩有禾黍秋雲繞之句而英詩云長河二月半則遊不同時蓋先後過此直詩題云過涇州故城當在蕭伯辰遷城後蕪蔓亭嘉靖時始興復巡撫胡汝輔為記稱舊志云遺址濛沒漫不知何在故直詩云蕪蔓渺何處其題為登蕪蔓亭登疑訪字之誤二公麻官見明史舊志於王直云太子少師於王英云吏部尚書並誤

明都憲蕭啟弔宋歐陽監丞墓詩刻石

歸朝駐節真定行臺閱郡志載宋歐陽監丞

珣

墓在涇州

治之南監丞吉安人爲南安錄事靖康中論和議忤時相  
出使河朔不屈被害葬此予以同郡後生成律詩一首寓  
感懷之意時景泰己亥秋七月七日也

歸朝駐節在行臺郡志時時一展開見載吾鄉先達事乃  
爲昔日宰臣摧議和大節終難屈臨死丹心誓不回遙望  
涇州高冢處令人懷感重徘徊 同郡後學蕭啟題

都憲廬陵蕭公啟昔奉勅巡撫山西清才碩望久揚中外  
今適朝道經真定駐節憲臺賦詩弔宋將作監丞歐陽公  
之墓其情哀其事激其詞可遠追古作者公總憲度遇太

記十一下之上

金石

十一

平何以如此蓋有激於當時謀謨廟堂者不能用忠言而  
必擠之死地持祿誤國遺臭青史曾愚夫豎子之不若斯  
誠有關世教郡守李侯善命工勒諸堅珉樹之祠墓用垂  
不朽俾予跋其顛末後之過監丞墓者亦將有所感發云  
景泰六年八月朔真定府儒學教授會稽鄭貞跋 賜同  
進士出身真定府知府岐山李善同知姑蘇陸嗣昌立石

歐陽珣墓與事蹟己見古蹟門乙亥即景泰六年啟不見畿輔通志蓋自山西巡撫歸  
朝非畿輔官也李善亦不見通志則是志家闕佚矣啟詩蓋有憾於時相故其言如此  
石今存舊城歐陽祠中其後万厯中有井陘道鄭一麟寄題涇州歐陽監丞冢詩云宋  
運昔不振虜執日以猖廟算希苟安和議良非長偉哉錄事論憂國何激昂遂爾忤時  
貴銜命赴邊疆邊疆虜圍中城守士氣強使申割地旨易詞勉綱常觸怒軀爲焚九死  
庸足傷孤墳古城畔數尺凌連岡未散忠義氣星斗爭光芒結銜賜進士出身大中大  
夫奉勅提督三關整飭井陘等處兵備山西承宣布政使司右參政山陰鄭一麟書後  
有跋云涇有歐陽冢賴景泰朝蕭都憲公啟詩以存至今有祠不佞涇涇庠申請建祠

學宮已列祀典誠恐舊祠之復荒也偶檢志有兵憲鄭公詩又因汾州太守張君才安率眾修祠告竣鑄之石上仍爲扁以旌奉祀義民垂永久云万厯四十三年乙卯季冬宛陵蕭思似立石鄭以万厯廿六年到任此時去位已久蕭君追刻此詩蕭云偶檢志者劉應民修志在鄭未來時是後無修志事鄭詩入志或者其眞定府志歟鄭公結銜并陘兵備山西右參政明史職官志所稱守巡諸員無所屬則寄銜於鄰近省布政司此類是也入 國朝道光三年知州張杰撰歐陽祠碑又議祠祀條例六則一令近祠十六村選人經理祠祀曰趙邢村張賈城西村祖程城西村閻王城西村閻習圖村劉趙張李馬頭村隄上村城東村五龍堂村一令祠旁藥王廟道士守祠應脩補者會集十六村議辦工大則募捐爲之一祠春祭二月秋祭九月知州親往主祭有事則學官代往一祭祀資用有趙家村邢家村大隄上村英武村承種書院馬厰地二頃四十六畝畝租制錢三百五十文令畝提制錢百文共廿四千六百文置備祭品一每祭定制錢十二千猪一以八十觔爲度羊一以五十觔爲度餘品務取精潔一與祭人各助制錢百文祭後受昨每席六人此六則亦刻石祠中

### 明英宗賜祭南京兵部尚書張鳳文二首

右二文刻石在安平東南李莊張尚書墓上均

見名宦門事在天順五年

### 明南京兵部尚書張公神道碑

記十一下之上 金石

十二

碑大學士李賢撰今亡安平志獨載其銘詩已見名臣門鳳事安平志與明史詳畧互異史稱鳳故人死聘其女爲子婦教其子而養其母終身同學友蘇洪好面斥鳳過及爲鳳屬官待之如初此二事志未載志言鳳以足疾乞休未允卒官年六十六史亦未詳先是涇州劉中敷正統時爲戶部尚書以不媚王振屢下獄荷校長安門外十六日後斥爲民景帝立起爲戶部左侍郎奏請撙節庫財備緩急帝嘉納之景泰四年卒性淡泊食不重味仕宦五十年家無餘資明史備詳其事而舊志殊畧其孫機正德中爲吏部尚書罷歸再起爲南京兵

部尚書參贊機務舊志尤失機事蹟史載其大事云流賊犯江上眾議擇將都督李昂自貴州罷官適至機即召用之昂以無朝命辭機曰機奉勅有云勅所不載聽便宜此即朝命也眾服其膽識致仕歸卒事埒見祖中敷傳祖孫皆此州大官舊志疏畧者以中敷卒葬通州故里遂少傳述而明史又因中敷父士寧寄籍大興謂中敷爲大興人方志家遂不能詳箸事蹟也中敷本名中孚仁宗賜今名明史與鳳同傳故埒箸於此

明英宗賜祭錦衣衛指揮同知遠杲文

維天順五年歲次辛巳七月己亥朔越十五日癸丑皇帝

記十一下之上

金石

十四

遣禮部郎中李和賜祭於錦衣衛指揮同知遠杲曰爾以敏銳之才志圖報國訪察隱蹟不避讐嫌頃值賊臣遽遭凶害驚聞哀訃卹典是加身雖隕而名愈彰志雖齎而忠

益顯承茲諭祭其慰爾靈

右文刻石在安平北關明代設錦衣衛典親軍後遂爲人主耳目英宗信任遠杲以爲強鷲如

英國公張懋太平侯張瑾外戚會昌侯孫繼宗兄弟侵冒官田杲並劾奏還田於官亦自不負職任若乃告訐四起中外重足則由人主偏任咎不專在下也至後廠衛表裏釀禍清流則又杲等所不及料矣杲以告發曹吉祥從子欽陰事被害欽謀反不成殺杲取其首以去並傷大學士李賢此文所謂賊臣凶害指謂欽也

明涇州廟學碑

弘治戊午夏四月涇州知州郭君騫重建廟學修大成殿六楹增築露臺十有二丈建左右廡各十楹廟之東爲省牲所西爲神庫各四楹前爲櫺星門亦如之內門則增其

楹二次爲明倫堂爲後堂又次爲左右三齋爲楹各四旁爲肄業之房楹四十餘爲東西倉凡十二楹又於學之西爲亭於射圃楹如堂之數自基廡以下皆新構不因於舊越明年己未秋八月旣望告成白於巡撫都御史高公銓巡按御史張君綸眞定知府熊君達而學正趙中介郭君鄉人喬中書宗郎中宇以記請余爲之言曰道人之所同也惟聖人能盡且以爲教故君子舉而歸之學聖人者賴所爲教以復其性而報本返始之義生焉故建學者必有廟廟與學兼置而後得其所爲學聖人之道万世不廢所謂廟與學者亦將至於無窮然後之學者或不知所爲學

其所致力不越口耳皮膚之間甚者徒爲之觀美文具而無所事學故并其所當祀者失之而所爲祀亦止乎象設禮器聲容文物之末而不能祀者又弗論也今廟學遍天下而圯壞過半有司者勤勤汲汲蚤作而夜思非錢穀之出納則獄訟之曲直錢穀獄訟亦豈非道之所有事乎而其本不專在是也涿州在畿內去京師不數百里衣冠禮樂得於教者宜先士之漸靡聖道非遐陬僻地比賢有司又從而輔翼之指向方而示本始茲學之修豈非立教興化之肇端也與苟徒囿於壤地宮室之中由之而不知習矣而不察亦烏貴乎修建爲哉宗等進曰先生之言非徒



可以紀歲月亦足以資教學矣因復諸儒師俾刻石以爲

記

碑今亡文爲大學士李東陽所撰載舊志碑弘治十一年立是年東陽爲文淵閣大學士明史稱東陽善古文文典雅流麗朝廷大著作多出其手明興以來宰相以文

章領袖搢紳楊士奇後東陽而已今此碑文字清析多變轉有古法當爲李公所自撰高銓江都進士時官保定巡撫都御史張綸宣城人時巡按眞定府御史熊達南昌人並見畿輔通志後萬曆六年知州劉應民修學撰碑碑見名宦門崇禎四年知州楊遇堯再修之州人翰林院簡討吳廷簡撰碑畧云州儒學建於戊寅自溥沱迫近城郭學宮浸圯崇禎三年冬月楊侯洺州謀奕新之明年盡修葺廟學復建魁星閣於學東南隅侯治狀多可紀枹鼓掩於弦誦甘棠蔭於桑麻余不敏敬借學宮記以傳循良楊侯諱遇堯字德聞雲南鶴慶人列銜州判楊魁柄吏目梅文明儒學署學正事陳良貴訓導郝汝楫是時州訓導止一人矣其云儒學建於戊寅戊寅爲萬曆六年即劉應民修學事也明代修學無碑記見舊志所紀者則永樂十年蕭伯辰始立廟學成化間尤瓛韓儒相繼修葺正德間李鴻擴學前地爲馬道皆無碑及萬曆時劉應民修學有碑矣其捐購學東民舍凡增地東西七步有奇南北八十步有奇亦不載於碑而見於志志亦應民所修者故備載之

明功德寺碑

碑在涇州南綱頭村弘治十六年立其文有云上人繼盛默悟禪宗大得佛法故其示受律者以尊嚴整齊明列義類而人知其所不爲

示求道者以高廣通達一其空有而人知其所必至云云其言全襲柳子厚雲峯碑語撰文者李琰結銜稱溪庠業學生嘉靖時王家井石佛寺碑鄭保篆額鄭傑書丹皆自

記十一下之上

金石

十六

稱業學生又王老寺村重興寺碑陰錫篆額亦稱業舉增廣生明史選舉志諸生應試之文通謂之舉業云業舉者肄業所以應舉故當時有業學生之号也琰正德時爲徐家口觀音寺碑結銜稱山西行都司大同左雲川衛儒學訓導

明開元寺鐘銘

鐘在涇州城上正德元年四月寺僧覺松造重一千五百觔列銜有本州知州井奎宿判官王隆薛韶張昂吏目邵洪儀儒學

訓導劉贊良程富孝子王寧住持僧悟滿其餘有陰陽官鑿官義官僧正道正鄭府承奉之屬不可勝載判官同時三人據明史職官志判官無定員也饒陽安平二志均有陰陽學鑿學僧會司道會司明史職官志陰陽學州典述一人縣訓述一人設官不給祿其太醫院官屬云外府州縣置惠民藥局各設鑿生鑿士或鑿官由本院試遣僧道則州有僧正司僧正一人道正司道正一人縣有僧會司僧會一人道會司道會一人在府則謂之僧綱道紀皆設官不給祿義官義民之給冠帶者王府承奉雜職猥瑣二者皆非官職故不見於史志孝子列銜蓋國家以孝旌門被旌者即用爲號猶賢良孝廉有道之目矣

明楊節婦碑

易曰立人之道曰仁與義曰仁者孝在其中矣曰義者忠與節在其中矣蓋孝仁之實而忠節又出於義此三者迺

天地之正氣天地之間一日而無此氣則已不能成天地矣  
溪州廩生張琦在城社人早亡妻楊氏年廿翁姑先逝親族無可恃子未彌歲楊仰天自誓曰願以死撫孤孤名文淵緝紡供讀後由監生任直隸含山縣令卓有政聲楊孀居五十載壽七十一終始一節睛明齒固鬢髮如漆行不假扶持精神殊常人以為申錫難老也正德二年有司狀其事上聞遂旌表門閭烏乎此天地之所難得者也在天則為景星在地則為芝草在物則為麇為鳳在人則為忠為孝為節也貴生於賤有生於無使世皆大舜則天下無孝子世皆比干則天下無忠臣世皆共姜則天下無節

記十一下之上

金石

十七

婦矣鴻為此州嘉其行為立貞節坊以勵俗復樹石以垂

不朽溪州知州李鴻譔

節婦事見列女文淵  
見吏績李鴻見名宦

明饒陽修城記

饒陽舊城僅存圯址正德六年春盜起畿甸屠棗強旋至饒陽居民惴惴無恃弗保會官兵至得免踰歲盜平上命都憲合肥張公自鎮陽移節鎮撫之公乃懲前悔毖後患檄諸郡繕城池度有司揣厚薄仞溝洫議遠邇程土物慮材用刻事期以賦役於諸郡淄川仇君時尹茲邑檄至則召父老諏日趨功遴才分役版榦畚插取辦於官城厚三丈六尺高四丈有奇延袤三里許肇始正德九年十月訖

工十四年三月建三門而塞其北悉甃以甃石設樓櫓浚隍池隱然金湯之固邑士大夫走書京師徵余言爲記余謂茲役也有保民弭患之豫奉法乘時之敏仇君名相字君佐其綜理規畫皆精覈不苟克副都憲公之盛意云任

邱王江記

碑立於十四年所云盜起畿甸謂劉六劉七也合肥張公名溥王江正德五年解元六年進士後官鳳翔知府并見畿輔通志其後崇禎十二

年知縣唐順徵改建磚城自爲碑記畧云睢陽唐子令饒陽之三年因逆寇日訂有事於塼城之役不請公帑不事加派集邑之紳士量力分修不三月而告成高三丈五尺厚一丈八尺是役也太宰田公首出千金修州丈大廷尉路公繼之士則有周俊彥田敬宗王拓疆李茂林宋繩殷等民則有李鍾玉高三成等案太宰田公謂唯嘉也明史七卿表唯嘉十年三月爲吏部尚書十一年四月免饒陽城外有池寬深各二丈嘉靖中知縣楊東山築隄崇禎時唐順徵修城池亦加濬加隄高一丈厚一丈三尺隄外木寨三道

明眞武廟碑

在涇州北關

記十一下之上

金石

十八

奉訓大夫知涇州事乾州李鴻撰文鄉貢進士儒學學

正長安張綱書丹

僕自正德辛未春來守斯郡時盜賊蠡起飢饉薦臻且禦且賑竟歲無寧日境内名祠未遑禮謁也明年盜平歲豐乃遍禮群祀越有貴神是爲玄帝發祥於大國胎兆於吞日生而神靈潛心妙道後入太和山四十二年功行成就鎮位坤維殄庶域之妖氛開皇家之景運乃斥俸錢助成廟功非有所徼事神宜爾若乃齊民弗智而惑於妄禱不返觀內照惟聽於神至可悲夫使爲臣而忠爲子而孝兄友弟恭交友有信爲下而不犯法雖不求神神自祐之僕

嘗從事於斯神之聽之亦不禍僕僕言非誣敢告來者正  
德八年癸酉秋九月 御馬監功德主太監武公寶 錦

衣百戶武成 奉訓大夫前任知深州事韓琚 賜進士

出身署州事汪淵

案明史真武廟本祀玄武七宿後人以爲真君作龜蛇於其下宋真宗避諱改爲真武圖志云真武爲淨樂王太子修煉武

當山功成飛昇奉上帝命鎮北方被髮跣足建阜燾玄旗此道家坵會之說史文如此此碑所稱蓋即史家後說出道士坵會者然即如史所云玄武七宿亦豈三代典祀李公名吏其言歸於不妥禱導民以義是可尚也其後万厯元年諸生郭光輝撰州北大陸集真武廟碑文其稱神蹟畧如李鴻所述而詞加詳又云元時趙子昂嘗夢其像因寫所見以示眾虞伯生讚之讚所稱玄衣金劍等前時猶未顯至元乃露其迹也高皇定鼎感神陰扶默翊即位之初大正祀典金陵十廟惟神與享太宗文皇帝龍飛幽燕武當山建立神祠靡費百万無非報功之舉云云此生可謂博識今古矣所謂金陵十廟者按明史禮志自真武外曰寶誌禪師曰都城隍曰廣惠王張渤曰五顯靈順曰漢蔣子文曰晉下忠貞壺曰宋曹武惠彬曰南唐劉忠肅仁瞻曰元衛國忠肅公福壽也禮志又云弘治時禮科張九功言真武廟國朝御製碑謂太祖平定天下陰佑爲多嘗建廟南京崇祀及太宗靖難以神有顯相於京師及武當山重建廟宇而武當又專官督祀事此碑所言與禮志畧同

記十一下之上

金石

十九

明安平令王公去思碑

王公名翊碑今亡翊以正德三年任九年去碑當九年後立見縣志翊傳

明安平城隍廟碑

碑載安平志再繼志撰繼志蠡縣人弘治十八年進士後官苑馬寺少卿以忤劉瑾著名李剛主嘗以史冊不載繼志姓名爲憾碑云安平之廟祀城隍神於茲蓋百五十餘年然則安平雖古城城隍之廟百五十年前未嘗有也此正德廟工起十二年五月落成十五年五月縣人劉演獨任之碑言如此 安平城故以土爲之周五里一百卅步高二丈八尺正德六年知縣王翊重修并築西南北外隄嘉靖六年知縣藺澤植柳環周隄上廿一年郭學書用磚砌堞口廿六年沈同人周築城隍六里高三尺寬一丈万厯廿二年滹沱浸城梅廷哲增築外隄廿三年滹沱壞南門何翌修之又增築外隄高三丈寬三丈環隄植柳崇禎十年知縣孔聞俊築甕城四墩臺廿四拓改堞口增修外門高峻倍前又增築內隄高一丈寬一丈

明安平縣宅六柏記

河南陸侯治安平之三年手植六柏於庭命相記之相惟  
柏之爲木直幹堅節其性然也當夫廣莫風悲積陰四垂  
斯時也天氣栗烈噓唾成雪草木乾且腐矣而柏獨蒼然

與巖石一色雪霜不凌寒風不折豈知時爲窮耶乃若青  
帝發仁萬物皆春和律騰灰熾陽恢台斯時也芽荻怒發  
胚動萌達草木光且榮矣柏獨翹然不與羣芳競采翠挺  
自如容態不改安知時爲亨耶或謂陶潛栽柳邵雍詠桐  
而侯種柏不同何也曰陶隱邵哲侯尚清節所趨異也若  
夫愛養顧惜由拱把而合抱而馴至參天不能不賴於同  
志君子幸繼續而培持之

記彭相撰相嘉靖四年舉人十四年進士安平志言彭相清才重望既第未仕而沒人感惜之

河南陸侯謂陸載也正德十三年任  
既三年爲十五年是時相猶爲諸生

明安平鐵佛寺碑

碑亦彭相撰正  
德十五年立

明世宗御製敬一箴

記十一下之上

金石

二十

夫敬者存其心而不忽之謂也元后敬則不失天下諸侯  
敬則不失其國卿大夫敬則不失其家士庶人敬則不失  
其身禹曰后克艱厥后臣克艱厥臣五子之歌有云予臨  
兆民如朽索之馭六馬爲人上者奈何不敬其推廣敬之  
一言可謂明矣一者純乎理而不雜之謂也伊尹曰德惟  
一動罔不吉德二三動罔不凶其推廣一之一言可謂明  
矣蓋位爲元后愛養斯民者純乎理受天付託承天明命  
作萬方之君一言一動一政一令實理亂安危之所繫若  
此心忽而不敬則此德豈能純而不雜哉故必兢懷畏慎  
於郊禋之時儼神明之鑒享發政臨民端莊戒謹惟恐拂

於人情至於獨處之時思我之咎何如改之不吝思我之德何如勉而不懈凡諸事至物來究極至理持敬而協於一所以盡爲天之子之職庶不忝厥祖厥親由是九族親之黎民懷之仁澤覃及於四海矣朕以冲人纘承丕緒自惟寡昧勉而行之欲盡持敬之功以馴致乎一德其先務又在虛心寡慾驅除邪逸信任耆德爲之匡輔敷求善人布列庶位斯可行純王之道以坐致太平雍熙之至治也朕因讀書而有得乃述此以自勸云箴曰

人有此心萬理咸具體而持之惟德是據敬焉一焉所當先務匪一弗純匪敬弗聚元后奉天長此萬夫發政施仁

記十一下之上

金石

二十一

期保鴻圖敬怠純駁應驗頓殊徵諸天人如鼓答桴朕荷天眷爲民之主德或不類以爲大懼惟敬惟一執之慎固畏天勤民不違寧處曰敬維何怠荒必除郊致恭誠廟嚴走趨肅於明廷慎於閒居省躬察咎儆戒無虞曰一維何純乎天理弗參以三弗貳以二行顧其言終如其始靜虛無欲日新不已聖賢法言備見諸經我其究之擇善必精左右輔弼貴於忠貞我其任之鑒別必明斯之謂一斯之謂敬君德既修萬邦則正天親民懷永延厥慶光前垂後綿衍蕃盛咨爾諸侯卿與大夫以至士庶一遵斯謨主敬叶一罔敢或渝以保祿位以完其軀古有盤銘目接心警

湯敬日躋一德受命朕爲斯箴拳拳希聖庶幾湯孫底於

嘉靖

明史世宗紀嘉靖五年冬十月庚午頒御製敬一箴於學宮今州縣皆不見此碑惟安平志載其文史稱世宗御極之初力除弊政天下翕然稱治觀此箴知其自治頗嚴其明代昌明宋學之效哉後雖以崇奉私親見譏有識要不失爲賢君明史藝文志世宗所著有翊學詩宸翰錄等集亦能文之主也

明徵仕郎建德縣主簿劉君墓表

君諱眞世爲涇州唐鳳里人始祖忠避元兵遷山東我太祖平定寰宇復來家焉祖迨父鑑以勤勩立家至君綜畫益密用大饒裕君少聰警多幹畧爲諸生時僦有大志既遊太學以匡濟爲心州守失政壬愴猖獗君疏其狀上之當道悉得罪良善德之以親老廢舉業耕田養親父嘗嬰疾躬親醫藥至忘飡沐父卒哀毀骨立幾不起繼而曰

記十一下之上

金石

二十二

吾有母在也安得爾奉母盧夫人色養備至扶掖左右未嘗少離有勸之仕不應會劉瑾擅威福下令舉監過期不選者罪之以母夫人命謁選除浙之建德簿瀕行屬繼室魏夫人曰願善侍吾母及抵任多愷弟惠政以思親故屢乞休不果輸稅入京遂告歸侍母益孝敬母以疾終哀毀逾禮數歲君亦告殞壽七十有二嘉靖五年也季子汝弼以狀謁文表墓余曰君有懿德四焉曰勤曰勇曰孝曰忠經畫家事至有餘益非勤乎觸犯忌諱以剔羣兇非勇乎事親敬養老而彌篤非孝乎乘時而出政惟愛民非忠乎具此四德厚積不施宜必有後是安可以無傳邪謹表其

事於墓碑後有考焉

陰濡撰文張文弼書唐鳳劉氏已見人譜劉汝弼畧陽主簿陰濡定陶知縣張文弼戶部郎中皆具薦紳表中

明鄭偉畫象

偉兵曹社人畫象爲四幅第一幅持帚於樹石下題字缺有拂地二字可辨第二幅人立鹿後牽鹿鹿回首向人題字有溪山用二字可辨第三幅拱立池旁題云池中養魚終不釣第四幅向燈立燈有紗籠題云畏損飛蛾蓋信奉佛氏者以其沾沾自喜名也存之畫象嘉靖六年十二月十五日刻石

明溪州庫樓記

財用國之大計也自成周九賦以斂財賄九式以節財用設大府司會掌之兩漢而下代有專職我國家自戶部而下司財用之職至夥天下郡邑大則設倉庫命吏主之小則祇有倉庫而已守令掌其出納倉則別爲一區庫則建諸聽事之偏或爲窟室或爲石函或爲鐵戶牖以藏之其戒不虞義一也嘉靖三年巡撫劉公下令於屬郡邑各創

記十一下之上

金石

二十二

庫樓於治欲高峻堅厚懸梯上下以防奸蠹其爲戒備甚具今他郡邑咸有之獨吾州缺而不舉余承乏亟欲爲之顧力有未副乃儲材用以圖之再逾年其材稍備召工計之刻期以成凡高三丈五尺周廣七丈三尺工昉於是年四月訖於五月嗚呼樓則成矣顧積之常微而徵之常煩又將何以儲耶不幾於負斯樓耶雖然使藏富於吾民雖負斯樓可也作庫樓記

記知州官一夔撰一夔山東平度州人見名宦雍正志不載一夔任事年月乾隆志云嘉靖十年任考

夏相國溪州城碑則一夔到官在嘉靖十二年九月乾隆志云十年者誤也當以夏碑爲正記云巡撫劉公者畿輔通志嘉靖朝保定巡撫都御史劉麟最先此云嘉靖三年下令則劉公殆劉麟也麟安仁進士記云承乏再逾年則樓成于十四年記亦當十四年作

明溪州八蜡祠碑

碑官一夔撰當亦十四年作一夔是年即去任也文見名宦門饒陽志八蜡鄭康成以昆蟲爲一王肅不數昆蟲分貓虎



爲二惟陳氏禮書一先嗇二司嗇三百種四農五郵表畷六禽獸七坊八水庸與戴記郊特牲合今按雍正州志用學禮質疑之說謂司嗇即先嗇不可分而爲二貓虎二物不可合一而州祠首先嗇次司嗇次先農左配郵表畷水庸貓右配司坊昆蟲虎乃雍正以前所祀者祠坵祀劉猛將軍亦見雍正志其坵祀在雍正時據饒陽志劉猛將軍名承忠吳川人元末授指揮元亡自沈于河有司奏授猛將軍雍正二年奉勅建廟

### 明安平郭侯遺愛碑

嘉靖辛丑郭侯令安平越明年政成侍御殷公疏論侯賢曰詳密之才溫雅之器清約如寒素而公私有節牧愛若父母而疾苦周知儲蓄既裕武備克修學校載興文事畢舉眞能理繁劇者居無何侯遂調繁河間安平士民攀留不得乃相率來告承祀曰我侯始至時大旱飢侯議賑勸富民粟萬餘石眾以全活民輪充里甲多背鄉逃役侯定

### 記十一下之上

金石

### 二十四

約計力均役裁抑糜費居者安堵逃者復業養馬五百四十戶困於馬政侯隨事損益養馬者不知疲徵解者無偏累往時催科甚繁侯與民約一月三期爭先輸納期盡事竣邑舊苦豪強爲害鉤距悉得寘之明憲民得安枕邑有沙唐滋三河民甚患苦侯令築隄卅餘里四十日而隄成水不汎濫取諸儒有行者教子弟月朔率以謁廟習禮數月皆彬彬然辛丑畿內騷動侯選練民兵器械彈藥金鼓旗幟木柵樓櫓浹旬而備積芻五萬束米豆數百斛公私便之時方多盜西北弗靖農隙令習弓矢爲守備有警村村救護不至者罪之城池圯壞築堅浚深五十日而城成

行之日倉有積粟庫有積財侯爲政大畧如此失今不紀後將奚慰承祀聞而嘉歎諺有之曰水逝石存乃次第其

言而紀之

碑久亡文載縣志蓋嘉靖廿一年立撰碑人崔承祀嘉靖十年舉人見人譜薦紳表郭侯名學書禹州舉人見名宦傳碑云辛丑畿內騷動辛丑爲嘉靖十年明史不載其事蓋劫盜竊發未成大患史不具書史贊世宗所云賊訂於內者也碑云西北弗靖是年諳達與濟農分道入寇諳達旋犯山西前年濟農寇大同入万全右衛是其事也諳達舊作俺答濟農舊作吉囊均依通鑑輯覽改碑云侍御殷公名學山東人嘉靖朝巡按眞定等府見畿輔通志

### 明武强親民堂記

武强隸晉州其邑褊其土瘠其民熾嗇而偏於匱然西互恒嶽時委其精淑而導之和東南帶漳滹沱之水分合經緯而疏瀹其沮洳茲以有植嘉靖辛丑姚子自工部郎出泣茲邑因俗敷政順習宜民既踰月狎擾教令羣情不攜

記十一下之上

金石

二十五

姚子閔閔焉審時察變視理道之極蠱者釐振之踰年惠洽信孚惟上所作輟弗之拂姚子心喜焉於是仞財揣用稽力若時新後堂於壬寅之春名之曰澄思是歲之秋徹政事堂而更治之名之曰親民訖工將紀事於石使謂其邑子袁煒煒曰美哉是堂之稱名乎古人曰民吾同胞親之也聖神遐曠蝕古滋豐長民者牴形骸而燕越之搥提凋刈毒之如弗能勝而睽孤離遯民亦相率而仇焉邈哉民之不親也漸矣夫循性以播政因心以孳民其幾至易簡而可行也世之人汨沒其心性而徒繩以危疑險峻之法擾擾焉覲其惠德而我親不已疏乎姚子之治洽於民

通於政責於堂流鑠於區宇鏗錡於金石自其根心性者  
達之矣民雖欲不親其可得邪姚子一歲而興二役撫孱  
邑羸民不動聲色上下允愜無間言其綜理經制必有卓  
然不可及者其要歸在於通變宜民不拂人以恣已欲而  
已姚子名漣字維順乙未進士沈毅有大畧浙之慈谿人

記慈谿編修袁煒撰煒明史附嚴訥傳嘉靖十七年會試第一殿試第三授編修後爲  
大學士才思敏捷嘉靖中年帝專事焚修詞臣供奉青詞工者立超擢時謂李春芳嚴  
訥郭朴及煒爲青詞宰相煒自負能文見他人所作稍不當意輒肆詆訕以故人  
皆畏惡之今觀煒此文亦仍塗澤爲事明世歸太僕未出蓋無真知文字利病者

### 明武強澄思堂記

姚子治武強之明年政通人孚百廢漸興迺更新其後堂  
榜曰澄思請予爲記予曰嗚乎可以觀治矣惟聖人能以

記十一下之上

金石

二十六

德化民其次莫如思事有沿革政有體要俗有好惡理有  
從違非思無以致之思者治之本也所以存神運機總庶  
務而宣平之者也武強地僻民樸厥賦下下比歲令數更  
吏民或不相能訟獄風起加之邊警時告調度煩苛歲事  
不登民罔攸寧姚子治之凡有益於民者出而行入而思  
允懷於茲夙夜是圖節費尙簡思厚民也剔弊詰姦思靖  
俗也植威明信思振績也慎防理戎思保障也禮賢作士  
思明化也今亦既効矣乃思檢閱廢典舉其甚者更張之  
夫天下事未有不思而集者然非澄弗通非精弗澄故曰  
靜虛則明姚子於物澹然無所好宅心靜虛超識遠覽是

故思斯通矣行斯裕矣存神運機總庶務而宣平之者將不在茲乎今之守宰淆於簿書休則憤然倦又或分於慾徇於偏心不及民去姚子澄思之意遠矣姚子予同年友名漣字維順慈谿人蘊學茂才受善而尚實由冬官郎出宰茲邑蓋在辛丑之歲云邑人編修歐陽暎記

辛丑嘉靖廿年文云邊警時告

者世宗本紀廿年春吉囊寇蘭州八月俺答阿不孩吉囊分道入寇九月俺答犯山西廿一年六月俺答寇朔州入雁門犯太原七月寇潞安掠沁汾襄垣長子是其事也

### 明涇州名宦鄉賢祠碑

碑文知州錢梗作已畧具名宦門舊志不載立碑年月梗嘉靖廿二年任廿五年去是時名宦僅祀宋王鼎

明蕭伯辰李鴻三人及道光州志云康熙十一年學正趙吉徵建名宦祠增祀宋歐陽珣明閻煖錢梗劉應民余一鵬孫士美 國朝直隸總督朱昌祚李蔭祖巡撫于成龍格古德井徑道僉事焦勤正定府司理王應元道光元年增祀知州李天培尹侃同治十年增祀知州張杰其鄉賢梗所祀者唐魏知古張薦五代晉李自倫明王寧杜時劉瑄劉俊凡七人趙吉徵建祠增祀戶部郎中張文弼一人鄉賢入祠最矜重其名宦所增者如歐陽珣并非仕宦茲土然尚殉節於此猶可言也至 國朝總督巡撫僉事司

### 記十一下之上

金石

一二十七

理等則皆兼轄非專政汝綸爲州援大夫不祖諸侯之義皆庶其主不祀凡裁去者自朱昌祚至王應元共六人

### 明武強名宦鄉賢祠記

祠知縣姚漣所創立歐陽暎爲記文具名宦事中是時武強名宦止祀李春孫善張惟康吳鳳鳴邵經五

人後万厯三年知縣劉儀重脩二祠教諭毛如錦撰碑云乙亥正月先葺櫺星門二月脩二祠鄉賢增祀歐陽暎一人及道光時修志名宦則李春前增祀宋趙君錫一人邵經後增祀知縣成珍訓導梁忠入國朝祀直隸總督李蔭祖張存仁朱昌祚方觀承巡撫王登聯金世德于成龍格古德郭世隆李光地趙弘燮刑部尚書巡察直隸魏象樞井徑僉事焦勤提督學政熊伯龍知縣李模潘拱辰十八人共增祀十九人其鄉賢姚漣所祀孫惠蔚蘇瓊劉幽求牛繼志李溟李衍凡六人万厯時增祀歐陽暎一人道光志所載則增祀明賈亘 國朝張鎮張星耀張星法張星輝劉懷志凡六人其名宦中總督至僉事等雖皆前後奉文之典祀要非武強一縣所得專祭其說具涇州二下

祠語

### 明涇州蕪萑亭記

蕪萑亭漢光武徇河北馮異進豆粥處也舊志云在饒陽又云在涇州城外滹沱之瀕遺址濛沒漫不知何許嘉靖

甲辰余行部至涇州又南征可廿五里渡河州守山陰錢君從告余曰此滹沱河也余謀之錢君興復故亭得州西土阜鳩工始事閱月告成錢君請記余曰昔項王叱咤之雄耳一會盟洹水之上洹之人至今爲會盟亭以表其處况光武以帝王之眞崛起提兵當時所厯可無以識其遺蹟乎因錢君之請遂紀其興復歲月以告後人時嘉靖廿

三年春三月巡撫御史胡汝輔記

汝輔山西人見畿輔通志惟通志以爲巡按而州舊志以爲巡撫似誤若

巡撫當云都御史且未必行縣至涇當依通志定正万厯時修塼城改建蕪蕪亭於東南隅城上入國朝乾隆廿一年尹侃重修卅四年督學使者錢塘倪承寬書古蕪蕪亭四大字而記其碑陰畧言鄉之有亭長猶郡邑之有守令所以平亭一鄉後之人因而亭之亭又無定址涇州之蕪蕪亭始於明嘉靖年余校士茲州觀射郭外南城雉堞有碑有亭余謂碑爲亭立也州守李君爲言前浚城隍得此石未劖刻意且有待余因書古蕪蕪亭四字并爲之記謂亭在涇州者明一統志也饒陽知縣單作哲謂統志誤

記十一下之上

金石

二十八

大清饒陽蕪蕪亭記

劉世祚撰文載名宦舊志不詳年月當在順治初年類記于此

明安平鐘鼓銘

縣南門觀音堂鐘移置明倫堂

佛氏息響吾道宏聲噫吾觀厥成

鐘銘

革以亟新矧伊吾

人考

鼓銘 銘知縣譚一貫作一貫廿三年任廿五年去

明戶部主事劉鑑勅命

奉天承運皇帝勅曰今天下旱澇頻仍歲賦弗給朕加意元元靡所不至而調停盈縮以裕國用則戶部諸屬實分掌之厥任不亦艱哉爾戶部廣東清吏司主事劉鑑蚤起制科簡登民署持廉秉正茂著能聲朕甚嘉之茲以熙事告成特進爾階承德郎錫之勅命於戲急則傷民緩則病

國久矣徵輸之難盡善也尙其懋修以恢遠勸國有顯陟庸觀爾成欽哉 勅曰婦之於夫同隱約於雞鳴盥櫛之初而不共休顯於象服委蛇之日豈非人情之所愍惻哉恩不并及非所謂稱也爾戶部廣東清吏司主事劉鑑妻姚氏蚤著徽音克配君子甫及光顯遂捐室家茲特贈爾爲安人匪徒爲幽窆之光亦以慰夫生者 勅曰朕惟人臣克宣勤勞於國雖本於父母之訓而伉儷相資之助亦不可少也故朝家冠帔之錫翟茀之榮恆必及之爾戶部廣東清吏司主事劉鑑繼室李氏柔嘉貞順祀饋克修弼爾令人爲時彥士茲特封爾爲安人益茂芳徽晉承蕃祉

記十一下之上

金石

二十九

大明嘉靖廿四年九月二日

碑在安平西北彭家莊嘉靖廿四年蓋錫命之年其立碑年月未詳州人往往

以官誥刻石未免淺陋今存錄者以爲金石家於金元以前舊刻雖僧道度牒亦皆收采今仕宦誥勅豈不賢於度牒與 國朝人每譏明人寡學吾見明代翰林掌内外制者其文章多非 國朝名士所及如此勅詞猶有宋人遺風

明將仕郎絳縣主簿崔休菴先生墓表

承德郎戶部山西清吏司主事前安平令鈞陽郭學書

撰 邑庠生王賜鍾篆額并書丹

先生亡友崔孝夫之考也余前令安平見其世濟懿德禮敬有加及調河間之明年孝夫過河間以先生墓文見屬今孝夫逝矣盟可寒與丙午春余以司徒省郎出監密雲軍餉檢茲舊約歎息彌襟爲之表曰先生名俊字邦奇世

居安平黃城安平人語世家輒曰黃城崔氏祖崗岢嵐州  
訓導考文進保安知縣有惠政先生性孝友風神迥秀警  
敏有隼才初補縣學弟子員皆曰遠到之器與李鶴爲友  
時人稱爲二才鶴貧傾財周之使學鶴竟舉順天鄉試先  
生不第人咸惜之以廩膳生援例卒業太學歸黃城教授  
生徒多所成就如張氏兄弟堯臣貢太學舜臣登壬辰進  
士第餘咸表表鄉貢張益庵贈詩有云斯文宗主在黃城  
其爲時仰重如此一姊歸祁州邢氏孀貧取孤甥女撫育  
之如己出及長爲擇佳壻鄉閭頌焉久之出爲絳縣主簿  
持身廉靜臨政寬平賢而位下廓如也効忠盡職而已未

記十一下之上

金石

三十

幾以運木至京師事竣當還乃浩然振衣竟歸田廬鄉里  
稱爲休葺先生優遊餘年罕入城市躬耕樂道不驕不諂  
槩書自怡義方訓子士論稱賢有司加禮議者僉謂先生  
出處無歉終始完名蓋無忝於所生矣生成化丁酉二月  
廿五日卒嘉靖壬寅五月十一日年六十有六其年八月  
十三日葬黃城之原夫人劉氏淑德純行子男一人承祀  
卽孝夫也舉順天辛卯鄉試博學能文允有高跼齋志未  
施亦以癸卯十月十二日卒葬從先生之兆孫二璠璣孫  
女一適太學生王家謨舉人王如綸子也於乎人固有幸  
不幸生孰無死死而無忝於生斯其正已若先生之無忝

不可謂不幸傳云天不滿山嶽歸地不滿星辰見先生之位不滿其德矣乃後之昌厥有孝夫孝夫不祿夫人之所共惜而惑焉者不可以已也今二孫頭角嶄嶄璠璣之姿稱其命名後之昌也不其在茲又可謂之不幸乎表於墓石後之人尚有考云嘉靖廿六年丁未夏五月

黃城崔氏見人譜碑云運木至

京師考明史嘉靖十三年太廟災十四年作九廟十五年九廟成運木當在此時李鶴安平人弘治辛酉舉人見薦紳表安平志言鶴官温州府通判致仕爲鄉黨所矜式

### 明安平義冢記

碑嘉靖廿六年立知縣沈同人撰文載安平志畧云余令安平明年方區畫義地有來告者曰鄉耆老劉演捨地十三畝爲義

冢演多義行遇孤者瞽者恆加周卹昏喪不能舉者則量助之請爲鄉飲賓子存仁爲縣學生演能若此世之食祿有官而殘忍無忌者不有媿斯人邪矧義冢吾所亟欲爲者而顧先之不可以不記樹之碑以垂不朽案劉演正德時獨任城隍廟工已見前

### 明興隆寺碑

碑在涇州清輝圖村嘉靖廿七年立鄉貢進士榆社知縣張巍撰文頗談釋典其畧曰夫三寶者佛法僧也梵語佛陀此云覺也自覺覺

記十一下之上 金石

三十一

他覺行圓滿爲佛佛者具卅二相八十種好紫磨金色三明六通具八解脫修積不可稱數大有功德無量也故名曰佛法者圓融之景最大微妙包含天地容納十方四行之本万相之原故名曰法僧者具五德六和勤修三學以戒爲首防非發善名戒心專一境名定決斷揀擇名慧又以戒定爲福門以慧爲智門也自他俱利出生死苦入涅槃樂三學妙行常修無間故名曰僧夫三寶者四生普覆六道具乘照曜十方光輝三有提拔苦海度脫幽冥所以存亡普利貴賤皆携歸依者蘊福毀謗者召殃故求益莫大於歸敬三寶省已莫嚴於布施持戒種福莫過於金田作功須向於蘭若善惡根本於動作禍福嚮應於形聲譬之種嘉穀則獲稻梁長稂莠則成蕪穢於善如嗜飲食於惡如畏蛇蝎致謹於幾動之微加嚴於趣舍之際則明無人非幽無鬼責爲聖爲賢證道證果皆從三寶觀者能於此究心未必無補於修省之万一云碑後列銜有奉訓大夫知涇州事余一鵬州判官汪勳楊宸吏目袁銳是時州判二員後万厯廿九年再修此寺張雲鳳撰文程廣起篆額王邦士書丹雲鳳鄢陵知縣與程廣起并万厯十六年舉人碑有云昔釋迦彌勒修道時俱當成佛釋迦以精進超三劫彌勒求名貪供養退三劫彼佛氏且爾人宜何從妄緣不生塵垢不集即心即佛若下根自沈苦海自投昏衢徒以土木丹青求出離生死其何濟之有列銜有知州金應鳳州判戴士文學正黃茂訓導賈桐侯國安申奉先時訓導尙三人

### 明武强城隍碑

碑歐陽暎撰文具名宦事中廟知縣胡慥修慥嘉靖廿六年任再逾年廟工乃成則廿八年也後万厯元年知縣劉梓立碑雲南

右布政侯世卿撰文畧言武强城隍建自國初戊申歲南陽胡侯慥增修之歲久頽敝昭遠劉公來尹茲邑明年興工新廟事竣請記予謂神監精而威顯令不如職神且弃



之雖煥其宇迹焉耳歆乎哉故必致力於民者盡而後神享之侯常禁革淫祠兢兢然唯恐民惑於神而獨於城隍是信是崇豈漫無所見而徼福於幽者哉世卿詞直而多諷君子之言也世卿隆慶二年進士撰碑時方以開封推官居憂官未盛也而詞峻厲如此宜其不媚時相以取要官也張星法爲世卿傳云自嚴嵩伏法政府爭權宰相各暱其私人故清班要職不以畀公又云公權淮安復命冢宰示意欲超遷公不應也武強修城明代無碑記縣志云洪武以來無城英宗時始築城甚湫隘不足捍衛成化十八年圯于水知縣吳鳳鳴復築之城周四里一百五十六步高二丈五尺厚一丈池深八尺寬一丈五尺正德嘉靖隆慶間知縣韓宥宋銳張相張籍馬充姚漣胡慥錢博學相繼修補崇禎間知縣傅蒙麻易以磚堞此其先後修城大畧也縣志又言城再圯於成化嘉靖間隆萬時又經屢徙今考嘉靖城圯見於縣志雜稽門云嘉靖九年七月溥沱漳並溢城圯數十處知縣張籍奏之是其事也至云隆萬時屢徙則無其事惟隆慶三年溥沱溢時城新修不浸者三版亦見縣志雜稽然不言徙城万厯間雖屢見水患未有壞城之禍然則縣志云屢徙者殆是誤也

### 明饒陽城隍碑

碑嘉靖廿八年立南陽胡慥撰文畧云徐侯尹饒陽期月議修城隍神祠有緇流欲建東嶽廟得材木若干章侯謂東嶽祠不經非法盡入其木以充城隍祠工徐侯名績字君嘉河南浙川人慥武強知縣

### 明饒陽廟學記

#### 記十一下之上

金石

三十一

碑嘉靖卅五年立廣右張翀撰明史有張翀傳云潼川人嘉靖三年爭大禮廷杖謫戍瞿塘衛十餘年放還卒此碑作於卅五年自署廣右當別一張翀也碑畧云國朝凡郡縣悉設學校宗孔氏而崇祀之所以重教化端治本饒陽舊有儒學規制簡陋日就頽毀邑侯嶺南張君仲孝字彝先下車之日以教化爲首捐已俸鳩工聚材卜日度制不勞民力期月而一新侯章服謁廟庭進諸生於明倫堂執經問難觀菽考德而退焉博士劉君用恩來索記余曰昔魯侯在泮講學行禮而魯國遂以多賢何者重道之風啓之也饒陽之士嗣是其興乎士

君子之學求以至乎聖人之道固無關於祠廟興廢苟奮然飭躬勵行以聖人爲可師則其道日進於高明又何異今日維新之制乎此張君修學意也遂爲記

後万厯廿九年

饒陽修學有碑結銜賜進士第中奉大夫河南承宣布政使司左參議肅寧易登瀛撰奉訓大夫淮安府海州知州邑人路擘書登瀛万厯五年進士卒官都察院右副都御史見畿輔通志路擘見薦紳表碑畧云饒陽舊有廟學在縣治西南元至元元貞間遷縣治北元末廢毀國朝洪武八年知縣左公良弼重建景泰間知縣劉公用成化間知縣張公幹嘉靖九年教諭李公應元相繼修葺迄今七十餘年傾頽日甚司井陘道山陰鄭公亟議重修商河翟侯來視事之明年令陸生文遂輩詣諸司請修遂捐俸錢率先僚屬和之士民助之鳩工募役堂基柱礎增高三尺啓聖祠舊在廟東南隅徙建廟後名宦鄉賢祠基各增高二尺易土爲塼二祠舊東西向易爲南向東西廡戟門櫺星門泮池甬道周垣靡不更新經始於三月落成於五月鄭公嘉之令志諸石以垂永久會余自貴州入計方奉命有伊洛之行饒陽儒學教諭皇甫慎初訓導劉之江來徵余言余謂侯之修廟學可記者三任事也得民也造士也三者相須得民斯可任事任事斯可作人然非當道信任鮮有不中阻者鄭公翟侯其相與有成矣哉井陘道鄭公即一麟翟侯名耀丙子舉人

記十一下之上 金石

三十三

明饒陽儒學鑄祭器碑

碑嘉靖卅五年立撰碑人江都陳祉祉饒陽訓導文畧云我太祖高皇帝御極之二年詔天下守令建學

歲春秋丁祭饒陽自建學以來百八十餘年矣嶺南張君仲孝以嘉靖乙卯秋八月知饒陽修祀事見祭器惟爵銅製餘咸陶瓦器將改作會述職未及爲丙辰春聞遊僧募銅鑄佛以惑民毀其像得銅若干鳩工於明倫堂鼓鑄祭器以易陶瓦凡登五釧廿簠各四十有四合百一十有三事社見職官表鑄祭器見學校門丙辰嘉靖卅五年也

武强學泮池碑

碑歐陽暎撰文具名宦事中池知縣楊衷所浚賈如式廟學碑云楊侯功載歐陽太史記中時嘉靖戊午戊午卅七年也武

强廟學縣志云洪武間知縣夏安禮王思道成化間施惠吳鳳鳴弘治間曹文通正德間宋銳嘉靖間張籍姚漣劉沛然隆慶間劉梓万厯間劉卿閻鍊先後修葺埒記於此

武强科第題名碑

國家於賢才養之以學校歛之以科第士生今時雖有經世宰物之具不由此難自表見於世與茲選者厥惟艱哉武强科第舊無題名正德初邑侯新城宋公銳始揭板榜於明倫堂壁然制非經久嘉靖戊午豐都文溪楊侯作興

學校又移建碑亭創開泮池厥功茂矣會民於濔沱之濱  
得石表二迺命移置學宮題科第諸公於上虛左方以俟  
來賢請喚爲記惟科第之設匪獨使士榮於已而已將爲  
國家用也使才擅時名位登極品而德而功有擇焉後之  
人將指其名而軒輊之嗚乎後來英俊其尙相與茂哉之  
哉歐陽喚記

楊侯知縣楊衷也衷於濔沱之濱得石表二樹爲  
二題名碑請歐陽喚爲記此及下歲貢題名是也

### 武強歲貢題名碑

國家既設科第以羅英俊異等之才復設歲貢以收馴雅  
資深之士試進士於奉天殿試貢士於奉天門均優并重  
號爲正途迨其効用績業亦相埒其後科第偏重而歲貢

記十一下之上

金石

三十四

多有後時淹滯之嘆於是績業遂讓而司衡者稍抑之昔  
人有言周之士貴上之人亦貴之秦之士賤上之人亦賤  
之資格者制也輕重者情也敦誨者習也振靡者志也格  
孚者德騰越者才也趣向者風升沈者運也安乎制正乎  
情端乎習選乎志懋乎德敏乎才維乎風挽乎運者人也  
君子當自勉哉楊侯既題科第於明倫堂之左復題歲貢  
於右俾喚爲記喚無似昔曾叨是選故敢僭書數語爲諸  
士忠告云歐陽喚記

武強有歲貢題名碑而舊志所載歲貢始永樂朝無洪  
武時人州及饒陽安平舊志歲貢皆起自洪武蓋武強

題名碑至嘉靖始立於國初時人不能詳考據明史選舉志府州縣學諸生入國學者乃可得官不入者不能得也洪武時因諫官關賢奏設定例府州縣學歲貢生員各一人歲貢之名自此始貢入由翰林考試經書義各一道判語一條中式者一等入國子監二等送中都中者遣還提調教官罰停廩祿於是直省諸士子雲集輦下是時京師在金陵北方諸生貢入太學道里遼遠非文學高者不能往也史又云洪武廿六年盡擢監生劉政龍鐔等六十四人爲行省布政按察兩使及參政參議副使僉事等官其爲四方大吏者無算李擴擢

御史改給事中則臺諫之選亦出於太學其常調乃爲府州縣六品以下官太祖雖間行科舉而監生與薦舉人才參用故其時布列中外者太學生最盛蓋初制取人於學校不以一日短長高下之也及永樂遷都北京此州近在畿輔貢入國學道途便易矣今自武強外洪武時可考者州則蔡恕爲兵部右侍郎蔣卣爲江西僉事李欽爲禮科給事中尹具瞻爲工部主事其餘爲知縣者六人通判一人司務一人饒陽則李哲爲給事中殷輅知州其餘爲知縣者三人州判縣丞主簿經厯各一人其劉俊爲湖廣左布政司在永樂朝者不數也安

平則攸永趙杲並爲御史蘇起員外其餘爲通判者一人蓋國初時重用歲貢如此永樂以後則少殺矣茲因武強歲貢不見洪武時人因坳考之覽者不得與後之歲貢同類而易視之也

### 明安平廟學記

安平舊有廟學金季燬於兵元始建於縣治東北我朝復葺之前尹陸公載郭公學書又拓大之顧歲久漸敝商水王公懷忍爲縣逾年政通事康適淮安田君銘教諭是學協謀作新革故增缺完美宏麗安平廟學允爲燕趙最役始於丙辰春訖于丁巳秋捐俸區處者王公而經畫締構

記十一下之上

金石

三十六

者田君也既而王公以孝養去田君以老去而訓導童君鐔亦以遷去逮今四年新尹曹公鉉繼而新之教諭張君汝卿助成之丞張君尚志訓導路君文弼王君進尉陳君綱相與左右之學生員逮子崇仁等立石屬記鑑惟王公居官清苦五載如一專以節民財養士氣爲念去之日士民挽留走數百里不下數千人今人名宦祠祀之矣王公質直尙義有古循吏風其孝其廉其重學至動眾感人若此豈徒土木之事云爾哉今曹公繼修於後其將與王公之治後先媲美也決矣記其成以勒諸石所不辭云王公字春埜商水舉人乃祖用進士爲名御史以節義世其家

曹公字汝涯汝州伊陽鄉進士田君字梅東南直隸明經多  
學識張君字東溟新城歲貢時嘉靖庚申季冬賜進士出  
身奉政大夫前戶部廣東清吏司郎中邑人劉鑑撰生員

王佑書并篆額

劉鑑已見人譜有勅命碑見前嘉靖庚申者卅九年也舊志王懷忍卅二年任劉楠卅四年任此碑云王公居官五載則當以

卅六年去官而劉楠亦當以卅六年來繼碑又云役始丙辰王公捐俸區處丙辰爲卅五年王猶在位前撰職官年表依舊志今正之逮崇仁堂邑訓導舊志載碑稱閣學誤

也今檢碑刻乃云闔學生

員某等舊志誤闔爲閣

及萬厯十年知縣李時芳修學縣人王三餘爲碑其文曰  
邑侯李公涖任之年爲萬厯十載甫下車視廟學敝壞不  
治乃鳩工興事不半載而告成李侯爲政蓋知所先務矣  
既成學博陳君請記於余余惟吾邑舊稱文獻淵藪漢魏

記十一下之上

金石

三十七

以後代有聞人明興景泰之際大司農張公以儒術致位  
通顯爲時名臣爾來雖未追蹤然猶才賢輩出予不佞備  
員侍從嘗手疏于朝勸上廣學官弟子員仰荷聖明嘉納  
又嘗允不佞膚議詔增南宮進士五十人著爲令甲士生  
斯時不可謂不遇也夫表率不立教化不明有司者之責  
也既立既明而不勉強學問則吾黨之過也傳云百工居  
肆以成其事彼先達何人是在吾黨勉之爾雖然古之爲  
學非徒志青紫而已以明道也願吾黨之學者不負李侯  
作人之盛心唐陸敬輿有言上不負天子下不負所學此  
余不佞所自盟其心者願與吾黨之士共盟之是爲記

三餘  
萬厯

二年進士十三年充山東鄉試正考官時尙未顯李侯時芳也時芳又有改徵捕私鹽課事邑人刻碑碑今不存事見賦役志 修學見縣志者儒學門泮池橋均正德十六年知縣陸載建啓聖祠敬一亭均嘉靖十一年知縣趙文中建戟門櫺星門嘉靖十七年知縣楊允建明倫堂嘉靖廿一年知縣郭學書重建大成殿東廡西廡万厯十一年知縣李時芳重建時芳又重修櫺星門尊經閣万厯廿九年知縣徐九成建

### 明封承德郎戶部主事劉君墓表

賜進士第戶部山西清吏司郎中邑人王如綸撰並書

### 鄉進士直隸鎮江府通判邑人張桂篆額

嘉靖戊午余官秋曹同邑劉沙洲自安平厲書以尊人柏泉先生墓表見委詞甚悲懇已未冬余升戶曹郎將之宣府道復得書申前請誼不獲辭按狀先生諱以孝字某五世祖明曾祖仁義祖諱泉以春秋經中正統辛酉鄉試官

### 記十一下之上

金石

### 三十八

山東章丘縣學訓導考諱澍不仕妣孫氏先生幼聰慧親老值歲歉奉養承志人呼爲劉孝子比長躬耕家廿餘口共爨先生以禮讓爲教內外嗃嗃然無乖行事諸兄一以誠析居後再鬻田產以贍嫂姪宗親貧窘多賴以濟朝夕里有昏喪不能舉者贊成之無吝色有來謝者則媿遜不居子孫日蕃衍開塾延師不計費稍長則量材各授一業嘗拾遺金於道守之不去俟金主至以所拾還之有冤獄陷死刑者以金求救爲援脫得不死而還其金曰我初不受恐汝驚不信也以子貴嘉靖乙巳大享禮成覃恩封承德郎戶部廣東司主事年老築亭鑿池引泉植柏其間遂

以柏泉自號配王氏封太安人事舅姑曲致其驩心先生  
義行至多亦太安人之助先生生成化丙申九月卒嘉靖  
戊午七月壽八十有三太安人生成化己亥三月卒嘉靖  
丁巳六月壽七十有九子四人長金庠生授散官次銀次  
鏞次沙洲鑑也以詩經中嘉靖丁酉鄉試辛丑登進士第  
戶部主事升郎中孫男十二人曾孫男八人今年十一月  
合葬先生太安人於縣北白沙莊祖塋之側人每以潛德  
不曜或修行而不遇於時爲善人君子惜若先生者身享  
大耋有賢子高大其門閭藉天子光寵以榮其先世庇及  
後昆則夫作德日休不以冥冥隳行不以善小而不爲亦

記十一下之上

金石

三十九

孰謂天道之無知邪

碑嘉靖卅九年立在安平縣北白沙莊王如綸後爲大同知府司禮監太監王敏之從子也張桂嘉靖戊子舉

人由諸城知縣升通判安平志稱其天性樸實居家友睦

明知州張侯遺愛碑

碑在州獄牆東嘉靖四十四年立撰碑人有四明二字可辨以下泐雍正志載其名爲劉派碑剝落不可讀其

畧云張侯名光漢字琢菴中州武安人嘉靖己未進士初試無爲牧丁外艱服闋泣澗以異政召嘉瑞陟尚書冬官郎離澗之日民不忍其去皆奔走若狂父老和時熙李名陳一模等百數十人懇留舊烏標懸於麗譙庶烏在即侯在猶懼不足以久乃謀樹碑通衢長寄思焉侯明若止水凡所設施必協羣慮是用冤滯不積徭不苛煩役無重遣均畝減額以寬其徵廉靜自處不借助於交援給牛種以墾荒頒養濟以恤孤賙昏喪以振乏異政班班奇瑞叶應厥有三徵一曰甘露降二曰溥沱清三曰詠賊馬湘平民思侯之遺愛遂寄思於碑白其事於別駕侯公西野幕贊任君魯峯二公捐己俸構亭覆碑以蔽風雨庶較樊渠峴山爲可久云張侯事舊志甚畧此碑雖已泐猶粗具梗槩詠賊馬湘以白蓮教起事於安平旋伏法見兵事門舊志作馬相此碑作馬湘無正字也

明順天尹杜公碑

碑在涿州東四王村碑書大明山東按察副使杜公諱時墓十三字旁記云永樂丁酉解元戊戌進士初授監察御史陞

順天尹隆慶三年三月十一日立按杜公卒宮順天尹而碑書按察副使似後人就其名績特著者稱之杜公見稱於薛文清公知州錢榭祀之鄉賢祠且云時輩稱爲夫子



其爲當時推重如此今乃文獻無徵惟雍正志載其爲御史爲按察副使制勅茲著之左方其爲御史并勅封父母封父勅曰朕惟爲人子者孰不欲顯揚其親故子之賢而能宣力効職者朝廷必推恩以報之所以遂其顯親之心而勸天下之爲孝者也爾都察院廣東道監察御史杜時故父從禮善積於躬慶延於後是致有子効用於朝推厥本原宜有褒顯今特贈爾爲文林郎都察院廣東道監察御史靈爽不昧尙克承之封母勅曰朕惟人子之才雖本於父而資於母德亦深矣故國家推恩臣下存則有褒榮之命歿亦有追贈之典焉爾都察院廣東道監察御史杜時母魯氏夙有德善著於閭門是生令子効勞於國揆厥所自宜有顯褒茲特贈爾爲孺人靈其歆承永賁幽壤告身勅曰朝廷設監察御史欲其振紀綱而勵風俗以弼成國家之治非得剛方清直之士曷克稱茲爾文林郎都察院廣東道監察御史杜時發身賢科典司憲紀克效勤勩朕用爾嘉茲特錫之敕命以示褒寵夫官以察爲名而以言爲職在明大體而略細故在愛君子而戒小人其益端爾志益堅爾守毋私於法毋撓於勢毋訐以爲直毋苛以爲能明以燭之公以行之懋修而不懈尙有顯爵以待爾成欽哉封妻勅曰朕惟人臣克效勞於國者雖本於父母蓋亦有伉儷之助焉爾都察院廣東道監察御史杜時妻申氏克盡婦道以相其夫致能盡心於所職朕用嘉之茲特封爾爲孺人服此榮恩永光閨闈欽哉洪熙元年四月十五日其爲山東按察司副使制曰按察司之設所以儆官邪明憲度振飭風紀安其民而正其俗也自非得人不可以輕畀山東按察司副使杜時發身賢科擢任御史出佐外臺荐麻歲年克効勞勩茲特進爾階爲中憲大夫錫之誥命以示褒嘉朕方勵精化理深患憲職之不舉爾其體朕至意毋瘵其官毋私於法使吏民畏服政令得宜以弼成國家之治其往懋哉以光朕命正統元年九月十八日

記十一下之上

金石

四十

雍正志又載山東道監察御史劉瑄勅命畧曰爾山東道監察御史劉瑄發身賢科授茲要秩麻年既久時譽益彰是用進爾階文林郎錫之敕命以爲爾榮瑄父愉母周氏妻葛氏皆有敕詞事在天順五年十二月七日杜劉二制勅皆未刻石僅見雍正志錢榘稱劉公爲清介之士與杜公并祀鄉賢故附箸於此

明復岳烈婦祠田碑

城西舊有貞烈棹楔昔此州傅型嘉妻岳氏以死徇夫朝命旌門傳與岳附居之田皆免租供祀豪民乘滹沱北泛侵其田嘉靖丙申里人發其事於文守三省豪遂上愬里人坐重譴後巡按周公命覈田豪計寤詭詞愬之董守琦董信之給與公券豪得券益恣購訟牘而匿之己巳春一鵬承乏州事有言此者以無可考置之羣豪內訐判令還田不服愬於今巡按劉公公檄州覈田州具詞上并議分

餘租爲讀法社飲諸用公允之仍命記於石乃脩祠立坊起八月落成於重九眾喜曠典之復也於是北安莊民相率以所隱占社壇田還官既置羣豪於法遂述公命爲土穀祝報之詞以歸之

復田事已見名宦一鵬傳今并錄一鵬所爲碑碑蓋隆慶三年作巡按周公畿輔通志嘉靖朝巡按眞定等府有周任太倉人周道江南人皆無任事年月不知此何周公也今巡按劉公通志有劉瑤河南人亦嘉靖朝巡按其隆慶朝劉良弼乃宣大巡按劉翹順天巡按皆非此劉公蓋通志於明代職官考之未能詳也

### 明武安王廟碑

碑在戲村隆慶四年立文剝落難辨畧記國志所載關公事末云宋大觀二年封武安王隆慶四年尹漢朋以眾議述古言立

碑紀  
歲月

### 明武强關廟碑

漢有死義之臣日前將軍假節鉞都督荊州事漢壽亭侯

記十一下之上

金石

四十一

謚壯繆關公羽古忠臣龍逢後裔也章鄉之難子平死漢亡孫彝死豈忠義之苗裔遠與何代多烈士也當侯起草澤始事蓋在幽薊又嘗依公孫於冀故燕冀之人往往喜道侯與張車騎將軍飛之雄風而武彊又用武之國多韎韐君子即士人亦雅負朔氣故壯繆祠無問轍跡至不至所在有焉而倚郭更爲顯赫顧其祠據子午之衢有隘於民廬侯生恩湛始捐其居益之歐陽運判韓乃以眾釀鳩其成而問記於予予以爲天地精英之氣分之百千万億以滿此宇宙而間聚之一二賢豪以撐拄其顛隳而扶持其壞敝幸而世盡其用則英氣散爲勛勞而万物各歸其分

其人亦復舒和而就於平即不幸而不盡其用或用不盡正若用而或有所私與夫齎志以歿而不戕於眇眇未亡之人則其氣亦且時聚時散而不必常留於天地惟是志噓既燼之炎誓與死生而烏林之役未遑西州之懷不竟其名爲賊而貉視者方欲艸薶而禽獮之而反駢首其人故熱血迸出散在百千万億之人心而即合百千万億之人心以結之而爲明神其俯視百千万億中有復如狐如鯨不異曩時者不艸薶而禽獮之不已故百世而下靜庸易嚮面背易辭生死易交成敗易志生平詡詡而趨熱反覆者往往遭所譴誅若迅雷之不測而世之福於善禍於

記十一下之上

金石

四十二

慙者慮無不神是屬夫神豈必龍旂火馬髯磔磔如戟哉無亦百千万億有侯以憑之耳世人當患難時頗恍見其凜凜生面亦或平居而逢呵怒若不容將無隱衷不媿旦燭而慙德實比于貉與蓋侯之心如日心在人之內日在天之上夫日明則金節赤旂日暗則天兵鬼斧故曰日在天之上普照万方然則忠義在人心而獨祈嚮於侯侯尚猶用百千万億之心也武強故多義烈倘回照其心以悉侯之心乎則請觀於日万厯卅七年翰林院國史編修高

陽孫承宗撰

承宗後再爲大學士出鎮山海關崇禎四年收復永平豐潤等四城  
嘯亭雜錄謂其時我 朝屯守諸軍皆謀臣勇將高陽以烏合新集

之兵勝之實爲奇捷言出 大清宗室自爲公論惜明帝不能任用致仕後全家殉節  
此碑爲編修時作忠義噴薄已如此言爲心聲不可僞爲也碑陰教諭孫敬宗蓋公兄

弟行

### 明李處士墓表

碑隆慶五年立任丘貢士子樛撰樛字南山又嘗撰處士墓銘今不存墓表畧云隆慶戊辰六月一日處士李翁卒其生成化

戊戌正月享年九十有一翁諱傑字世豪高祖福曾祖讓祖泉考文學妣鄭氏幼穎敏端慤壯歲力農兄弟躬耕事親歲飢業落飭蠱振衰卒為巨室雅重文學無他歆羨配朱氏劉氏劉氏男四維仁維積貢生維業維清女四適杜士璠郝宗顯太學生張鳳翎饒陽太學生紀文穆孫男四之香州學生員之蔭之芬之芳翁之嗣肩盛矣哉翁年篤老仲子國學歲貢生踰選期久矣念翁春秋高監滿歸侍膝下或勸之仕翁曰吾得子色養足矣翁寶祭豐潔服御儉素濟困扶危施德忘報於朝廷鄉飲養老典禮堅辭不赴庶幾養人以善又能以善自養者與自號柏峯柏挺然獨翠敦其守也峯崑然高聳尚其志也以今年某月某日葬於先塋之次仲子請文表墓哀其終喪樂樂情與兒符遂嘉而諾之

### 明善福寺記

記州學生田紹科譔隆慶五年刻石在涇州景村畧云景村有善福寺古刹也僧洪滿等修之問記於余且曰今眾生沈欲海而不悔焚

忿阨而不濯投利弃而不怨墜名淵而不寤死酣濠而不醒驚迷途而不返落榮綱而不飛甘此七難未知佛教也是役也庶使覩門構仰殿宇而三乘之路一指之禪如親承而登之慈航余曰噫嘻哉佛之流失其真生此七難者踵接也然指焚頂以為玄施興齋治醮以為廣度著達摩之衣而一歸未解誦白馬之經而百詐橫生其禪家之罪

記十一下之上 金石

四十三

人乎滿拜手曰吾等知奉佛不知學佛自今請事斯言於是歸而召匠勒諸石此文論七難之弊最明快余嘗見西人龐迪我為書曰七克者其言亦多深切儒家動斥異端亦嘗究其說乎否也

### 明知州程公去思碑

程公名道東碑今亡事載舊志道東隆慶三年任四年去碑蓋五年所立道東升南京兵部郎中累遷雲南知府

### 明天寧寺碑

碑在舊城萬厯元年立不著撰碑人姓名云寺始至正間今僧覺松重修之自嘉靖廿四年迄萬厯之初工成徵記予惟佛以空化執智

化也以福利化貪仁化也以緣業化妄術化也以地獄化愚劫化也以施捨化吝德化也中人以下聞其說利而畏之所謂拯溺以手救火以水也然用其法不用其心則失其道而蝨於物矣此碑可謂能言釋家理趣覺松正德元年鑄開元寺鐘者

### 明張巍勅命

奉天承運皇帝勅曰朝廷以長民之責託於縣令令近民

休戚關之厥任綦重爾山西遼州榆社縣知縣張巍發身

賢科作宰鉅邑政績昭著屢被薦揚茲特授爾階文林郎

錫之勅命爾其祇膺明訓益篤操修國有峻階朕不爾靳  
欽哉 勅曰國家錫命羣臣必及其配重齊體之義也爾  
山西遼州榆社縣知縣張巍妻程氏篤修婦道善相其夫  
夫既顯榮爾宜並貴茲特封爾爲孺人祇服綸褒益敦闈  
範嘉靖十三年四月廿日封万厯二年六月立石

張魏文學甚  
高觀前撰興

隆寺碑文可見  
此勅詞亦馴雅

明誥贈榮祿大夫中軍都督府都督同知馮公神道碑

光祿大夫柱國少師兼太子太師吏部尚書中極殿大  
學士知制誥經筵事總裁國史江陵張居正撰

少保兼太子太保英國公掌後軍都督府事監修國史

記十一下之上

金石

四十四

前奉勅提督神機營軍務總兵官古汴張溶書并篆額  
嘉靖中雙林馮公以才敏受知世宗皇帝特命管理諸司  
章奏超拜司禮參秉內政穆宗皇帝從外邸即位以迎駕  
贊襄典禮功命公提督東廠官校兼掌御用監印事而蔭  
其弟佑爲錦衣衛世襲千戶升錦衣衛指揮同知隆慶戊  
辰册立今上爲皇太子覃恩贈公之祖仲舉父漢爲懷遠  
將軍指揮同知辛未佑升中府都督同知筦衛事而贈公  
曾祖綱暨祖父皆如佑官配皆爲夫人今上嗣統奉先帝  
遺命以公掌司禮監事兼官如故公以忠恪勤慎厯事三  
朝保護皇躬肅清輦轂翊戴今上服勤左右匡襄新政勞

績尤多膺三聖恩遇至隆極渥龍章鳳誥賁及先世非偶  
然也夫天道無親恆與善人其積彌厚其發彌遠邈公之  
先自高曾以來世積忠厚洎公祖父種植益力睦親愷族  
好義喜施人知馮氏有後矣今公兄弟荐登穹秩而子姓  
碩繁爲時望族非積德之報與公父生五子長愛雲昭勇  
將軍指揮使次愛紹明威將軍指揮僉事次愛卿先卒次  
即公也次佑女二適張大律徐豪孫男十邦寧指揮使邦  
濂指揮僉事邦柱指揮同知餘尙幼孫女二人適王守金  
遂安伯勲衛陳源公世爲溪之張社人其先瑩在桃源之  
原銘曰

記十一下之上

金石

四十五

溪水之陽茂宗殷起奕世載德承家濟美爰有聞人秉筆  
內樞麻事三朝敬恭不渝儀於諸昆修其家政自親率祖  
誕膺顯命歲時矜饗鄉人豔之天與善人匪濫匪私有翼  
斯阡龍章賁赫後世繹思眎此銘刻 萬厯三年正月  
余採此碑州人多疑之余謂名相之文不可不錄且馮  
保亦中官之表表者何嫌爲若謂輔臣交結內侍爲失  
邪明代宦官之重久矣自永樂漸假柄任及英宗益甚  
命金英錄囚英張黃蓋中坐尙書以下左右列侍而王  
振用事至械戶部尙書劉中敷於長安門尙書徐晞等  
相見屈膝公侯白事咸膝行而前中官威執出百僚上

甚遠故于謙賢相也景帝勅內侍興安李永昌與同總  
軍事楊一清亦賢相也爲都御史時武宗命內侍張永  
與同討叛藩而大儒王守仁亦與張永密通書問卒賴  
其力上之任宦寺與閣臣齊等其來已久積重難返至  
神宗時已習爲故事且無人乎繆公之側不能安其身  
自古歎之居正之與馮保相善曷足異乎至稱兩人交  
結恣橫則出中官張誠之誣構殆非事實居正雖與保  
善而時說保裁抑黨與毋與六部事又時令緹騎訶察  
中使及居正進白蓮雙白燕保謂主上冲年不可以異  
物啟玩好二人頗相規益固非黨同阿好者比明史於

保少恕詞保次當得司禮掌印高拱越次用尙膳孟冲  
尙膳例不當掌司禮保怨高拱亦人情所有史謂穆宗  
甫崩保言於中宮斥孟冲而奪其位今據此碑則保掌  
司禮固穆宗遺命也人主自委任宦官令與閣臣同受  
顧命史乃謂爲矯詔果何據乎保爲帝所畏帝與小內  
豎戲見保輒危坐帝寵孫海客用等夜遊別宮小衣窄  
袖走馬持刀保白太后責帝此皆宦寺所難史雖多貶  
議顧稱保時引大體又能約束子弟不敢肆惡是其長  
固不可沒其他史所述皆無實據似愛憎之口非公論  
要之江陵固名相即馮保亦無顯過若以其宦寺而弃

之則愈隘矣馮佑馮邦寧保得罪後皆下獄瘐死

明神宗御祭馮漢文

萬曆三年歲次乙亥十一月乙未朔越廿三日丁巳皇帝遣眞定知府武尙賢諭祭贈都督同知馮漢并妻夫人黃氏之靈曰惟爾賦性愷樸秉德善良謙恭素重於鄉評孝友允孚於宗黨爰有淑配媿德相成蓄祉儲休是卜爾子早承寵於世廟繼受簡於先皇迨朕御極之初擢居司禮之長特隆委寄彌篤忠勤遡厥本源是徵訓育茲以陳情而上疏乃賜祠額之嘉名典出殊恩雖緣子情而褒孝義存風世實旌臣節以勸忠爾靈有知尙其歆服

此自是朝廷濫恩馮墓又一碑

記十一下之上

金石

四十七

刻禮部劄付眞定知府支官錢備祭物內載保疏乞賜祠額賜祭是時神宗冲幼賜祠額爲褒孝遣官賜祭翰林撰祭文保蓋求無不得非帝自主保之貽譏殆此類與其祭品雖不足存猶見當時禮俗因坳箸之 祭品 猪一口 羊一腔 鳳雞一隻 燂骨一塊 燂魚一尾 饅頭五分 粉湯五分 果子五包 酒五杯 酥餅酥錠各四箇 雞湯一分 魚湯一分 降眞香一炷 燭一對 焚祝紙一百張 酒二瓶

褒孝祠碑

碑萬曆四年立大學士呂調陽撰亦張溶書調陽明史無傳坳見張居正傳中宰輔表調陽神宗即位入閣萬曆六年病歸功臣表英國公張

輔永樂六年以安南功封傳四世至溶嘉靖十四年襲封四十四年加太子太保萬曆二年加少保故結銜稱少保兼太子太保也此碑云今上嗣統遵先帝遺旨擢掌司禮與神道碑同又云弟佑以蔭升都督同知令甲都督階一品得封三代如其官建祠工役之費悉出賜金不擾有司碑又云總攝內署諸監司所隸貴人無慮數千百一馭以繩度使毋干紀諸貴人亦懍懍自愛而重犯法於外庭諸司絕少干與其言皆可與史互證

明太監宋明佳城記

碑萬曆四年立撰碑人劉效祖結銜賜進士第中憲大夫陝西等處提刑按察副使前奉勅整飭固原靖虜等

處兵備兼理糧餉效祖武驤左衛籍嘉靖廿九年進士見畿輔通志據碑宋明扞內廷卅餘年嘉靖四十三年年六十乞休俸賜僅足支門戶年七十自爲生壙宋明溪州香山人



明知州李公去思碑

李公名恩寵碑萬曆四年立州人  
霍州知州張天秀撰文見名宦門

明溪州豁減租銀碑

碑萬曆七年立賜進士出身加授通議大夫河南等處  
承宣布政使司左布政使張天馭撰文賜進士出身文

林郎知邵陽縣事謝志伊書丹豁減租銀事已見賦  
役門是時馮保方用事蓋與有力碑不及之嫌私也

明饒陽縣令題名碑

文林郎饒陽縣知縣鄴郡孟陳堯撰文迪功郎饒陽縣  
主簿滕趙待聘書丹將仕郎饒陽縣儒學教諭鄒文學

篆額碑萬曆七年立文已見名宦門其所載諸人與舊志時有異同當立碑時縣尚未  
有志其後修志此碑外別有摺輯如馬鎮死於兵難劉芳有政績宋徵入循良傳稱其  
清勤慈惠民安盜息卒官妻子不能歸僚友士庶資之乃得歸杜泰以事去此皆別有  
所據又增鄧睿湯勉李志公等而志公云見天順五年碑又據此碑仇相正德十四年  
任據王江修城記則當在八年碑云羅名士光州人而志云汝寧人皆當以志為有據  
亦有此碑詳而志反遺落者如崔大德升同知去志失載陳宣升戶部主事志不詳何  
部羅名士升刑部主事志亦不著要此碑為纂志所本其摺訪纂勤今均著  
之其孟陳堯以後自賈梓至王之紀則後人續增皆已見職官表中不重錄

知縣

左良弼

洪武八年任

孫緒

浙江蕭山縣人洪武十年任擢御史

馬鎮

浙江錢塘縣人洪武十七年任

劉芳

河南洛陽縣人宣德五年任

宋徵

山西洪洞縣人正統元年任

張昊

直隸臨淮縣人正統五年任

劉用

江西豐城縣人監生景泰二年任

記十一下之上

金石

四十八

張幹

山東武城縣人成化二年任升知州

張璲

成化六年任

趙琮

弘治二年任

徐淮

山東武城縣人進士弘治七年任

邵章

陝西長安縣人舉人正德元年任

杜泰

山東長清縣人正德二年任

趙繼宗

陝西同州人舉人正德五年任

仇相

山東淄川縣人正德十四年任

年任

丁忠 山東霑化縣人舉人嘉靖二年任

秦世顯

陝西涇陽縣人進士嘉靖五年任調襄陽

張瑜

順天府人恩貢嘉靖七年任

張

相 河南汝寧府人舉人嘉靖十年任

姚鏗

山西稷山縣人監生嘉靖十三年任

楊東山

河南祥符縣人舉人嘉靖十五年任

武佩

山西路城縣人

監生嘉靖十九年任

馬自顯

陝西淳化縣人舉人嘉靖十一年任

楊九式

陝西高陵縣人舉人嘉靖十二年任

張瀾

廣西濱州人舉

人嘉靖廿三年任

徐績

河南淅川縣人監生嘉靖廿五年任

高崧

雲南大理府人舉人嘉靖卅年任

張仲孝

廣東東莞縣人舉人嘉靖卅四年任

年任升

崔大德

山西長治縣人進士嘉靖卅七年任升同知

趙汝大

河南汲縣人舉人嘉靖四十一年任

張廷禮

山西定襄縣人

同知 歲貢嘉靖四十五年任

邵型

浙江餘姚縣人舉人隆慶二年任

陳宣

直隸太平縣人進士隆慶三年任升戶部主事

羅名士

河南光州人進

士隆慶四年任

王淑民

陝西威寧縣人進士隆慶六年任調遷安

李守貞

山西沁源縣人歲貢萬曆元年任

陳謙

浙江錢塘

縣人舉人萬曆二年任

孟陳堯

河南安陽縣人舉人萬曆五年任

明護國雙林寺碑

碑万厯八年立賜進士第通政使司左參議東陽杜其驕撰  
文雙林以南柳林北柳林得名馮氏先墓在焉寺馮保所建

召僧周印居之以守冢及十年而保敗寺亦漸圯十九年周印更葺之太學生石澄為碑則保死已久寺歸他人矣盛衰禍福之際自古如是可勝歎哉

明觀音堂鐘銘

鐘在州北禮門寺村万厯八年  
鑄銘有皇帝万歲太子千秋字

明大同知府王公墓誌銘

恒山滹沱孕秀鍾靈篤生賢哲為時宗英襄陵高平賢績  
在碑比部度支罔職不宜進守大同師帥之尊政平訟理  
千里為春萋菲之傷公論有在庭有樹槐食報未艾安平  
之西佳城鬱蒼窈窕固安子孫熾昌我銘貞石鬼神護呵

潛德之光永世不磨

墓誌余有丁撰全文已佚銘詩見安平志不著年月考  
明史宰輔表有丁万厯十年六月為大學士十二年九

月卒文殆為相時作安平志稱如綸軒豁  
善談篤於友誼據銘詩王乃被讒去官

記十一下之上

金石

四十九

明泰山行祠碑

碑在涇州西南八里西安莊万厯十二年立安平鄉貢進士崔  
璵撰河南周王府禮生州人李士錦書州學生李學顏篆額河

南開封府蘭陽縣知縣州人齊一變等立石文云李君諱堂倡修李君先公永樂朝爵  
列禮科職司納言忠直之風至今未艾州人永樂時為禮科給事中者今無可見惟洪  
武歲貢生李欽為之豈欽貢太學在洪武時其為禮科  
給事則在永樂時邪忠直名臣不宜湮沒故附著之

明故戶部郎中劉公墓表

吏部尚書前兵部尚書兼總督軍門眞定梁夢龍撰直  
隸寧國府同知前戶部四川司主事邑人崔良貴書

公諱鑑字汝照姓劉氏眞定安平人曾祖昶正統辛酉舉  
人山東章丘訓導以不偶而歸曰後世必有光吾志者祖  
澍官省祭拾遺金而還其主考以孝用公貴封戶部主事  
妣王氏封太安人封君友愛肫至飲鄉賓卅年沒祀鄉賢

有四子公其季也公幼岐嶷年廿四中嘉靖丁酉舉人辛丑登沈坤榜二甲進士觀政工部除戶部主事升員外郎郎中加授奉政大夫嘗餽餉延綏軍監收課稅監兌湖廣糧儲催督儀真綱運歲庚戌北虜犯順直逼神京援兵雲集待哺本部選曹屬調餉人皆畏避公獨奮然請行昌鋒鎬抵大通橋調給糧餉哺軍遠近帖然事定譽望彌歸兩浙積逋至鉅大農奏請公往督公至振屻宿弊疏通轉運用是入太倉者增往歲幾倍銓部欲用公尹開封又欲與海道憲副公不欲外補皆辭不往僉謂公譽茂聲鬱京堂可立待會忌者中傷之遂浩然徑歸歸則出祿賜置田廬

記十一下之上

金石

五十

與諸兒子均貧富值封君太安人相繼卒哀毀逾禮服除建草亭北郊雜植奇花異卉集薦紳俊髦吟賞其間樂遊嘉山水同年樂城監察陳九德約登封龍諸山興盡乃歸有王右軍謝康樂遺意教子姓讀書探聖賢指趣爲文閎肆而奇峻一時文士彬彬慕嚮朋遊以碑記誌銘請者不絕有馬班雄筆若公者可謂正人君子出處有立者矣卒万厯癸酉八月享年六十先塋元在白沙莊滹沱衝嚙其年十一月廿六日葬公安平城北二里前夫人姚氏繼夫人兩李氏均祔今夫人王氏側室梁氏有六子維屏生員衡府典寶正維城生員維某生員維龍維岳維持女二長

適魯熙次適生員李三善孫男六人女七人

碑在安平彭家莊万  
厯十二年立夢龍張

居正門下土万厯十年十月由兵部尚書改吏部其年十二月言者謂其交結馮保免  
歸後趙南星訟其邊功見明史本傳其為吏部尚書僅兩月見七卿表夢龍此碑李剛  
主嘗為之書後碑云庚戌北虜犯順庚戌為嘉靖廿九年北虜謂諳達明史是年八月  
諳達大舉入寇攻古北口掠通州駐白河分掠畿甸州縣薄都城是其事也諳達舊作  
俺答良貴承祀從子嘉靖辛卯舉人見薦紳表良  
貴有聖姑廟碑載縣志其為寧國府同知見人譜

### 明戶部郎中劉公墓誌銘

常山轟轟滋水潺潺精凝靈毓俊傑生焉質純學篤菽苑  
蜚聲養深積厚服官靖共奮身殫力懋建勛庸優游林泉  
二親未耄出入孝忠鄉邦有耀先塋瀕河其利用遷葬君  
新阡卜吉北原德過其位委後于昌勒詞墓隊以告勿忘

墓誌王學孟撰學孟嘉靖辛酉舉人綏德知州見薦紳表  
人譜祀鄉賢見安平志其全文舊志不載縣志僅錄銘詩

### 記十一下之上

金石

五十一

### 明武强知縣劉公生祠二碑

一為太僕卿賈如式撰一為雲南右布政  
侯世卿撰皆万厯十六年立侯碑言劉公

鋤豪強減賦輕徭節浮祛冗外嚴內寬賈碑言劉在臨晉嚴繩以法至武强見其邑小  
民貧曰此不可以臨晉治也詢民疾苦惻然噢咻清徭平役簡訟緩征申鄉約明保甲  
賑貧窮興學校不數月政治譽起調滑縣入為吏部郎  
出觀察中州去武强八年民思之愈久愈篤劉公名卿

### 明武强李游妻苑氏節孝二碑

苑氏事見列女門知縣王釐士撰碑釐  
士万厯十六年任後知縣歐汝孚亦撰

一碑汝孚  
廿年任

明善保寺碑 奉直大夫知山西平陽府霍州事州人張

天秀撰奉直大夫知山東兗州府沂州事州人謝志伊

篆額歲貢生田紹恩書丹

我州東北鄉周堡村有寺曰善保戊子禪師明珠出已貨  
力召工改作且示苦忍畚揭身先功成大眾讚歎隨喜採

石斲碑丐余文於霍余維先佛世尊示滅鶴樹干有餘年  
達磨初祖救其末流俾涅槃妙心巍巍堂堂猶星中之月  
益光耀於眾法皆以明道說理爲宗近世遊食比丘誕妄  
惑世假如來衣竊信施飯視法宇之存壞若行路之過逆  
旅剝墜日甚迺自挈鉢囊逡巡告去寶莊道場往往鞠爲  
茂草明珠生原佛界求無上道眞咨承參決已得法要固  
當高提祖印直指人心者余喜其勤心法宇迄有成功輟  
政濡豪以爲之記

德首道會圓廣智 佛光心從位治理 洪明福果性  
祖眞 清淨貫徹如現中 本宗修正覺誠見 化黃

記十一下之上

金石

五十二

銘珠法慧演 永常西假定興增 提鉢印達普照燈

万麻十七年歲次己丑正月

天秀文學既高兼通內典故所作偈語深會佛理如此

明趙氏新塋記

碑在涇州東南起鳳莊結銜賜進士第行人司孫喬年撰喬森書碑云五世祖襲外氏業居此再傳至曾祖繼祥府君沈雄有

大節卒葬塋之右時嘉靖丙午三月也越廿八載爲今上二年甲戌曾祖妣馬孺人以完節登耄壽卒於州城奉歸窆窆窆狹隘吾祖竹庭府君卜以三年春二月遷曾祖於新塋與曾祖妣合葬今十有八禩宰樹鬱蔚客歲吾繼母全孺人考終開壙祔葬吾家世以耕讀著聞吾祖竹庭府君教子孫以儒業而大母以隱德昌後十餘年來賴先世寵靈父子相繼登科第通籍前人薄收之身而厚遺其後之人豈一朝夕之爲用鑄貞珉昭示來裔俾知慶澤所自万麻廿年謹記後四十六年喬年又爲後碑結銜稱齊魯觀察蓋喬年以山東按察副使兼布政使參議致仕碑致仕後立者畧云辛卯繼母全恭人祔葬新塋既而大父卒於己亥考孝廉府君卒於戊申吾妻陰恭人卒於庚戌吾叔光祿府君卒於癸丑而吾弟婦孺數人先後物故各率昭穆以葬纍纍稱巨阡矣比予解組十餘年顧瞻先原未有麗牲之石今始建碑神道闡先德彰君賜云

明安平除商鹽碑

安平商鹽事具賦役篇知縣何翌請停商鹽納課銀許民自煎食鹽運使議行此碑崔瓊撰紀何翌除商鹽事在

万麻廿三年

其後崇禎中商鹽再至安平知縣孔聞俊又請除

之縣人張爾庚爲撰碑記云

鹽使者從商人請求諸額不行鹽而包課者派以引目於吾郡得八州縣吾安平其一也曲阜孔侯具申其不便於是直指李公疏請回成命下部議行吾縣派引鹽鹽使者疏題再報可再經部覆矣似事不可挽乃得是奏而回天議照所派引目輸價合舊課凡爲銀七百廿八兩有奇定爲額以十二年爲始是舉也起議十年夏定議十一年秋吾邑得不行引而輸行引之費司鹽者不行引而得行引之課商坐得鹽利民不食鹽空捐鹽資而民顧幾幸有是何也利擇所便害從其輕朝廷無設心害民之政天下無

記十一下之上

金石

五十二

必不可行之法爲政者良則政良奉法者虐則法虐行鹽一端良有司常主護民而病商之事起不肖吏常爲商撼而厲民之事多以是言之即今商坐得利民空輸課課額倍昔民猶甘之矣神祖時數十年中滹沱走吾縣卑者沮洳亢者斥鹵舉目不毛其時幸不行引鹽今河去卅餘年地產苗猶落落以往事例之河去無數十年不返令河又返加以商鹽之虐民無死所即欲如今額納課逋死曷可得乎所謂利擇便害從輕者此也輿人之言曰籍久愆忘事久遷變如邑侯孔公持議侃侃按臺李公通達國體其疏仁言利溥吾安平敢忘尸祝哉若夫邑眾所歸德則又

在劉君良弼良弼中貴人之雋異也眾以比都諫王公王公於神廟乙未爲縣宰謀除商鹽功至今在人今劉君事頗相類謹列名紀錄庶俾後知所自文成就正今邑侯商

水朱公公命勒之石邑人張爾庚撰

爾庚官許州知州見薦紳表文稱直指李公謂巡按御史李模

也模疏畧云三百年來講來鹽政殆無遺策獨此八州縣不入行鹽之數審物宜而通民欲所見者大所慮者長也今使任商人逐利之言爭小民衣食之計何當公帑毫末而頓令二州六縣數十萬口盡爲賠糧失業之人生理既窮何所不至云云文云神廟乙未除商鹽者即万麻廿三年知縣何翌事也據此碑則何翌所上六不便三利書蓋出王三餘手而何翌安平志序云都諫王公嘗言之當事者罷商鹽數年王公沒而鹽復行據何序是乙未除鹽引時王已沒矣二說不同似當以何序爲得實也宦官劉良弼又嘗募脩城隍廟門洞開爲撰碑

### 明安平建水關記

安平當滹沱河橫激之衝城外東西南三面瀕河城內四

記十一下之上

金石

五十四

隅瀦水深者及丈民廬浸水者强半翌自甲午來令登城眺望環視胥溺惻然若已推之也無何都憲李公開示方畧於石王二府專其責於余余委典史魯子裕役民千餘分任省祭官王都等培城陟千餘丈築外隄四里許乃於城東隅開水關以泄三門之水役始四月七日迄六月三日告成念茲役關一方安危後之君子相其盈涸時其啓築實可爲吾民保障遂書以記之

右碑載縣志無年月蓋万麻廿三年立

### 明安平滹沱河徙碑

滹沱河故弗浸安平自隆慶三年夏河決束鹿始入安平西境万麻十六年又決則去縣僅十里許廿一年又決則

壞隄踰城民櫜舟編筏以居逾年大中丞李公以道學宗盟奉命來撫茲土日討治水之策而施行之曰改河則遏衝難遷城則經費難儻修城隄以禦建水門以泄庶少瘳乃檄饒陽令王君之紀規度之井陘大參吳君道行同協守眞定石君三復王君梁往來講求之屬安平令何君裂至遂肩厥任公又出帑緩給錢穀佐其勞大參吳公蠲金伙助眞定守楊君瑰倅劉君檢節推王君納言知晉州王君志遠共襄懿美何令君庀材興役培城堅隄開溝隧凡兩閱月工就廿三年六月水盛發而城內外隄不壞至七月而河徙父老走相告曰河忽自束鹿界上南流離安平

記十一下之上

金石

百里去矣滹沱患安平卅年今一朝徙蓋中丞公惓惓憂民何令君協謀而善成之故馮夷効靈其應如響令君樹珉石授簡繼高繼高往守關中邇承乏瀛東兩爲中丞公屬吏爰不辭而紀之

右碑長蘆鹽運使何繼高撰繼高山陰進士見畿輔通志立碑無年月蓋萬曆廿三四年間

明贈給諫王公神道碑

明贈兵科左給事中王公神道埵記云公諱遜由貢生任河南葉縣訓導子三餘隆慶庚午科舉人萬曆

甲戌科進士任河南蘭陽縣知縣調南直高郵州興化縣欽取兵科左給事中麻禮科吏科都給事中太常寺少卿提督四夷館碑不著年月據明史趙南星傳三餘歸在萬曆廿一年立碑當在罷歸後明史職官志提督四夷館掌譯書之事初隸翰林院後改隸太常初設太常寺卿少卿各一員爲提督後裁卿止少卿一人明史三餘以都給事罷歸據此碑則三餘嘗爲太常少卿官不止於都給事明史蓋未詳考

明興教寺碑

碑在安平馬店萬曆廿四年立縣人崔瓊撰署銜湖廣竹溪知縣碑畧云自無始劫來諸佛名號不昭垂者不論至普光等五十二佛金

剛不壞等卅五佛咸登圓覺之彼岸普般若之慈航而白馬招提倡象教於無窮者惟尊釋迦牟尼得非以五百世作忍辱仙人已契吾孔門犯而不校之旨授記然燈之前



值八百四十萬億那由他諸佛悉皆供養承祀則吾孔子之焉不學亦何常師之義也住世七十九年廣爲眾生說法三百五十度固如來之文在茲印證廿五無學成就千二百五十人以五十五位眞菩提路視玄丘之誨人不倦弗殊已故空門之尊瞿曇亦如吾徒之尊孔聖諸佛皆以覺稱而覺之中有覺皇諸佛皆以法顯而法之中有法王所謂天上天下惟我獨尊則又牟尼之自諒矣列銜有安平知縣廣陵何翌典史衢州魯子裕御馬監太監趙勳等

### 明安平觀稼亭記

記崔璵爲知縣何翌撰万麻廿五年刻石在北關外 國朝康熙中知縣陳宗石復額其亭爲觀稼以誌前詰之美崔記

載縣志畧云敬軒何侯政成化行乃相地建亭顏曰觀稼命璵記之侯以明德感格幽冥麥秀三穗命駕稅田有可觀者胡以亭爲蓋觀於詩書所稱攸介攸止一遊一豫則登亭而望田夫田婦之勤劬淒風暑雨之疾苦畢在目前侯之意念深矣是亭之址舊所稱仙臺積雪地亭成而勞勸以蒸我髦士補助以食我農人其易陰肅爲陽和噢赤子於春臺也乎

### 明謝莒州墓刻

其文云莒州牧謝公諱志伊字見吾世居涇州隆慶庚午舉人万麻丁丑進士年五十二以万麻廿五年卒葬棗科村西

### 明安平尊經閣記

記崔璵撰畧云徐侯泣政逾年建閣於明倫堂後以貯六經名曰尊經閣璵爲之記曰將尊經之文乎將尊經之義乎尊

其文未必該其實尊其義未必會其精夫六經之作固聖人之精蘊也亦聖人之糟粕也糟粕之是執即專門一經亦且尊易而遺詩書尊詩書而遺春秋禮樂舉一而廢五奚取哉徐侯九成也万麻廿五年任

## 記十一下之上

金石

## 五十六

### 明饒陽儒學題名碑

碑饒陽訓導時曜撰今亡不見題名姓氏獨其文載縣志亦無年月曜万麻廿五年任文畧言國家建置學官簡有道術者命爲學師端坐明倫堂羣衿綏士於其間非徒誦詩絃歌以事佔畢爲也呂東萊云學校教養正士習之本源陳帝王之彝訓述聖賢之事業旨哉言矣輓近學術不古士人踰檢咎將誰執故特記儒學題名指屈枚數某賢某良某匪賢匪良賢良之師立於上有不瞿然速肖者乎若頑金然以鑄成美器若萌蘖然以培養成美材矣儲賢俊端風化庶有藉於斯文

### 明饒陽救災記

碑知縣翟耀撰万麻廿九年立文見名宦門

### 明凶年圖

圖万麻年武強諸生于時躍所製圖十二幅繪万麻廿七八九三年災狀一蟲災二流民三乞食四賣女五弃子六劫奪七刮樹食糠八服毒自縊九盜賊十次年正月東街賣人肉十一瘟疫十二逃亡前有自敘云困苦之狀安能目盡覩筆盡書粗陳其概倘遇豐歲一閱是圖庶此心不敢忘歉亦防患未然之意也未綴善後數則有日邑雖有預備常平社倉止爲奸猾之利藪善良守分之民其何所賴若約結同志立簿積穀春散秋收數年之後必且充盈卒遇荒歉豈能爲患不愈於醮會道場徒資無益之費者乎圖道光修志時尚在知縣翟慎行題其後云万麻至今二百餘年矣金石尙多剝落而此圖故在不爲蟲魚所蝨豈非靈爽式憑乎于君憫

世溪心視鄭俠流  
民圖何多讓焉

明程廣起勅命

廣起爲鞏昌府推官命辭稱其英標卓識介節通才摛華藻於賢科擁皋比於鬻序察麗求中緣經飾治鞏昌襟帶隴蜀專以

德化招徠遂無西警等語其父母妻皆有命辭刻之墓道不可盡辨識錄其可讀者於此奉勅在万麻州四年父生員程從德母嚴氏再娶皆王氏

明安平知縣楊如棟屏書

眞西山云正己之道未至愛人之意不孚雖有教告民未  
必從如棟願與同僚各以四事自勉而爲民去其十害何  
謂四事曰律已以廉撫民以仁存心以公泣事以勤是也  
何謂十害曰斷獄不公聽訟不審淹延囚繫慘酷用刑汎  
濫追呼招引告訐重疊催稅苛罰取財縱吏下鄉低價買  
物是也四事中豈無當勉而未能者傳曰過而不改是謂

記十一下之上

金石

五十七

過矣十害万一有之當如拯溺救焚不俟終日毋狃於因

循之習毋牽於利害之私必期於去民之害而後已

此楊君  
書屏語

後人刻石安平志載其辭如此志又載万麻州八年八月知縣喬鍾秀刊置堂右朝夕  
觀省一則云案稟巡撫部院王勸諭有司實心愛民以興吏治憲牌照得本部院撫臨  
六郡要在察吏安民而賢有司惠養元元必須愛人節用漢史傳循吏止曰奉法循理  
事治民安使百姓安於畎畝之中而無愁嘆之聲而已自上失其道表率不端遂致下  
隳其官法紀不顧其中豈無賢者祇是少耳必啓發良心庶可貴成職掌特書一扁曰  
民之父母一聯曰愛民若子治郡如家縣曰治邑如家脾仰該道轉行該府發所屬州  
縣各刊置堂楹接目警心本部院誓以身帥永肩始終所望該道府同心共濟則六郡  
可望澄清矣畿輔通志万麻朝有保定巡撫王國耀州進士安平志營建門云比聯扁  
巡撫王國題  
附錄於此

明正覺寺碑

賜進士出身南京工部營繕司主事王應元撰文畧曰佛無相無名  
而說者曰佛之生也神撐金盤龍吐香霧地搖六震天雨四花則佛

有相矣於是名佛爲大聖名佛國爲淨土名佛法爲妙諦則佛有名矣故金人入夢漢  
明求之父母生身梁武捨之他如裴休了心山谷參禪丹霞迴途莫不射影佛壇棲心  
象教嗣是而後遍微塵國土一皆繪畫塗塑金碧莊嚴豈佛之空花水月足滌幻根凡  
愛流成海情塵成山者或景行而化也豈佛之金繩寶筏足渡迷津凡劫風焚宅苦海

破舟者或窺岸而登也豈佛之慧日慈燈足開覺路凡隋珠彈雀荆璞抵烏者或斂念而收也正覺寺自國朝正統三年人偶得石象於大馮營西南隅一時好佛者祠焉万厯三年重修之一二比邱朝焚夕叩命曰引人爲善人見其開青蓮之宇結白雲之居鷲嶽香城忍艸靈花亦以相爲相而緣相求福以名爲名而緣名造作万厯丙午更樹獅門側泐石求記余懼後之人徒見髣髴捐親託名尊佛而或不知衡氣機忍垢尤捐世紛葆性靈隨心自有佛者彼金姿寶相皆虛相也西方極樂皆空名也故爲著論如此

### 明靳公墓刻

文云誥封中憲大夫靳公諱載太恭人劉氏之墓孝子靳紹謙孝孫靳撰靳擢靳按靳撫万厯卅七年三月立

### 明王應元勅命

奉天承運皇帝勅曰國家仿虞廷建官而宏父諸曹尤重飭  
菑庀材理繁治劇任無南北之異人惟廉幹之賢爾南京  
工部營繕清吏司主事王應元器識恢閎才諳朗鬯彤廷  
一對巖邑再更挽荒歉以爲豐當繹騷而不擾爰推繕部  
俾佐司空爾營度如家爬梳若滌四知無媿百鍊愈堅茲

記十一下之上

金石

五十八

用授爾階承德郎錫之勅命昔人有官省郎而陳濟世策  
者况親當其任乎爾其度時籌用以贊厥長朕且有顯擢  
焉欽哉 勅曰詩不云乎教誨爾子式穀似之故子稱效  
職之勞則父獲教忠之報爾贈文林郎直隸揚州府儀真  
縣知縣王捧璧乃南京工部營繕清吏司主事王應元之  
父善積隱微惠流疏逖促齡澤永忘報福隆茲加贈爾爲  
承德郎南京工部營繕清吏司主事式被龍章之寵永增  
馬鬣之光 勅曰蓋誦詩來諗之詠靡依之嗟而知孝子  
之慕慈母有深恤焉苟可以慰其思國家豈有愛也爾封  
太孺人崔氏乃南京工部營繕清吏司主事王應元之母

衿鞶稟範圍史遵箴竭孝敬以奉尊章敦仁恩而聯庶子  
拮据壺政慰逝者於冥泉啟迪義方致藐孤于仕路握蘭  
有譽畫荻宜褒茲加贈爾為太安人匪徒為窳窳之輝亦

以慰蓼莪之感 万麻卅四年奉勅卅八年刻石

應元前為儀真知縣

有勅云儀真劇邑也官茲土者什九送迎拜起什一真為令治民事耳有能不以厨傳分撫字之勞者是有司之良國典所宜亟褒也據此知明代儀真為孔道大縣與今不同勅又云日者島夷跳梁其志叵測爾封邇海瀕江風物繁侈其紆長畫保障此方蓋勛以防倭寇也茲不具錄錄此勅知王君為吏所至有聲績應元與父墓各有墳記父墓云公諱捧璧先世居密雲後遷下博卜宅杏苑莊始祖子賢生仲禮仲禮生政政生釗釗生著著生公公慕義賑貧乏教誨諸子每異伯子曰顯吾家者此子也配崔氏能兼父母道卒教伯子為万麻壬午舉人壬辰進士授直隸揚州府儀真知縣贈公為文林郎封崔為太孺人伯子再任河南開封府鄆陵知縣升南京工部營繕清吏司主事遇徽号覃恩加贈公為承德郎崔為太安人伯子累升南京兵部車駕清吏司郎中湖廣承天府知府終於任葬溪州東郭不葬公阡者墓地不能加也公卒嘉靖四十年十一月年六十有七太安人卒於万麻二十五年七月年六十有三據此則崔少於捧璧二十一歲捧璧并非促齡勅語未審應元墳記云公諱應元字仁臣先世居杏苑莊後

記十一下之上

金石

五十九

居州城父捧璧以公貴贈如其官贈公弃養公方垂髫終喪發憤為學成進士任儀真知縣縣當水陸衝繁寢食不遑三年考滿荷恩命賜誥勅會太夫人弃養服闋補鄆陵知縣連歲救荒心力殫竭尋升南京工部主事提督修倉加賜勅命升南京兵部郎中未任升湖廣承天知府陵寢重地政事繁冗以勞卒官配賈安人公卒於万麻己酉六月是年十二月葬州東新阡享年六十六荆西道右參政蔣公鍾岳已為墓誌銘矣茲勒勅命於墓併記大畧案勅命墳記均應元子生員王之城分立於新舊二阡之城後為新安教諭見薦紳表

明鐵鑄孔子神座

文云万代至聖孔夫子神位旁注大明万麻四十一年四月廿一日義官楊從孝直隸真定府右衛人住溪州大屯

蓋鑄此神座人姓名也万麻四十四年郡人按察副使趙喬年撰關帝廟碑云陳二莊下博一巨鎮當事以盜賊出没屯兵於鎮而以衛官泣之謂之防守分司迄今卅餘年然則真定衛移屯溪州蓋在万麻初年此所云真定右衛人者是也孔子宋加至聖元加大成明世宗定稱先師今鑄神位稱万代至聖似委巷所為未達麻代典禮也

明饒陽近聖書院碑

趙忠毅撰文見名宦事中万麻四十一年立

明饒陽學田碑

知縣万獻策撰文見名宦門万麻四十一年立

明承德郎崔府君墓表

賜進士第承德郎南京戶部江西清吏司主事谿陽歐陽照撰  
公諱璵字玉吾世居安平黃城高祖崗由貢生任山西岢  
嵐州學正士人以山斗重之學正生文進陝西保安縣知  
縣知縣生俊山西絳縣主簿主簿生承祀嘉靖辛卯舉人  
公其次子也七歲孝廉君見背發憤成名万厯己卯舉人  
甲申授河南淇縣令歲飢盡心災賑以忤當路調簡竟歸  
歸之日貧民哭送滿路爲立去思碑庚寅補湖廣竹谿縣  
過舊治民謁候充庭至竹谿教民耕桑申以孝弟歲催糧  
三千餘兩積穀三百餘石額外火耗分毫不取癸巳升襄  
府審理正竹谿民愛公如淇罷歸林下十年潛心經典衡

記十一下之上

金石

六十

門自適博通今古名教砥柱壬寅八月七日卒配喬安人  
乙卯七月卒合葬黃城先塋男三人長向學舉人南直寶  
應知縣次向問廩膳生員次向思武生員女二人長適生  
員王德孚次適陝西雒南知縣王民皞孫九人鼎廩膳生  
員晟曇星冕昞昞昞昞皆能守成業照以部民遊公門下  
知公爲溪謹掇拾懿行表之墓道万厯四十五年

明史職官  
志審理所

審理正一人正六品由知縣推升王府審理正蓋名升  
實降故罷歸歐陽照自稱部民其云谿陽即竹谿也

明碧霞宮碑

碑在溪州南趙家莊諸生戴時珍撰万厯四十五年立其稱碧霞  
元君之祠始於宋眞宗明成化間改祠爲宮弘治間更名靈應嘉

靖再更

碧霞

明饒陽縣靈華閣題名坊記

碑天啓四年立撰人路陞書丹田唯嘉皆  
邑人篆額門洞開安平人路陞結銜稱翰

林院提督四夷館太常寺少卿其稱翰林院者提督四夷館初隸翰林院本其初而言也唯嘉結銜江西道監察御史洞開結銜工部虞衡清吏司主事文畧言由儒學循縣宅後抵城故荒落今舫一閣曰靈華右行人南北通衢今舫一坊鐫麻科鄉會中式人姓名於其上舫之者李侯諱肩華字元鎮河南汝陽人丙辰進士辛酉以卓異調繁去後爲禮部尚書郎閣成於万厯四十七年坊成於四十八年學博潘君士元陶君萬國史君可述主簿汪君守仁典史楊君應純皆贊成其事例得並書其可識者如此餘皆剝落難辨

明代好立坊其著在舊志者可考見一代文物茲臚列左

方 涇州 父子進士二坊 一御史尹綸子延綏巡撫尹嗣忠一苑馬卿劉璉子南京兵部尚書前吏部尚書劉

機璉賜商輅榜進士 繡衣二坊 御史劉俊劉瑄 世掌邦教 戶部郎中張文弼子 司城

兵馬司 貞節三坊 張琦妻楊氏劉伯麟妻張氏李棟妻周氏 憲臺濟美 山西副使張天馭祖贈 解

程楫 元 府尹 樞輔元功 馮保 都憲 戚畹 皇親徐禮 外臺持憲 僉事張文藻 孝行

孝子 秋官 主事王珉 祖孫尚書 戶部尚書兼太子賓客劉中敷孫南京兵部尚書兼太子太保劉機 孝子 王寧 大京兆

記十一下之上 金石 六十一

順天府 雙節 李東妻張氏子李光裕妻韓氏 武强 黃甲流芳 進士侯世卿 解元 歐陽 勅

封編修 歐陽倫 世科 舉人李鳳吟 聯科 舉人李鳳鳴 奉政大夫 郎中李長春 執法殿中

御史賈 封御史 賈巨 饒陽 鴻臚 成化初鳴贊路舉 進士 弘治丙辰耿繼玄 青宮侍從 嘉靖中詹

事府錄 北畿一隼 嘉靖乙酉舉人張文行 父子登科 嘉靖庚子舉人王文學子甲子舉人王命 恩綸三錫

万厯中贈太原府通判路綱光 祿寺監事路曙海州知州路曄 一代銓衡 吏部文選司郎中路陞 世贈秩宗 天啓間太常寺卿路陞祖

父贈太常寺 卿路綱路曄 柱史恩綸 天啓間御史田唯嘉父贈御史田茂春 安平 少司寇 大司

馬 大司徒 均景泰七年張鳳 桂林一枝 成化五年舉人呂鳳 世科三坊 成化十九年舉人呂鳳從弟呂

質嘉靖廿一年舉人劉昶孫進士劉鑑嘉靖十四年舉人崔承祀子崔璵 獨步 嘉靖二年舉人張木 成名 舉人張桂 亞魁 舉人王如綸 鶚薦

鵬程 舉人黃金均嘉靖十二年立 進士四坊 嘉靖十四年彭相張世亨廿一年劉鑑廿九年王如綸 綸音褒德 贈員

外王 褒封 刑部主事張天秩 大諫議 万厯八年禮科都給事王三餘 義民郭宏之門坊 正統七年

**明三官廟碑**

碑在涇州大魏村天啓四年立諸生王芝撰其稱三官之神云上元賜福天官中元赦罪地官下元解厄水官蓋道家之說又東李村三元觀万厯十三年按察副使武强賈如式撰碑亦稱天官地官水官與此碑同

**明劉可興父母墓刻**

明吏部冠帶省榮劉公配孺人張氏墓其碑陰可興自爲四言詩述其父母遺事天啓五年五月上石

**明安平知縣周公德政碑**

碑今亡周公名士琦事見縣志志云士琦片言決獄剔釐五十年糧弊愛民訓士蓋碑中語士

琦天啓六年任

**明趙參議神道碑**

碑在起鳳莊參議名喬年文云賜進士第中憲大夫山東按察司副使兼右參議趙公神道無年月考天啓六年福勝寺

碑喬年列銜其卒當在崇禎時

**明塔院寺碑**

碑在安平大寨崇禎七年立賜進士第儒林郎翰林簡討王鐸撰不著書碑人名氏碑云寺宋時開山內府庫太監翟鳳鳴修葺鐸

崇禎十七年三月召爲禮部尙書未赴見明史七卿表後仕 國朝

**明光祿寺珍羞署署正張雲鳳父母勅命**

雲鳳父太學生汝梅母种氏崇禎三年奉勅八

記十一下之上

金石

六十二

年立石汝梅勅詞有云聞爾常雩禱於鄉甘澍立應爾嗣爲一邑甘霖猶其餘也張仲既褒於孝友留侯何歎於仙遊蓋雲鳳由知縣遷故云

**明聖惠井記**

縣志明崇禎間邑人路太常於城外東南隅設藥局得井有博銘云藥局太平聖惠井清化壬辰平章昉十四字太常因作井記勒

石並博藏井中舊志無刻記年月路太常路陞也陞由太常少卿遷正卿改南京大理寺未逾月卒其爲太常少卿在天啟時見雲華閣碑此稱太常蓋崇禎初年也十二年唐順徵修城碑則稱路廷尉矣

**明謝署丞墓刻**

署丞名師教文云明欽差督解山海關軍器光祿寺掌醢署丞丞謝公諱師教字虛衷別字省吾生嘉靖丙寅年十一月廿一

日終崇禎丁丑年十二月十九日享年七十有二葬棗科村之西原南向案墓刻無年月謝公卒年丁丑崇禎十年也以十二月卒墓刻當在十一年

**明涇州忠烈祠碑**

祠崇禎十六年奉勅建州人郭載駮撰碑事見雍正志碑今亡祠祀贈太常寺少卿知州孫士美知州李燭州判劉

沛然吏目朱春芳熊國俊學正任尹訓導劉名言侯度昭王孟夏兩廡坵祀舉人呂叔成王呈禎田如墉王允昌田如坻田如阜每歲仲春仲秋上戊日祭案是時徇節訓導凡三員

**明吏目李公功德碑**

碑崇禎十七年立額云三守秦中李公結銜欽差分守汝南道駐劄南陽府布政司右參議郭載駮撰碑不可

識畧言李公禱兩立應因頌其當戊寅變後長於緝盜威稜奪人深知孫吳兵法公雖三秦人久居都中交名人知世務三守徵秩耳能如此因廟而祀之友人張君鳳翽求文故爲之記李公何名亦不可辨舊志吏目李文弼秦中人崇禎十三年任能治盜賊民爲立碑紀錄此云三守蓋吏目之別稱故曰徵秩此其李文弼碑與

### 明程推官墓刻

推官名廣起文云明勅封文林郎陝西鞏昌府推官程公之墓不詳立石年月程公萬曆十六年舉人卒當在崇禎時

### 明吳氏先墓記

世人自一命以上無不矜己才美至於先人世積之功德傳家之厚善未嘗一言及之不知當身之文繡先人之儉衣衣我也當身之膏梁先人之菲食食我也余自襁褓夙承庭訓聞與伯叔羣從談論動曰某祖能忍讓某祖能恕能勤某祖好儉朴數世來兄弟無鬪墻也族黨無爭競也閭井無訟世業無蠱追溯遷居徙瑩至今蓋七世矣始祖

記十一下之上

金石

六十二

諱進忠妣何氏李氏明朝定鼎前居東南護駕林林有吳氏舊瑩派別不可考尙傳有吳彥成彥禮二公迄今族老人猶率眾春秋祭掃會渦村之吳忠孝傳後耕養治經其來已久蓋自護駕林別遷也不肖從誨治曹時百務旁午中拈筆書此非徒殷薦先靈正欲貽謨後昆吾子姓尙其勉旃無負祖訓崇禎十七年仲春山東曹州知州吳從誨

謹述

從誨自懷慶府通判遷曹州見薦紳表人譜



大清明倫堂卧碑

涿州風土記弟十一下之下

朝廷建立學校選取生員免其丁糧厚以廩膳設學院學道學官以教之各衙門以禮相待全要養成賢才以供朝廷之用諸生皆當上報國恩下立人品所有教條開列於後 一生員之家父母賢智者子當受教父母愚魯或非爲者子既讀書明理當再三懇告使父母不陷於危亡 一生員立志當學爲忠臣清官書史所載忠清事蹟務須互相講究凡利國愛民之事更宜留心 一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其

記十一下之下

金石

一

身常宜思省 一生員不可干求官長交結勢要希圖進身若果心善德全令上天知之必加以福 一生員當愛身忍性凡有司官衙門不可輕入即有切己之事止許家人代告不許干與人詞訟他人亦不許牽連生員作證 一爲學當尊敬先生若講說皆須誠心聽受如有未明從容再問毋妄行辨難爲師者亦當盡心教訓勿致怠惰 一軍民一切利病不許生員上書陳言如有一言建白以違制論黜革治罪 一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

右碑所列學規饒陽安平二志並載其文饒陽志云順治九年令直省刊立卧碑於明倫堂左安平志則云順治十二年二月禮部題奉 欽依刊立卧碑曉示生員蓋饒陽紀頒令之緣起安平載題覆之定議也吾撰學校志以爲 國家功令非一州縣所宜私今以入之金石者碑閱二百餘年多已剝落不敢聽其湮沒也饒陽志云明洪武十五年所頒卧碑條例與此大同小異故弃彼錄此我 朝開國諸臣不能創議教條乃至一襲明故是負 主上委付不盡心議事之失要其戒示諸生畧已明備今洪武卧碑已亡專恃 國朝所刻士人

記十一下之下

舍石

二

尚有所遵守其末二則不許建白利病不許立盟結社刊刻文字把持官府蓋深有鑒於借公濟私下流訕上諸弊習故垂爲大戒若以今日歐美各國務伸民權之義論之則皆所謂君上之壓力矣

饒陽甲申城守記

知縣劉世祚撰城守事具見兵事武節二門不重錄碑在饒陽南門世祚順治二年任

饒陽尚友堂記

尚友堂爲廣文閭先生建也先生余鄉之賢人余生晚去先生百五十餘年聞之先大父先君子先生諱鎬臨清著姓名弘治戊午舉於鄉貞以植身敏以振業初諭饒陽再訓寶坻口授五經辨析疑難執親之喪遵用古禮寢苦枕

由三日不食遘疾而沒後以子貴贈諫垣從祀廟庭嗚乎  
人生旦暮耳必有不可及者始爲不媿又非瑰意畸行離  
世絕俗始爲不可及也惟君臣父子之間出處險夷之際  
隨其所履秉至性孤行皆有不可磨滅之精神不可移易  
之力量無求人知無徼後譽顯晦貴賤皆所弗計雖當世  
無知而屹然如山岳炯然如日星沛然如江河千百載之  
上千百載之下無以異也況在百數十年之間乎余未得  
爲先生徒適仕先生官所建祠禮謁用志景行後學劉世  
祚記

文不詳年月其云從祀廟庭者謂  
祀名宦而名宦祠在孔子廟中也

饒陽修城碑

記十一下之下

金石

三

碑結銜詞林國史館庶吉士太史武城張丕吉撰齊雲  
山人文觀集晉右將軍王羲之書碑剝落不可識畧可  
讀者云先是城值太甯塗附而堞之若室家之繚垣然  
既而陸梁蒙茸所在告嚴睢陽唐公亟易以塼三月報  
成既粹且薄甲申夏土寇攻劫七日夜礮石交集漸就  
柔脆客歲靈潦亟葺亟潰一旦崩隕七十餘丈使君輒  
籍泆歲俸鏹又勸篤義紳士合若干緡庀材鳩傭手自  
綜畫茲竟成矣使君諱世祚山東臨清人其可辨識者  
止此餘皆不可辨年月亦模糊文云客歲靈潦據潞州  
舊志順治二年六月八日疾雷颺風後大雨數日四河

並漲漂沒田廬饒陽志云三年麥秀兩歧三歧碑云客  
歲殆謂二年文當是三年作睢陽唐公知縣唐順徵也  
睢州進士明崇禎九年任縣志云城嘉靖中知縣楊東  
山築崇禎丁丑知縣唐順徵改脩塼城高厚均倍舊城  
敵樓礮臺甕城重門池隄木寨靡不備具此碑譏其三  
月報成既猝且薄與縣志歧異又志云楊東山始築正  
德修城記不及東山而正德中仇相修城有碑可考志  
亦不之及也其外隄万厯時知縣李守眞創築者植柳  
三千株於是柳隄環翠爲饒陽八景之一後亦無人繼  
續劉世祚所修城僅七十餘丈是後至乾隆間單作哲

記十一下之下

金石

四

修志時已百餘年中間不見修城之役又幾百年至道  
光廿八年知縣王蘭廣始葺城濬隍逾年乃成蘭廣自  
爲碑記饒陽土斥鹵城不能久支不壞蓋隨時修補當  
不乏人惜無文字可考見耳光緒廿六年畿輔擾亂於  
是知縣汪寶澍復行修補自唐順徵改甃塼城其後城  
塼久已廢失今所存仍止土城

安平思補樓記

余於乙酉閏六月奉 命來安平敗壁積垣蓬蒿奪目如  
入無人之境是歲大水滹沱汜濫上淋下浸拳曲殆不可  
狀議構正樓三楹不獨避風雨也安平素稱盜藪前官數

遭鼠竊且門有鼓樓堂左有庫樓後宅夷然若墜不相稱  
宜此工殆不容已繼又自維念寇禍初平驚鴻乍集方綏  
定之不暇安忍騷動丙戌春又多雨時岌岌有巖牆之患  
遂定議興役或謂官爲傳舍時值三春勞民妨農無乃不  
可余謂苟以傳舍存心則無往而不傳舍貽誤滋大往時  
東魯孔公功垂不朽崇祀名宦所營東書房三楹於今戴  
其覆芘彼豈不勞民而成者哉大氏民力有必勞有不必  
勞官事有可緩有不可緩余爲此樓後君子引而申之其  
於安社稷理人民不外此道也是役於三月廿六日興工  
四月十五日落成凡屋材悉余捐金止用民一日之勞爲

記十一下之下

金石

五

公家永遠之計至如倉有糧庫有銀獄有囚廊有卷皆隨  
時修葺稍已改觀又用木架小棚高三丈許令家僮鳴更  
司夜以控制鼓樓城樓諸更夫採聽城中響動亦明耳目

之一助也是爲記

樓知縣趙昭順治三年建記當亦是年作記中未及名樓之義似是缺畧趙又有請止商鹽一事安平在明世屢請除商

鹽舊志順治二年大司農英國公堯岱嚴禁小鹽通行官鹽知縣趙昭大聲請命終以新法森嚴不許趙公引爲已咎云云自是以後鹽爲國家大經大法不可撓阻矣  
安平縣宅大門順治十二年知縣許守仁重修康熙廿四年知縣陳宗石重修後堂即所謂患立堂也宗石自爲記曰余於癸亥小春涖任安平念家傳清白世篤忠貞今謬叨民社敢不竭駑鈍以答君親孔子有言不患無位患所以立旨哉斯言即名其堂曰患立庶幾顧名思義以求所以立也或曰患之一言仕宦所惡子何取乎余應之曰于不聞孟氏生於憂患之說乎遂顏之康熙廿四年知縣陳宗石記廿六年宗石兄維岳又爲一記畧言吾弟十三喪父走依婦家於商邱飄流佛鬱卅餘年所謂生於憂患也患有善不善患所以立患之善者患無位患得患失患之不善者吾弟能擇所患則其不罹於患也不難矣

涿州廟學記

奉直大夫知涿州事今陞永平知府瀋陽朱衣助撰  
予性闇才疏勉事儒業 眞龍奮飛家君一入瀋陽拔用  
計部不佞以髫年謬列諸生側聞詩書禮樂之義 天子  
定鼎盛京家君授濟甯監司未二載遂膺海防節鉞予尋  
章摘句未窺堂奧恭逢 國恩令三品官之子侍衛旋出  
守博陵謁禮至聖先師尊嚴如在覩其廟宇廡楹之制閔  
大溪遠則知博陵人才禮義之盛顧傾圯十之六七愴於  
心者久之私議興役修補皆慮時拙舉羸因訪之兩幕員  
則曰修舉廢墜此固有司之責况先聖宮廟甚盛舉也於  
是購木百十章磚瓦各二万計白堊八千餘觔糾匠役十

記十一下之下

金石

六

餘人兩幕董其事迨後賢紳士各捐已貲得銅幣十五万  
助予力之不及工未竟適予有量移永平之 命將離此  
州不能告竣恃高賢繼後共成是舉若夫輝煌改觀則以  
待後之君子順治八年仲秋

此碑後列學官州判吏目并郭載駮劉景雲等銜碑陰所列文武吏士共二百五十

四人朱衣助  
事見名宦

涿州修學紀事碑

康熙十八年六月立見雍正志先是故明時知州李鴻劉應民皆嘗增拓廟地及康熙八年學正趙吉徵既捐購廟東偏

地爲馬道又徧修内外堂室門牆始朱衣助前任三奇已嘗修大成殿衣助後順治則韓志道康熙則張泰階泰階之修學皆趙吉徵之力也吉徵前學正尤子麟嘗修東西廡而吉徵功役最大廟工既徧又修更衣之亭禮門義路之坊魁星之閣皆創建也吉徵後修學之功則雍正時知州徐綬最著蓋學使吳應棻倡捐啓之凡吉徵所修自名宦鄉賢祠外綬皆續修之其明倫堂東西齋房則吉徵後李天培續修之後則圯矣天培嘗修明倫堂其齋房則功役所兼及後乾隆廿六年知州鄒雲城修學自撰碑記畧言承乏茲州見學宮級輒斷缺棟楹腐黑撓折謀之廣文王君縉談君嘉謨倡捐與修助者有紳士鄭兆麟馬琰李溥趙飛熊劉沛然史文譽馮士濬馬際伯戴光燿律應鍾

李愈龍石斯容等不一載廟兒煥然初時坊屏近逼市廛今退移數武於舊坊屏之地爲牆隔囂塵使喧寂有界云五十五年知州徐炎又捐貲修補嘉慶廿五年知州張杰復修之自雲城炎杰所興修役皆不甚鉅故道光修學碑皆不之及而獨舉雲城前知州徐綬綬修學事無碑記道光修學碑者侍郎趙盛奎所撰也道光十八年知州李德修學請盛奎爲記盛奎結銜光祿大夫總督倉場戶部侍郎軍機大臣碑畧言州學自前代至今垂五百年雍正十六年前知州徐公綬重葺後厯百載李侯來蒞是邦謀新文廟州判薛君行恭學正鮑君璐訓導董君式謨千總蕭君飛熊吏目錢君光曾會同勸捐得錢若干自二月至九月而工始成李德後爲山東巡撫入國朝以來修廟學者多獨朱衣助鄒雲城李德三人有碑此三碑文獨李德非其自撰

### 涇州復學田碑

碑順治十三年立乙未進士山西和順知縣雷湛撰文涇州訓導今陞易州學正李廣生書丹碑字多漫滅畧言余與茹君同

都邑同舉於鄉相好也癸巳之歲以試事相遇於鎮見茹君持牒自通於學使者余詢之則曰此所言學田事也博陵學田舊若干畝爲豪民所侵據吾將取而復歸之學越明年甲午復以試事相遇於鎮則學使者牒下如所言地既歸則籍租入以給諸生之貧不能昏葬者老疾不能具藥餌者有餘則盡取以爲會文之費茹君一無私焉博陵學舍自明末罹兵燹僅存者三楹耳因其舊基而新之州佐邴君獻宸率夫役助之自寢室齋舍以及倉廚莫不具備余謂茹君所爲既就矣蓋志焉茹君曰不可始蓋慎勉以圖而廢壞之則甚易缺而不記能保其後不復廢壞乎且邴君之美不可以無傳也甚難而廢壞之則甚易缺而不記能保其後不復廢壞乎且邴君之美不可以無傳也

### 記十一下之下

金石

七

遂記之使鑄諸石以詔後來者茹君名鄂侯字伯起籍金臺其先江右人署涇州事州判今陞巡視中城兵馬指揮使司副指揮關東邴獻宸立石雷湛通州人後官戶部郎

中見畿

輔通志

### 涇州大士堂記

碑順治十三年九月立初在舊州後移州西門賜進士第判涇州事前江南蘇州府推官岳陽沈以曦撰碑後列銜有奉直大

夫知涇州事關左韓志道吏目童光紹儒學署學正事舉人茹鄂侯訓導李廣生暴雲程賜進士第任山東濟南府推官李振春等碑畧言韓公省刑敦禮三載政成於是葺學宮修蕪萑亭浚治城隍飭備郵館百廢具舉乃涓俸倡修此堂又稱韓公言大士之靈薄海欽信若冥祥記法苑珠林諸編所載吾皆得而聞之云云今考明人寺廟諸碑往往能言道釋理趣國朝則少見矣故於諸碑慎取焉此知州所倡修而州判爲文不可以不列也順治八年學宮碑訓導止一員此碑二員者是年復學田碑李廣生已陞易州學正與暴雲程蓋新舊任也

### 涇州藏書樓碑

順治十四年五月立見雍正志樓學正茹鄂侯於明倫堂後建

### 知州王公去思碑

碑今亡事見名宦門王公名維新順治十四年任十五年去

### 涇州明倫堂碑

順治十七年六月立見雍正志

故明許州刺史張公墓誌銘

祁州刁包撰

余往歲網羅先正遺書遠邇稱畿南文獻家輒首博陵張公蓋公孜孜以積書爲事若世人之積金積粟然自二十一史十三經百家諸子天文地輿律厯兵刑下逮星相醫卜之書罔不犁然畢具予遣門下士苑玉人往借公欣然發篋付之詢公起居則矍鑠無少倦無何楊子計公介苑生以公墓文請余駭甚蓋借書未幾而病病未幾捐館舍矣公諱爾庚字應白斗隣其自號也曾祖木與弟桓從父弟桂咸舉於鄉木生効効生圻圻爲廩膳生性方嚴人擬

記十一下之下

金石

八

之陳仲弓王彥方公之考也年四十始生公公生有異質英敏博達年二十登万厯丙午賢書爲滑縣學官學使馬公所至索劣生公抗不奉命馬公怒曰滑無劣教官功邪對曰曷敢爾士弗若於訓有夏楚在欲上聞是絕其自新也若求巨姦大憝果無有馬公嘿然其剛毅類如此遷知南陽之鎮平縣以教化爲先演六諭作訓誥俾知書者朗誦之愚夫聞而泣下如陸象山之講鴻範於上元也興賢毓才輕徭薄賦無事鈎距而摘發如見無事搏擊而畏威若神遭天災無麥禾首捐穀五百石延富人於庭稽首爲民請命富人欣感爭竭藏以待發全活以億萬計擒治巨



盜當道比之渤海朝歌云進刺許州其治一如鎮平會司  
李憾公媒孽於巡道崇禎四年大計遂解官歸先是許有  
諸生丁際明司李以私憾繫際明于獄數諷公實之法公  
陽若不喻其意者曰濂溪誓不殺人嬖人吾敢得罪先賢  
乎夫人亦曰此關君名節無官何傷理其冤而釋之司李  
繇是憾公也公歸以園圃自適與饒陽路大理陸涇州張

鄢陵

雲鳳

同縣門工部

洞開

爲率真會飲酒賦詩衣冠偉肅髯

睂浩然見者以爲有洛下遺風順治四年大中丞郝晉以  
先朝遺才薦趣就道堅卧不起久之卒年七十有二公博  
聞強識讀書至老不休所著公餘詩稿野獲草質草秋日

記十一下之下

金石

九

漫興讞畧安輯事畧藏於家配呂氏子二念祖鄉進士景  
陵縣尹念聖諸生父子兄弟並能文人目爲後三張以某  
月日葬公祖考之墓次夫人呂氏祔銘曰

骨骯髒夙自期弱冠年薦明時初委贄爲經師持大體能  
正辭宰百里聲四馳歲告凶務振施禽大盜百有奇擢許  
牧或阿私見幾作仕奚爲居林下無斃思書萬卷寄酒詩

膺新命善爲辭張氏阡永勿隳

公原配呂氏已具列女事中茲從刪節刁包字蒙古國史儒林有傳蒙古吉所纂有鄉

賢錄斯文正統等書故有網羅先正遺書之事郝晉順治二年由刑部右侍郎遷兵部右侍郎兼右僉都御史巡撫保定見東華錄碑云人目爲後三張者舊謂張孟陽兄弟爲今安平人謂應白父子足繼之也舊志稱應白工詩稱念祖詩似李長吉其父子詩載舊志者應白秋日漫興五律三首其一云夢轉百思動擁衾聞遠鐘疏牕曉色冷孤榻野情濃善病癯猶鶴難馴性自龍勞生多感慨懷古將奚從其二云下榻習僧定心花猶怒開吟聲驅剝啄月氣淨塵埃識澹生奇理局新困散才吾甯用我法身世不須猜其三云所樂不知倦

攤書輕夜分績聲屋號月農課野盟雲詩壘駭勅敵酒功策半勛關身甯許事世態厭紛紛又有明妃曲二絕句其一云當年絕世一佳人何得全憑畫裏身自是君王不重色故將傾國遠和親其二云掖庭咫尺棄長門豈獨穹廬足斷魂金屋何人煙草沒得名千載亦君恩念祖有弔禰衡墓詩云瞰江大沙墳左右龜蛇麓劈勢抵威流力不藉山谷訝彼陽侯怯巨靈未可勦云是作賦人鸚鵡洲邊伏碧血漬黃土頑狂堅地軸舊性戰魚龍猛於錢氏箴晴日照心白怒令噴江瀆芷火拒潮迴明滅鬼神哭禰生漁陽弄譜入濤聲蹴曹瞞久已死黃祖已成戮銅雀三臺高碎折濁漳腹又有唐馬障子歌云王良挾策牧天上龍膺豹股色色壯驅下白雲教追風流影落我錦屏障細捫鵝溪八折縵影中筋力灑血汗是誰舐筆和鉛朱若非曹霸即韓幹蹄踏飛湍竹批耳一嘶磧沙四面起拳毛無數老奚官攀駿搏鬣勢未已耽耽虎視怒而瞋自然龍性不能馴屏之所見今如此天閑十萬誰能神其古別離律詩云那禁一日別隔此万重山渭北春空渡遼西夢是閒更知天盡處猶在月明間縱有思鄉淚東風寄不還又梁上燕絕句云梁堆明月影泥砌落花風不守年年舊徒勞處處空念祖諸詩雖不似長吉才自高適其弟念聖亦能詩有同楊計公謁刁蒙吉先生詩云三年曾有約今歲始能復攜我同心人登龍展私淑入門炙道兒閒庭一何肅先生抱道深元氣如可掬正議迴狂瀾恥與時賢逐聖也慧而狂意行無邊幅三日坐春風句萌學草木吾道寂無人名高實未副洗耳聆鐸音談經繼白鹿又有折花行次韵答邑侯李金章詩云紫皇佞我煙嵐裏斗酒雙柑或庶幾霧暖風柔潑火天一簾翠藹芊綿起有花含笑向初暄喜欲婆娑嬌欲言輕紅點點新霞錯未倚雲霄先倚垣雷紋翠觚具金屋綽約不復煩膏沐蓓蕾何如燦爛時含情脈脈噴微馥活色生香第一花參差數朵映窗紗花之董狐有公是

記十一下之下

金石

十

嘗云門清不鬥奢又和梁大司馬玉立先生秋懷韵一律云蕭瑟復蕭瑟天如示我愁傷心聊對酒善病况逢秋榮落花經眼因循雪近頭清暉昨日滿今夜又如鉤張氏父子兄弟詩才如此不負後三張之目當時各有詩集今皆散佚矣收采數詩貽餉來學

曹州知州洞如吳公墓誌銘

矍鑠吳公久於諸生而能固窮晚舉孝廉倅懷守曹劑寬與嚴既奕自懷亦惠于曹頌聲孔諧厥績允嘉爰有內助以型其家歸老博陵義方而裔眡子及曾銘幽弗淪在懷

與曹尙有貞珉

右文高陽相國李文勤公壽撰舊志不載全文僅見此銘詩亦不著年月舊志云年八十冢孫本植成順治戊戌進士又二年

而公卒是曹州卒在順治十七年誌當亦是年作

明河南布政使司分守汝南道副使兼參議郭公墓碑

公初諱奮騰字御青明萬厯己酉舉人崇禎丁丑改名載

駭選授河南懷慶府推官升四川成都府同知未任升河南府知府累升七省監軍道改河南分守汝南道副使兼參議 大清定鼎納印投誠歲越一紀端坐壽終順治十八年仲春承重孫紹美勒石

郭公事見名臣門

聖祖仁皇帝御製訓飭士子文

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棫樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭

記十一下之下

金石

十一

爾諸生其敬聽之從來學者先立品行次及文學學術事功源委有序爾諸生幼聞庭訓長列宮牆朝夕誦讀寔無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言挾制官長或隱糧包訟出入公門或唆撥姦猾欺孤陵弱或招呼朋類結社邀盟乃如之人名教不容鄉黨勿齒縱倖脫褫扑濫竊章縫返之於衷寧無媿乎况乎鄉會科名乃掄才大典關係尤鉅士子果有

眞才實學何患困不逢年顧乃標榜虛名闇通聲氣夤緣  
詭遇罔顧身家又或改竄鄉貫希圖進取蠶陵騰沸網利  
營私種種弊端深可痛恨且夫士子出身之始尤貴以正  
若使厥初拜獻便已作姦犯科則異時敗檢踰閑何所不  
至又安望其秉公持正爲國家宣猷樹績應後先疏附之  
選哉朕用嘉惠爾等故不禁反復惓惓頒茲訓言爾等務  
體朕心恪遵明訓一切痛加改省爭自濯磨積行動學以  
圖上進國家三年登造束帛弓旌不特爾身有榮即爾祖  
父亦增光寵矣逢時得志寧俟他求哉若乃視爲具文玩  
愒勿儆毀方躍冶暴弃自甘則是爾等冥頑無知終不能

記十一下之下

金石

十一

率教也既負栽培復干咎戾王章具在朕亦不能爲爾寬  
矣自茲以來內而國學外而直省鄉校凡師臣師長皆有  
司鐸之責者並宜傳集諸生多方董勸以副朕懷否則職  
業勿修咎亦難逭爾多士尙敬聽之

右文康熙四十一年頒各學皆  
經勒石今皆漫滅惟饒陽志恭

載全文  
謹照錄

署州事鞏公去思碑

鞏公名邦畿真定同知順治時兩署州事其再署  
任在十八年碑殆康熙初年立今亡事見舊志

武强修學碑

知縣李道光康熙二年任脩學即在是年碑李自撰臚舉麻代祀典  
云立廟始唐高祖遣官釋奠始太宗樂用登歌始宋仁宗冕旒十二

服飾九章執用鎮圭始徽宗又魏祀辟雍晉祀四時隋四仲釋奠唐四時致祭皇太子  
釋奠宋廟門立戟元加大成明頒大成樂器登極遣官祭告闕里駕幸太學釋菜春秋  
二祭用太牢舞用八佾案明改稱先師不用王爵正名定制最爲  
允協碑不及之似是疏漏司鐸孟君教諭孟仲會也順治九年任

及康熙卅三年御史張星法以家財脩學自爲碑記曰

武強廟學燬於金復於元增擴於前明中葉我朝定鼎一修於順治七年再修於康熙二年迄今閱卅載頽墮日甚歲庚午余坐劾大吏謫官歸里勉圖修葺基墜整廡傾完築若明倫堂若東西兩序若啟聖祠皆重建若奎光樓名宦鄉賢祠若櫺星門儀門戟門亦次第增修積歲踰時釋奠釋菜之地庶幾嚴如翼如而棉力且駸駸告瘁禮器樂器姑俟續補聞之國運視乎人才人才本於學校今天子崇儒重道幸闕里謁先師發帑數十萬金勅有司相曲阜廟工悉舉而更新之閱溪偉麗輝映日月御書萬世師表廟額頒布環海鬻宮方是時章縫幽潛之士莫

不鼓舞歡忻沐浴於文雅涵濡之內王化聖功並驅而暨乎率土武強雖小亦畿輔近邑苟聽任廟學摧敗而弗之治非所以對越聖賢廣朝廷勸學作人之德意也竊不自量竭南畝之資謀於縣大夫洗公而拮据從事焉雖聖道明晦無關廟兒廢興而士氣張弛或繫宮牆隆替甯僅肅觀瞻充饗祀沾沾以一夫之力自多也哉吾黨諸君子共勛於家脩廷獻之業出者樹尊主庇民之功處者崇正誼明道之學總期無忝於孔子門牆不佞將翹足而觀成焉事竣敬勒之石洗公諱國幹廣東南海人資其工者余兄浙江甯波府知府星耀侯補主事星輝榮授冠帶星潤

余弟侯補行人司司副星閣也山西道監察御史張星法

記

庚午康熙廿九年所劾大吏山東巡撫錢瑀也張公劾其貪黷瑀疏辨謂左都御史郭琇曾詒書屬薦即墨令高某未聽遂使御史誣劾事下法司法司以公劾奏不實

琇實嘗致書奏上詔公降二級留任郭琇降五級調用郭尋休致公亦調外於是公告歸獄在廿八年見東華錄云庚午者據歸里之歲而言也 國朝記修孔廟者多以崇祀孔子爲義此非所以尊聖人也士不知學雖崇孔廟至於天何益張公此碑歸宿於勸學其識至卓偉當時直隸巡撫郭世隆亦撰一碑畧言世人崇飾僧道宮觀不問孔廟康熙壬申 天子發帑十餘萬勅修闕里宮牆郡縣守土奚可不上體 宸念監察御史張君星法讀書窮理一門孝友立朝則勁氣嶽嶽詠歸則河潤粉榆慷慨好施隨多寡輒盡目擊庠序榛蕪癸酉之春不告於朋友不謀於鄉黨獨任巨工雖稱貸不惜使朱丹雘傑壯麗崇閣自此橋門雍肅泮水澄清余故樂爲之記其稱揚張君殆非過譽其紀述廟工亦徒欲崇奉孔子無興學明道育才之旨趣也癸酉康熙三十二年其後道光十年知縣翟慎行修學亦自撰碑記言道光三年來令見廟圯壞欲請帑興修午未兩年迭經水患繼以南河隄潰西域軍興未便遽請九年以秩滿去旋復泣任斯邑遂倡捐修舉與廣文梁君遵誥劉君相少尉成君瑞謀之紳耆釀七千餘金經始舊春二月至今四月告成蓋自張雁涓侍御昆季捐修迄今百卅餘年矣

武強則學軒記

軒爲知縣李道光所造記亦李自撰康熙五年刻石文云癸卯仲秋來泣茲土前人屢劫累殞不才弱蚊負山甲辰肥蠶爲崇

記十一下之下

金石

十四

乙巳條蠹先至草枯木焦黑輪繼至四野汪洋三載以來水旱頻仍己溺已飢鉛槧無地丙午年頗大有聊構斗室字曰則學軒

安平崔服之墓誌銘

積於其肖者富受于其官者嗇嗇于其身將大於其子若

孫則積者靡不收而嗇者不必得以茲授石光恆赫赫

銘載縣志

全文已佚撰人管閣安平知縣見職官表文無年月服之名冕事見吏績康熙十年爲廬江知縣十一年卒管閣十二年任安平誌當十二年歸葬時作

贈內秘書院檢討吳公夫人墓誌銘

誌閩人富鴻業撰文已畧載列女事中鴻業與贈公子本植同

年進士本植丁內艱時爲司成在康熙八年誌蓋是年作云贈內秘書院檢討者 太宗天聰十年三月改文館爲內三院曰內國史院曰內秘書院曰內弘文院撰饒陽城碑之張丕吉結銜國史館庶吉士蓋選入內國史院本植爲檢討則授內秘書院其初爲庶吉士則選入內弘文院見冉覲祖所撰墓表本植三子玠璠珊作誌時止二子誌云天佑天申蓋皆小字其銘云安平之麓靈氣滋佳城葱鬱體魄依千年合兆同歸期倫紀賴以爲綱維綿綿瓜瓞昌本支陵谷時變銘不移

涿州黃貞婦旌節三碑

碑縣府道各一貞婦洪一綱聘妻至夫家守志事具列女卒年五十八立碑當在康熙十三四年

饒陽教諭胡先生德教碑

胡先生名一鵬碑康熙十六年立文已見名宦結銜賜進士出身承德郎升北城兵馬司指揮

前知饒陽縣事林堯英撰文賜進士文林郎知饒陽縣事張象翀篆額文林郎知縣改署饒陽縣儒學教諭張友黃書丹

武彊張庚生墓誌銘

墓誌高陽相國李壽撰見毛奇齡所為張贈君傳誌今亡傳畧見名臣門張星法事中庚生名鎮其卒年無考傳言予與同年生龐君共事纂修龐君稱贈君行義又讀高陽相公所為誌毛以康熙十七年鴻博入翰林其任纂修在十八九年李誌當亦此時作傳又言贈君急人難一如身在湯鑊中東明袁編修名士也不得於縣令追捕四出贈君藏之廣柳客養之助辦裝入都下編修由是離阨發名

安平李孝子一碑

右二碑在安平白沙莊一靳閻然撰文載縣志無年月一武韓撰今採得者康熙廿一年立二碑當同時孝子名允正字

正公安平諸生靳碑云年近知非寡母告終築廬墓側恨終天之難再悲此身之尚存親知過而垂淚桑梓傳而噓歛邑侯李金章明府式廬饋粟贈禮經一部謂曰子有至性未必悉達乎禮也讀此庶可無憾命鄉老一人夜火相伴孝子辭謝曰不孝卧廬聊贖咎也敢擾父老為鄉之人賢孝子并賢李侯武碑云李氏其先唐宗室之裔明永樂間有思敬者自小興州遷安平傳四世有仕為別駕者曰某又五傳至蒙知好施與蒙知生拔為諸生娶江氏生三子孝子其長也孝子事父一飲一食必求當親意病則謹醫藥夜泣禱求增父算縣人為箸孝子實錄父終以母在不廬墓後廿年母卒泣曰吾二親偕往矣自今不復承事膝前矣遂廬墓側苦由哭奠三年如始死邑侯李公詣廬饋粟名公賢士為詩歌聯為大卷孝子二弟允昌允恭友愛無間子珂

記十一下之下

金石

十五

武彊義學田碑

碑康熙廿二年立學在邑治西諸生郭峻建施田五十五畝事見縣志後康熙卅年知縣洗國幹立二義學皆有碑記碑今皆亡

安平知縣胡公去思碑

碑康熙廿二年立靳閻然撰文載安平志畧言胡侯學重鄉約除雜派平鹽價禁飲博捐貲代民供灰車負債而歸侯諱宣字文生浙江山陰縣人所謂灰車者康熙十八年太和殿災十九年新建寶殿部行直隸撥取頭口七百五十又取一車駕四頭口者二百一十輛載送灰勛大吏議將頭口派順永保河四府車輛派真順廣大四府迨殿工竣事真定等府尚存灰車一百輛各屬輪流供應鄉民不諳應役須由車戶承攬謂之攬頭每一車派運灰十二萬勛部給腳價不敷又私給攬頭費用於是一車費及百餘金安平灰車七輛胡公自出私財供辦不以累民其後廿五年于成龍為直隸巡撫陞辭時上曰灰車係發帑僱覓何至私派累民飭成龍查奏其時知縣陳宗石亦上言灰車累民于公遂疏請飭部動用正款永停州縣協運聖祖報可是後灰車始免派累也

武彊王烈女墓碣

碣在沙窪村康熙廿三年知縣潘拱辰立烈女王才王女聘張明儒事具列女

安平尊經閣記

閣康熙廿四年修記當是年刻石靳閻然撰文載縣志畧言明倫堂後有尊經閣創於万厓間學士吳公本植請假家居志更

新之邑侯與邑中著姓助之學士乃身任勞役且夕營畫既蒞既勤數月而竣事閣崇五丈五尺廣五丈一尺深二丈四尺先是學士之祖洞如先生於順治十四年矢志脩學宮時已八十或曰先生老矣毋過勞先生曰學宮一日不成予敢一日安乎殿廡門庫次第葺完惟此閣未竟今學士起而繼述之碑大指如此閣成學士命二子玠璠各爲賦以紀述其事玠賦云賦者古詩之流也昔者奚斯頌魯平原歌魏見採於孔氏援引於班掾何則風雅之流遺不可缺也故景福揚暉靈光振采非儒林之已事乎且夫事不規於正大雖費奚經辭不衷於典則雖麗何從丙辰初夏大人請告歸里謁學宮睹廢閣三楹嘆曰此舊尊經閣也遂慨然而新之欲以延光將來比榮往勝工既成命小子賦焉小子辭愧淵雲學慚遷固鮮張華博物之才無桓榮稽古之力得毋孔璋之比司馬東阿招畫虎之譏希逸之倣安仁延之有明月之誚悚承嚴命敬拜手而賦之其辭曰大塊茫茫兩儀初紀網蘊化醅羣動忘機結繩相安文明有俟若夫龍馬出圖十言教起炎黃代興包符祕啓肇典謨之純粹纂誓誥之詳備逮乎家相素王聖文在茲宣鐘鼓之元響揚日月之昭徽此羣經之大歸也自白蛇忿炬青簡肆灰精華頓歇芳潤塵塵恠篆奇文運隄於回祿微言奧旨絕響於大師爰及漢晉下逮元明雖有祕室蘭臺之富石渠天祿之儲東觀白虎之論四部七錄之書而聖學時蕪人心日歧朝野多誑惑於二氏士夫甘左道而背馳但見仙掌承露谿嘲飄飄招提蘭若習藉帝郊鬥白馬金鐘之間何夸青鸞紫鳳之陳怪怪結淄廬以棲奸民禮上清而聯纓影香積挂翠微之峯靈區據白雲之窠金碧崢嶸莊嚴彩翻呀蓬壺之超遠驚絳節之來朝鈴鐸鳴十里之耳星燈照百尺之鏤丹葉琅函黃卷錦韜猗與盛哉徒奢而無益也又或金谷形慙叢臺滓萍輪奐輦飛他他翩翩高堂廣廈而木妖寶百堵千間而賀雀偵銀塘

記十一下之下

金石

十六

錦幄歌館園亭盤龍儀鳳不足爲喻凌雲樓霞未足取稱侈矣盛矣洵美而鮮當也此皆舉事無關乎名教工作不係乎重輕痛乎風俗之譴陋也又誰知夫尊經我皇清之御宇也 聖人首出五教腴崇儒重道宏獎經術珥筆染翰之臣愧高深之莫贊經筵帷幄之佐快親炙於唐虞德聲翔洽浸潤沾濡醉於文義飽於道符人不履非禮之行家不藏非聖之書士有不談王道者或見笑於樵夫叢爾南平密邇首善蹈德詠仁光華復昇翼翼子衿充滿醞泮數仞宮牆陸離離魏煥獨至明倫堂之後廢閣攢盤額曰尊經侈剝漉漫非文教之荒蕪實修舉之維艱乃有碧梧學士厭承明之廬羨綠野之居追季鷹之逸興問元亮之歸途荷蒙 聖恩特予退休謝 帝里之新知返斯邱之舊遊瞻學宮之重地睹斯閣而網繆于是博士搔首而贊畫諸生交口而獻謀謂斯文之未墜舍先生其焉求於是先生默然良久作而曰是余之責也夫又先刺史公之志焉而未逮者也斥祿賜之餘助以募施鳩工庀材寒暑勸勦木擁槍纍儲胥林織審曲面勢功能傲概極魯班之巧盡工倕之思竭王爾之技聘宋翟之智如是者數閱春秋而大觀告備其高峻也崑崙嵒嶷嶷嶺嶺雲結轍嶸嶸承霓聳凸揭孽翥翥駢駢辭巖撇天倒景龍窀駭隍浮蟻蛉蟾蜍嶷嶷岩傑燾界睽眾嶮嶮低臬其廣大也燠煨叫窳歇欬寡仇挾振壇漫閑闕焉速央央閭閻容與咸周其幽深也寂寥霽霽藜藿閑修桔槔摩豁既既翫翫愴愴迴環眈眈睩睩其壯麗也彪炳灼爍濯灑旆囊焚燎支離而駢錯挾捩絡繹而糾締翼櫺理比而連纏珍瑱鞞鞞而東西綺井雲譎而波詭碧題琬琰而侍迷繡栢綵繖而爛渥楯榴璠璠而蔥翳游樹綴霞而鈎星茸苴欵斲而洊擠紹以琅玕之青瑣危以瑰璋之瓊英睂以木蘭之雕棖蹠以文杏之揆枨鈴呬檐檐弮張拂銅桁梧蘧蘧螭螭擎陽馬飛昂挹拊厭坪樂櫃藻稅戢香晶爍矚矚焉靡靡焉蔚



蔚焉鑠鑠焉何論乎赭堊黓黓而罔弗相應其華繪也權輿造化張藟品族奇形幽跡齊諧述異之書所不能載隙岳怪澤三島十洲之記所不能錄是皆體撰通德丹青眩鸞輶駁瓊巒莘莘煜煜吳生遠遜其擅場僧繇拭壁而懾伏于是乎矯首仰視愕眙眇亂洄洄聳兢返景逼燦雖都盧之輕趨亦悼慄於隳半於是乎循滓陞道倚檻影影清激胥集雰埃忽消八極圍眸萬物齊朝射市煙於週郭來千里之長焱量大造之行生盪魂志之飄飄游目天表羽化霄端迴環卻倚泛覽流觀其南則泰階當陽昭列奎光仰拱大成燁燁堂堂其陰則隆阜扶基隈以整淵堆埼之沸怒泌澗之漱濺悅金石之嘈嘈流逸響於鈞天其左則毗鄰啓聖道契穀元鬱神威而呵護憲甯陬以永藩其右則敬一鼎峙麗襟三台太行遙分其正氣溥沱遠孕其靈胎其中則瑤圖玉籙綠字丹文撫周孔之情思儲聖賢之至神易以乾坤爲首書以秦誓爲脛四詩落於平隱三禮陶於戴鄭麟筆絕於九秋孝經注於百姓博學侈於爾雅模世坦於論孟暨乎田何丁王之授受桓彭鮑殷之響應申韓毛韓之歧轍杜張賈范之殊徑凡其羽翼經傳綱維道學摹之黎棗而潤之縹緗者莫不劇搜附羅奉若拱壁而襲如照乘盛矣哉博陵之鉅則也於是萃綏弁之誰誰扶藜杖之濟濟像齊都之摩肩儕吳會之接迹奔走謁禮快新觀而失舊式蓋今之薨宇繒綾即前之荒垣斷壁頽隅冨壇也今之周軒肅昌即前之晦明風雨菽菽薄閱也今之重簷複綺即前之沙塹腐餘衝孔襲階也今之赫戲適皇或或彬彬即前之渙忍蹠跛蝸盤泥而蝎糊蘚也今之雌黃相問光恠照人即前之丹青瓦礫藻井消而銅闌澁也今之大冊鴻籍釐然有秩即前之敗簡殘編剝落散佚而莫可收拾也尊經再建大道重明五老畢聚風教彌貞乃眷博學人文奮興分秋桂之香增畫錦之榮步董賈之芳躅倏程朱之儀型緣飾乎吏治潤色夫太平隱爲鄉

記十一下之下

金石

十七

曲之重蔚爲王國之楨上不負 聖天子作人之雅化下不負今茲崇正之令名又豈僅侈緣霄之勝覽矜壯采於觀聽已哉乃作頌曰維我博陵叨屬 帝鄉從風 輦轂文教昭揚士敦樸魯有美含章甯爲合轍無羨通方誰氏之訓沐浴素王其訓維何六琳琅銀鉤玉版燦若七襄讀書誦詩如見羹牆百爾君子玉質金相芝蘭爲佩雲錦爲裳明堂清廟犧尊青黃反經扶正聖道康莊泱泱文治示我周行周行既示後學津梁天功何力我 后之光璠賦云夫何斯閣之崑崙兮標嶮嶮以飾珍瓊縈芬楹之彪炳兮層磴危而出塵氛訝梁虹之濯瀟兮郁佳氣而氤氳扶聖道於中天兮結琬琰之苾芬漱百家之芳潤兮糾六藝之續紛迴狂瀾於瀛海兮挽落照之餘曛遡金符之流祥兮繫鱗角之玉祉紉玄妙於難明兮歎曠野而匪兇斲闕宮之瓊屑兮纒河圖之奧旨煥寶冊於喬皇兮鈞褒譏而華莖恣周折而焜燠兮掃浮談之糠粃越白日其將息兮付縹緗於羸炬泰岱倏忽而若頽兮洪波紆迴而不可已哆桑門玉樞之軒翥而宏璉兮大道低回而同趾徒飾祿渠於炎精兮炫牙籤於土時矧神輔之僻壤兮詎瓌璋而若此嗟茲邦之蕪陋兮疑天造於草昧也鬻舍鞠爲茂艸兮烏晻曖而忽寐也望闕宮之突兀兮桷桷剝而隳趨赤堊鬱其困勃兮屹岬岬之顛躓佩觿騎兮神傷倘恍噓歎兮掩抑而不揚粵余穆祖之登庸兮愆寶筏之津梁秘殿璀璨而赫燁兮端門鞞轆以輝煌汨磴磴以光明兮時聞紫鈴之琅璫惟茲尊經之軼基兮尙有竣乎重光迄我嚴考之紹休兮日承明乎 帝里假休沐於蘭臺兮歸返棹於綠水披微言於往翰兮嘆重關之離瀾蔑以肚辟雍之豐麗兮爰述事而繼志懼謫訓之灰燼兮羨奎光之蔚起乃鳩班工以衡量兮庀名材而度鴻規察地理於龜宿兮符璇璣而應斗箕搜神植於幽嵬兮

運欄翼於靈夔發閭齋之闕笈兮砌碧苔以菌芝累磊砢之相扶兮靈寥窳而雲輜聲  
祿賜之遺餘兮陳秉彝之休辭夙旬殷而蕩蕩兮晦雕績而淋漓涉著雍之敦牂兮始  
巍煥之若茲其華表之煥焜兮若日月之經天也其高薨之燦閭兮若星辰之纏連也  
紘八維而擴九隅兮周三閭而徹四表開南闈而豁達兮張北牖之顯昂仰櫺櫺之宏  
廓兮舒禁楹之浩渺恢恢乎奠乾坤於兩極兮吐光華於眾藻既輪困而夭矯兮復下蹇  
而上奇乍矯首於雲霄兮驚樺棟之承霓峨若壁立於千仞兮又巖巖而倔倨仰聖道  
之高廣兮實彷彿而依稀萬楹搏負以蚺糾兮浮柱嶢峴而璫錯瑋綺窗之離離兮列  
髹彤於節稅朱烏啣蕙於衡間兮薌蘭振采於椽栊龍蜿蜒而若騰兮螭螻踞而交搏  
丹彩眩其盱盱兮鉤星內照而雲霧蔚瑰瑋而竦視兮偃紛靡而追琢誠中博之奇妙  
而礪礪兮羣龍崒於靈宮藏典冊於碧笥兮綴金簡而玲瓏集鴻謨之彪麗兮胥蘊藉  
於其中稽龍馬之負圖兮值庖皇之御世玩博光而書畫兮麻三聖而如契尚書首自  
伊祁兮爰終於贏誓聖壁埋而愈彰兮等天球與大貝慨風雅之式微兮各採藻而  
摘葩周召之登歌而薦寢兮並閭巷之伊啞姬體國而經野兮禮制參而不奢覽經曲  
之純備兮固有瑜而無瑕大塊紛其瓜剖兮百辟裂而爭長紀獲麟於東國兮訖宣平  
而振響高赤珥筆而揚芳兮亦奇秀而疏爽嗟麗典之放紛兮盲畢羅而若罔素王闡  
教於洙泗兮啓至道於夷塗聘齊梁而寥落兮聆遺訓於子輿門內通於神明兮孝德  
藉以誕敷維家相之博物兮稽雅詁而逮蟲魚茲鴻章之要眇兮亘天地而常留雖不  
假於物力兮奠華閣如金甌至若丁焦胡毛之玩索兮歐王蘇呂之指陳明道伊川之  
玄解兮晦翁步其芳塵聚千家之狐腋兮蓋浩邈而難尋或鉤深於幽邃兮或剖晰於  
纖毫或叩虛以標異兮或抽思於新苞或談言而綿邈兮或滂沛以彌勞或緣情而會

記十一下之下

金石

十八

旨兮或體趣以凝嶮明至教於離光兮匯百源於一潮賴層扉之隆峙兮護方棹於狂  
颺彼空寂丹鉛之亂靡兮不能進竊乎吾燾飾緇羽之朱碧兮曾不得入而溷乎堂奧  
傑羣聖之高懸兮翳鎬鑠而赫澳辨疑似於微茫兮藹宛虹之飛照偉恒岳之嶢崎兮  
屬淳碣而逶迤溲沱瀟泝而長流兮扶正氣而峙淪之山河表其峻深兮牢結構而錯  
珠璣前大成之肅穆兮勢似合而若離宮牆綿亘以煌煌兮眺百尺之巍巍後曠野之  
廣渺兮雉堞雄而相依渙雲梁而負荷兮輝光晃罩而芬菲挾雙霓於左右兮挂二嶠  
於東西啓玄宮而苞瑞兮美輪奐之瓊蕤拱傑閣之嶮岬兮若羅星而布棊惟敬一之  
箴言兮有世廟之留遺橫垂雲而儷止兮如冠蓋之追隨幸先志之紹述兮興既墜於  
不衰庶經學之樸茂兮慶濟濟而師師答 天子之右文兮遵聖路而不違亂曰休矣乎  
奕葉而相孚修琳宮而誇梵字兮曷觀吾道之夔居是時吳公二子年皆甚少已能爲  
此等大賦可謂妙才昔曾文正公嘗言爲文以詞賦爲至難若序記小文稍涉書史者  
類能之麻觀近代名集詞賦可傳誦者實鮮蓋宋賢以辭章爲末務承其流者遂皆舍  
難而就易文學所以日頹靡而不振也吳公講宋  
賢之學獨能用詞賦教子可謂豪傑特立之士矣

安平啓聖祠記

記康熙十五年刻石靳閻然撰文載州志畧言丙寅秋啓聖祠  
成邑人靳閻然爲記曰茲祠之工邑孝廉武君韓所捐貲以成

者也武君母翟太君屬纊時出篋金以命武君曰此吾節縮衣食所存者汝家  
世業儒學宮儒所重汝視學宮工未備者以此金爲之武君遵遺命建此祠

安平修城記

國家承平日久四方甯謐蓋四十年於茲矣凡城隍修整咸視爲不急之務遂至極壞而不可舉如良鄉三河古稱巖邑淪夷既甚崇壘斯艱計工估費動以數十萬計此有司不早經畫所致也今天子加意元元特簡廉才大吏撫綏畿內大害皆已革除大利皆已振興尤兢兢以城隍爲首務勸勵興修一時直屬州縣莫不奉行惟謹而安平告竣特稱最云先是康熙廿二年冬陽羨陳明府以世名家胄來莅茲土睹城堞崩圯慨然曰是有司之責也捐俸措處始於廿三年之春訖於廿五年之夏及勸修檄下而功將告竣矣自古興役動眾未有不召怨於民者今大功

記十一下之下

金石

十九

既就而民若不知何歟周禮以五刑糾萬民一曰上功糾力以嘉石平罷民凡民有過未麗於法而害於州里者坐諸嘉石役諸司空則宥而舍之夫役不良而貸其罪則勸善之意昭宥有過而圖其功則更新之化得此眞良吏之經濟三載以來未嘗勞民動眾而金湯之固巍然改觀者以此使爲有司者皆仿而行之豈遂至於淪夷大壞動費數十萬而不克舉哉是爲記

記崔甲默撰康熙廿五年立石弓汝恒云安平是時尚是土城今則已改甃磚城蓋乾隆時修者無碑記

不能定其何年月

涇州楊氏祖墓碑

楊姓官音屬金出於弘農昔叔虞之後伯僑自晉歸周封於楊稱爲楊侯遂以爲姓我鼻祖諱資洪武時自山東兗州府

滕縣城東南廿五里硝窪野村移居舊涇州城內永樂十年滹沱沒城我祖在吳莊督僕墾田得免水患是年改吳莊爲州故世居於此立塋城外西南隅卧馬行葬嘉靖卅

四年傳已十代遇溲沱汜濫築隄壓邱壠改爲昭穆葬始祖二子仲信仲誠入棗科社八甲信入棗科社十甲至今二百餘年子孫相承雖分兩甲其實出一祖云康熙廿五年十代孫生員維新撰余撰人譜多因近代有文字可據者爲之楊氏此碑足補人譜所未備其宗譜記麻任築隄事尤詳今坵箸之畧云嘉靖廿六年州侯余公一鵬建長隄防水施仁吾墓退數步築似棧椅形卅一年溲沱復溢將陷城州侯張公斌復築隄逼近邱壠八代孫廩生諱天秩因護城事重不敢抗違乃更卧馬葬爲昭穆葬天秩後由貢生任即墨知縣万厯四十八年州侯陳公美又廣隄陟十代孫允暢名顯國式景燦等恐隄外拓覆壓祖墓呈請內拓從之至大清順治八年十一代孫如松及生員維新立碑始祖墓前碑陰勒宗譜世系魚貫而下名次雁行而列無嗣者不載俾後昆覩譜因流明源思祖宗功德企勵德行云此譜所稱張斌陳美築隄拓陟事皆不具舊志僅見此碑

### 安平知縣題名碑

康熙廿六年陳宗石立  
託始 國初畧於掾尉

### 饒陽訓導張君遺教碑

碑今亡事見縣志張君名思  
達康熙卅一年任後卒官

### 安平王民曝贈官

誥命 民皞爲王樹美之祖樹美畧參將管江南江北六安  
營參將事以 覃恩贈民皞昭勇將軍 誥命康熙卅六

年頒刻  
在黃城

## 記十一下之下 金石

一一一

### 安平武彤含墓誌銘

大學士李文定公天馥撰文畧見吏績並列女事  
于襄勤公成龍亦爲之墓表彤含卒在康熙卅七年

### 安平白沙莊義渡碑

碑康熙四十二年立知縣趙良臣撰文畧言白沙莊當  
沙唐滋三水下流夏秋水漲居民病涉有力者扁舟一

葉奇貨自居行旅苦之張生若焜慨然任義渡出貲倡募理舟楫僱烝徒買地一百四十畝有奇爲舟人工直備船櫓更易河有移徙工有變更地則永永隨河不入私家是  
千萬人來往之利非一家一鄉之  
利恐後有變亂侵食勒之石上

### 安平知縣趙公去思碑

碑今亡趙公名良臣康熙  
卅五年任四十二年去

### 安平吳學士墓誌銘

楊文定公名時撰文畧見名臣事中學士名本  
植年四十罷官又卅年卒當在康熙四十年後

### 安平崔亮遠墓誌銘

李剛主先生塋撰文畧見文學及列女事中亮遠甲釗字  
年十六遇崇禎戊寅之亂八十餘卒當在康熙四十年後

### 安平崔聞遠墓誌銘

李剛王先生塋撰在康熙五十三年文畧  
見文學及列女事中聞遠甲釗弟甲鏗也

### 安平劉化吾墓表

李剛主先生塋康熙五十三年撰化  
吾名冲善文畧見孝義列女事中

### 安平崔舍人墓誌銘

竇克勤撰舍人名甲默冉觀祖爲墓表  
文畧見文學竇冉皆見 國史儒林傳

安平張參政墓表

趙恭毅公申喬撰文畧見名臣事中  
參政名倬康熙九年進士年七十卒

安平岳節婦墓表

李剛主撰節婦劉繼龍繼妻事見列女文畧言夫故年十八  
孝舅姑睦娣姒撫姪孫成立縣令歲餽四金年八十餘墓刻

在康熙五十四年

阜城縣訓導李君墓表

庚午科舉人檢選知縣蠡吾李堪撰文丙子科舉人  
任丘縣教諭上博宋瑛篆額甲午科舉人侯選知縣

同邑趙德宏書丹碑康熙五十六年立篆額人宋瑛稱上博者博野縣人也書丹人趙德宏見薦紳表庚午康熙廿九年丙子卅五年甲午五十二年也剛主先生師事顏習齋講學以堅苦力行爲宗世稱顏李安平人多從李遊所爲碑狀多採入人物此文畧云君諱長滋字闇生順治十年貢生康熙八年選阜城縣訓導丁母艱歸里遂不再出十四年寢疾呼其子告曰吾比曉生死矣釋氏荒誕不可信也口吟三韻而逝君安平人生前明万厯卅三年五月卒時年七十有一任阜城時聞翠華將南巡廣開言路君具條議一曰培土氣謂雜途宜汰養饌宜豐而後可以飭廉隅備任用一曰變鹺政謂鹽商有定地故專壟厲民莫敢誰何若使商鹽任其興賣不專一方則價自平一曰去招安謂盜罔不斂而乃寬以招安加之賞畀則盜爲進身之階弄潢池者益眾所議皆關石畫既而 駕不果至未上給事中王承祖走書言上方求異材卓行不拘資限任以縣令府佐北直學院蔣虎臣貴縣學士吳篤生共稱君有經緯才敢奉書請年貌册籍且入告君不之答事遂寢嗟乎士患無學學患無用有用矣又苦守之弗堅脂韋從人如君者詎非霏霏梗梗質文並茂之君子哉而卒弗大用傷已宜乎子孫世守其學求文字以示無窮也君配張孺人生子樹碩官內邱教諭也孫五人用晦拔貢副榜用弢廩膳生用含癸巳科舉人用煦用弘曾孫六人剛主又撰內丘教諭李君墓志銘畧云李君諱樹碩字簡臣以選拔貢生康熙四十八年選內丘縣教諭不自閒其官修學宮自其邑安平置孔廟祭器百餘事齋至內丘導諸生以學行暇則與之賦詩道志由是人文丕變五十年有 旨蠲畿輔民糧內丘令猶亟催科日敲朴民鼎沸相率運坯木砌縣門君聞急往視諭以上下大義民乃解會分巡大名道過內丘民聚馬首言狀道執而繫之獄謂必有士人主謀讓君以不能束士君憫然正色曰民填溝壑而號呼誰能禁之而安事主謀樹碩不能束士罪也願投劾去道改容謝比至柏鄉使人召君意倩君排難君曰吾老矣不能奔走奉命遂告休明年夏歸里將行祖送者咽門及出郭士民攜觴泣別蠡擁馬前不得行君先世以文行相禮洵厯仕途君守身孝養爲邑人捍災患一遵先人指訓諸子皆積學康熙癸巳鄉試或言諸公子試屢躋皆騰錄人誤之可賄賸錄君曰是以賄進也既而是科賸錄賄發而君子用含登第配某氏子五人用晦用弢用含用煦用弘女五人孫七人享年七十有二以某年月卒葬某所將葬用晦衰經匍匐求銘銘曰職之任時之宜不用而去奚其悲文不著年月故附父阜城墓表後

安平吳里人妻崔氏墓誌

官諭李渭清撰里人  
名珊崔事見列女

涿州義學記

碑在西景萌村康熙五十七年立本村諸生 鳳翥撰鳳翥泐其姓  
文畧言州學生劉翼軫糾卅餘人成一社會名曰義學所積會得金

若干擇賢且能者爲之息翼軫卒子泰祥亦州學生繼述其事如父在時至康熙丁酉遂以所積金購宅與田而成學戊戌延師授學昔范文正有義田世人尊高其事吾謂義田全人之生義學則復人之性劉君父子仍世經畫成此義舉甚盛事也村之人請書其事於石因爲之記以遺後云觀此碑所述劉君創始之功可謂艱且勤矣其後閱卅年而壞至乾隆六年村人訐訟因改民學爲官學學田凡五十畝舊以卅畝爲師生資用以卅畝爲修理學舍會議酒食之費至是知州姜泰嗣改以四十畝歸館師以十畝修學舍供筵飲七年正月示諭刻石十四年又爲之立條教議規約與大冉莊大魏村三學同振興使諸生王某撰文勒石蓋州境義學至後而益多而此三義學爲先立西景萌學尤爲發軔之始劉君父子之功不可沒也 大魏村義學碑乾隆二年知州會稽俞士恒撰畧言異端日熾黨塾之制絕少大魏村有古廟一所姦民窟穴其中聽斷之餘議擯去之因改廟爲義塾以廟所入貲爲師生之用而以餘財供脩補庶幾興行教化復民性之漸後君子儻推而行之則淫祠之可改爲義塾者甚多姑爲之兆以俟來者俞公此議至善後張杰爲州遂盡逐僧道而立義學學多至二百四十五所而俞公此舉實爲先聲云

大冉莊亦有義學碑乾隆十四年知州姜泰嗣撰文今  
亡大冉學蓋舊時天主教堂故址康熙時用南懷仁等  
造麻徇其所請京師 勅建天主堂外省亦各往往立

天主堂行教其後禁絕異教教堂皆廢壞或改爲他業  
大冉義學其一也及咸同之際與外國立約准行天主  
教由是教士所至訪求舊時教堂而興復之是時大冉  
義學已久廢而居民猶斷斷持不肯予教士訟牒盈尺  
教士愬之譯署譯署移制府令地方官考詢教士所言  
尙有據即宜還教堂知州陳瑞遵譯署文檄還之事上  
譯署復移制府切責陳瑞謂本言考詢有據乃還今不  
考而遽還之何也數十年來凡譯署所教勅大率類是  
是後各直省民教不相能往往爲 國生事至光緒廿  
六年白蓮教之支流曰義和拳者紛紛四起以仇教爲

事所至焚殺當國者謂爲義民欲倚以禦外侮由是攻西什庫教堂圍外國各使館已而海外諸國合謀動兵奪大沽礮臺陷天津府城我軍不能禦提督聶士成戰亡制軍裕祿自殺七月廿一日外國兵北犯京師不守兩宮蒙塵方遣重臣行成而未遽定議衅起無知之亂民而君國受其敗實乃民教相仇爲之禍始吾周孔之教不興異教並起往時釋氏入中國其法盛行垂二千年今佛教衰歇矣吾恐異日天主邪蘇之教之行於中國方且視佛法爲尤烈然則吾教其不復振矣乎抑猶有待於後之豪傑乎乃者柄臣不學至國論乖

失謀猷不臧 乘輿播遷宮廟淪陷天地崩坼痛哭無地烏乎噫嘻此誰生之厲也悲夫悲夫

涿州趙節婦墓誌

編修王爾烈撰康熙五十七年刻  
節婦田自強妻事見列女墓誌亡

武強劉氏廉平堂記

今上勤思上理以澄清獎吏道故訓迪百官每於清而和者諄諄焉都御史劉公其人也茲額之賜 上所以嘉勉而欲舉其官與吾儕士大夫患不廉廉者又往往不和則逐名者之入於僞也尙氣者之出於激也僞則人不服激則人不安亦有樸而不僞厚而不激而猶不能使人服且安焉則以事理之未明達或見已而失虛公或矜細節而

乖大體是以古之人孳孳講學至於老而不倦者爲此也  
詩曰抑抑威儀惟德之隅言君子行身之有稜也而其下  
所賡則曰溫恭爾柔嘉爾此其至心爲之內太和爲之表  
體忠行恕而無幾微非人已所安者夫如是故平公年七  
十餘矣而好學篤志有衛武公之風庶幾明理達事以導  
其和故余於公之請記也又思而思焉身雖退敢忘以名  
行終始大學士李光地記  
廉平堂額以與脩尚書傳說彙纂 御書賜之  
攷劉公爲左都御史在康熙五十一年十月  
賜額當在爲都御史後故云嘉勉欲舉其官記云身雖退文貞五十七年卒於大學士  
任內 上云李光地屢經求退非貪戀官職據此則文貞故未嘗退惟五十四年七月  
以老病乞解任葬親給假二年營葬 御製詩送之其年十月劉公遂以縱僕毆傷御  
史任奕鑾被劾罷官計劉罷官時文貞已南行矣此記殆已給假未行時作故云身退  
劉尙未罷故猶勉以舉職也任奕鑾之事在是年九月奕鑾巡視南城御史奏稱左都  
御史劉謙令家人柴敬臣顧光祖等與壻侍衛王廷梅等十餘人到臣門毀罵復自率

記十一下之下

金石

一二十四

子編脩劉自潔來令家人擊傷臣頭面手足得 旨吏兵刑三部嚴察議奏部議謙及  
子自潔縱僕毆傷奕鑾屬實王廷梅身在熱河應毋庸議謙父子以此去位王廷梅事  
既不實即謙自潔縱毆亦未必實謙在朝孤立不爲時所容以此被議事雖  
起九月其肇端必在七八月間故文以不和尙氣未明達失虛公乖體爲諷

安平可訥言妻岳氏墓碣

李剛主康熙六十年  
撰岳氏事見列女門

安平劉來獻墓誌銘

雍正二年李剛主撰來獻  
名琰文畧見文學事中

誥授榮祿大夫鎮守湖廣彝陵等處管轄營衛土司左都  
督總兵官邵府君行畧

邵氏世居密雲遷溪州才百餘載先王父生二子伯父益  
升舉孝廉府君其次也諱登雲字聯霄自號夔亭康熙廿  
年武舉人廿一年成進士與勇士角力 上前連勝數人  
上奇之廿五年出爲汝甯守備廿七年五月夏並叛武



昌兩湖震驚提兵防禦以不嗜殺活人無算內艱去官卅五年 天子親征噶爾丹奉命轉輸糧餉敘功升山東臺莊營遊擊 大駕東巡升德州參將遷長沙副將調寶慶副將再攝永州鎮五十三年彝陵總兵官缺 上命廷推戶部尚書趙公言寶慶副將邵某可用 上從之遂鎮彝陵五十八年十月九日卒於官享年六十三元配楊氏繼娶劉氏皆封夫人子二長希節候選知府次琦候選知州府君忠孝有節概廉潔好施所至協和僚友輯睦兵民匍匐以救死喪推解以懷携貳在汝甯設義學賑飢寒助上官之喪周同僚之急在臺莊盜賊斂跡不受漕艘一錢沂

州兵譁潰總鎮劉公命府君馳往收副將斬之府君廉得其情謂副將無過力保之沂州牧丁憂負官逋不能去府君助之治裝沂州水府君爲請寬徵賦後家人之沂沂人曰此好官之人雞酒傳客之旬日不使去在德州 上發內帑賑荒府君復用俸錢爲粥食餓者升副將引 見上曰我知邵某可速往到湖南趙尚書時爲巡撫府君手定兵書數卷上之提軍額公命抄府君兵書分發所屬至今軍中五花三才諸陣法皆府君所定也寶慶苗徭雜處號難治前官多苛擾府君一禁絕之苗人感悅至路不拾遺及鎮彝陵優將弁恤士卒絕苞苴禁浮冒遇軍政年有

以千金餽者急麾去彝陵爲昔年小李負固處府君加意  
綏輯人安其生以餘暇修孔子廟歐陽公祠設義學使荷  
戈之士相率橫經兵士遊泮水者極盛蓋府君武階而盛  
文德故所臨有績去而人思之與伯父相友愛從征西陲  
時以先世田宅讓伯父兄弟推遜久而後定時以爲美談  
臨終泣曰策旺阿喇蒲坦未滅老臣死有餘恨又誠不肖  
等曰財者天下公物貴能散耳不孝無狀不能盡知府君  
懿行摺摭一二以俟能言君子紀載以垂不朽雍正四年

### 男希節敬述

文云戶部尙書趙公者趙申喬也所謂夏逆者武昌亂民夏逢龍也康熙廿七年五月起事七月平南陽鎮總兵史孔華討賊有功

邵蓋隨史軍討賊也策旺阿喇蒲坦者準噶爾汗僧格之子僧格爲弟噶爾丹所殺策旺逃居士魯番及大軍滅噶爾丹策旺撫有準部吞噬鄰部勢且不可制康熙五十八

### 記十一下之下

金石

二十六

年命 皇十四子視師討策旺邵死時正用兵故以未滅爲恨也其後乾隆時準部始  
平文云彝陵爲昔年小李負固處小李殆謂李自成弟李孜東華錄順治三年大將軍  
勒克德渾奏二月師進彝陵口李自成弟李孜及僞將三十九人詣軍降是其負固驗  
也文云兵士游泮水者極盛謂應文試爲諸生也康熙五十二年十一月 上諭嗣後  
文童生生員舉人有願改就武場武童生生員願改就文場者應各聽其考  
試如此則各得其所學文武兩途皆得真才矣兵士爲諸生即遵此 旨也

### 皇清誥授一品夫人劉太君行畧

文云吾母性聰嫺禮則先王母卒於汝甯吾父方有事於南陽希節才六

歲先生父七十有五自始病至淹終麻數月吾母朝夕侍湯藥如一日夜則禱祈以身  
代後吾父禦夏逆於武昌從征沙漠絕不以私家爲念吾母內助之力也後吾父遷長  
沙吾母遂病終臨終慰吾父曰吾歸君數十年以君功在 朝廷累受封誥吾死亦榮  
矣吾父泣下母止之曰死生有數誰能強留何泣也君志在馬革吾稔知之獨諸兒當  
教誨使砥行立名吾死無能助君極不忘耳吾母身後吾父每述此以教諸子吾母少  
吾父三歲卒於康熙四十八年九月廿三日得年五十雍正四年男希節謹述希節所  
爲父母行畧  
皆鑄石墓上

### 武强都察院左都御史劉公墓誌銘

朱文端公軾撰文畧見名臣事  
中劉公康熙十五年進士年八

十卒當在雍正年文  
端治水利直隸時也

# 涇州高氏先墓碑

高氏先世籍塞北雲州我始祖伯仲十人避兵分遷有遷於雲南之通海衛者有遷於河間府之蔡村下屯者又有

身隸軍籍者二人一爲河間衛之前所百戶易名張餘慶一爲饒陽縣小旗易名許蠹鼎革後二支猶時時相聞吾始祖於兄弟行第九與弟奉母來涇卜居東關立塋於北郭之陽數世後十房無嗣獨吾始祖延十數世宗支繁茂起塋域買祭田廿餘畝輪次耕種供祭元旦清明大小咸集備牲體品物以歆先祀祀已旅酬以合族眾念創垂維艱盡報本親親之義承先啟後賴是矣爰鑄貞珉以誌不忘雍正十一年三月立撰碑人名已泐高氏多武科人譜未及載雍正元年武科進士元龍後官陝西河州鎮左營遊擊見薦紳表元龍字百尺能文工書法州人傳寶其筆蹟其子孫至今藏有百尺封誥及行樂圖百尺自爲詩題圖上秦隴知名之士題詩跋尾聯爲大卷可以想見雅歌投壺風流也咸豐中万里亦武科進士

# 涇州張烈婦碑

碑乾隆五年立知州俞士恆撰畧言烈婦白宋莊郭清河妻農家女也夫死無子僅一孤女夫兄欲奪嫁之投水死韓盧悲號示其溺處始得就斂家無近親芳躅終秘歲次戊午諸生戴焜爲余言之余至其處訪問居民皆無間言爲上請得入祠建坊距烈婦殉節十四年矣烈婦事已見列女烈婦恩縣人遠嫁郭清河碑不著當據舊志補

# 饒陽蕭烈婦碑

碑見饒陽周蘭皋所爲烈婦詩烈婦侯進才妻死事見列女門周詩云乾隆九年秋斬文下饒陽恬祭石碑前挂首孤墳旁據

記十一下之下

金石

一二十七

此則碑在九年前殆知縣王維周立維周七年任

# 饒陽梁氏篤行碑

文云菜園村民王魁龍買田五十畝屋五架爲義塾將立碑購一石諦視知爲元梁生孝義碑碑言生名大有字新民父和卿娶毛氏生三子長即大有次質次埴大有天性孝友二親安之又言和卿病革語大有吾家贏餘吾即不諱散施之母留和卿卒大有廬墓側啜蔬飲水朝暮哭親友勸歸乃取前所貸粟三千於眾諸券悉召其人面火之又出積錢千兩緡周貧老羸者曰父之遺命也碑言如此魁龍曰不可沒前民之善重樹之尹生德備舉以似余按碑與舊志所載事畧同碑缺撰人姓名而志云泰定四年齊慶祥率眾乞文刻石此文蓋即慶祥所乞者余嘉梁氏父子濟美王魁龍不掩人善有足多者乃次其事梁氏父子去今四百餘年矣令其多藏厚殖財亦終歸於盡奕世後安知有和卿大有其人者乎抑饒陽地狹民稠家鮮蓋藏而輕財好義類不乏人風氣蓋猶近古哉單作哲記作哲乾隆九年任饒陽知縣脩縣志志成書在十四年此碑纂志時作據元梁氏祖塋記和之子三人曰大有曰質曰恕今云和卿豈和名而和卿字邪其三子曰恕此乃云埴亦不

# 饒陽曹莊義學碑

碑乾隆十六年立知縣范鎔撰文畧言曹莊廢廟故有地八畝餘諸生劉蓋管理之自雍正八年至今增爲廿一畝

有奇積錢三百卅九緡以其錢構屋八間爲義學聚師徒講誦其中以地所入納糧賦充脩脯

# 涿州禁墳宅碑

碑乾隆十八年知州尹侃立結銜署涿州時猶未實授也碑畧言涿州廿七社各有社書筦地畝冊籍每新官到任輒繳儀仗

及州宅什物中火酒食等悉由社書備辦名曰墳宅侃到任詢所從來云出自社書卽堅拒不受并面問廿七社書知前官到供應所費自數百金累至千金不等習爲固然朝廷設官自有應得養廉官俸足以自給豈宜下車之始卽耗民膏且所費多若此者由吏役社書視爲利藪用若泥沙侵蝕開銷價直數倍使官受惡名民被實禍相應通詳勒石永遠革除嗣後如有指稱供應名色派累鄉民者許被害之家揭碑呈懇詳蒙宮保總督方公批飭革除勒石永禁

# 涿州修城記

碑乾隆廿一年五月知州尹侃撰是時侃所宦沙河肅寧交河三縣舊民皆來赴役與州民各任城一面侃記畧見名宦其稱舊功

云永樂十年知州蕭公伯辰徙治吳莊景泰初環築土塹圍九里嘉靖間知州余公一鵬環城創築長隄十里万厯乙未知州張公鳳翼奉御史李公檄改甃磚城城外有池池外有隄四門之外跨以飛橋迄今二百餘年牆墉盡圯侃修磚牆甃城堦口腰墩角墩外又修蕪葦亭於城上其東南隅建奎光樓東北隅建眺樓西北建鐘樓西南建六角亭顏曰傲亭重濬城河計村分丈計工受賞惟關外圈隄久圯未及修其後同治中知州王啓曾修城防捻亦計村分功城成遷去無碑記七年捻至憑城而守啓曾之力也尹侃所修磚牆僅城外層其內則仍土牆故啓曾後劉秉琳游智開亦時時補葺汝綸到官始廣集捐款博訪正紳預購材物分城任役城上平塹磚頂別籌歲修經費以持其敝凡王劉游三任所用紳民財力未及呈報者均上聞而敘其勞及光緒九年地震城壞知州朱靖旬續修之十九年知州錢溯耆浚隄池廿六年外國兵內犯盜賊四

## 記十一下之下

金石

二十八

起知州曹景廓復補修之自王啓曾以後至曹景廓修城皆無碑記附記於此

# 涿州園池記

乙亥春予奉檄修州城仲冬工竣顧城內四隅皆平曠北或間營畦圃南尤斥鹵荒棄日久夫宇內無廢壤也予擬於城南隅建書院丙子春購柳万樹桃杏百樹紅白芙蕖蒲藻百本金魚千尾召民開池塘鋤園壘石爲峯支橋池上曠廢餘地頓改舊觀其東南隅近奎光樓者桃浪池也池畔桃英具春浪飛騰之致池中植紅芙蕖五月中率僚友燕遊是夜蓮萼大放相與樂之池之北爲聚星峯壁立矗起者凡五石其西則万柳園園中特起一峯予手植一

柳万眾各植一柳鼓三通園已成林園之西池蒔白蓮畜  
錦鱗憑蕪萋亭俯臨之荷風飄香游鱗出入致足樂也西  
南隅爲杏園予所規書院地也可爲室數十間環園植柳  
鑿爲曲池繞池而南又西行水面汪廣可植荷芰池邊間  
植桃杏其北爲文明臺高原隆起矩方砥平可登覽游息  
池之水曰墨泉土黑紋如墨而水甘清宜染翰池曲爲小  
瀛洲滌紆成渚池上爲橋以柳幹駢栽嫩枝屈曲盤錯結  
而成橋新柳綠沈小紅映發雖在城市有若林野予率僚  
吏理茲廢區更爲佳境既樂其成復恐其久而廢毀所冀  
來者護而畜之以貽於無窮乾隆廿一年尹侃記

記十一下之下

金石

二十九

武强小範惠濟橋碑

碑知縣姚德文撰德文乾隆十八年任廿二年去

涇州田遊擊墓誌銘

惠州知府李棠撰遊擊名三雍正癸卯武進士仕至江南漕標左營遊擊見薦紳表

涇州灌陽知縣田公墓誌銘

田氏本出山西榆次縣明永樂時遷涇州者曰仁本數傳  
至奇遇爲光祿寺署丞崇禎十一年偕諸子舉人如坻如  
阜助知州孫公士美守城城陷殉節建祠歲祀奇遇長子  
如京仕內閣中書歲飢出粟賑貧全活萬計人稱爲忠義  
田氏公諱三才字萬先仕廣西灌陽知縣例升同知未授  
卒殉節者公六世五世祖賑飢者高祖也曾大父闢國  
朝定鼎以副帥督師西征卒於官大父而助考謙以覃恩

贈如公官公幼習舉業不屑揣摩之術慨然欲步趨高曾  
矩矱及宰灌陽邑逋賦多下車日老吏以爲言公曰唯唯  
無差催吏甚駭異居數月使至自家輦金爲民納逋賦入  
庫邑人感化是後爭輸將無踰程限者去之日民釀金來  
償公辭不受且曰此事不可爲訓也吾偶爲之耳生平寡  
言笑不苟訾議臨事從容審慎寬而有制不以意爲喜怒  
君家素饒置義田義塾美不勝書姑記其大者公雖以例  
仕可謂克繼先徽矣生某年月日卒某年月日年五十有  
五葬某原祖塋之次孤自修來請銘銘曰田氏先世有聞  
傳累葉下逮君及君之庭日親居君之里無貧或出或處

記十一下之下

金石

三十

道於斯存何以銘之忠義田氏之阡翰林院編修劉自潔

撰

自潔武強劉謙子見文學自潔爲編修時曾因縱僕毆傷御史任奕鑾室吏議與  
父並革職事在康熙五十四年及乾隆元年又應鴻博之舉所謂例仕 國朝乾

隆以前開捐事例凡三康熙討三藩雍正用兵西陲乾隆  
隆川運田公之仕蓋雍正時西陲用兵開捐事例也

涇州書院碑

碑乾隆卅二年知州鄒雲城撰書院初名恒麓至是移置西郊外  
改名博陵及嘉慶廿五年知州安鄉張杰又改名文瑞立碑撰記

鄒張二碑均畧具名宦事中杰又有誓碑畧言乾隆卅年尹公侃捐置地畝計租銀二  
百九十九兩三屬縣又攤解銀二百廿四兩益以廢廟地租歲入銀六百六十七兩嗣  
後鄒公雲城帥公家相李公賊陸公香森踵而成之逮嘉慶十年後漸即積廢廿五年  
杰洳任前後捐制錢一千一百餘緡合紳捐凡萬緡續查廢廟地前後凡十四頃有奇  
通計書院歲入凡制錢二千四百餘緡詳定州判爲提調學正訓導爲監院紳士經理  
出入三縣所捐銀兩仍還三縣其誓曰官吏如擅提租息使書院廢弛者在身不善其  
終後世永斬其澤紳士有侵吞或任官吏提用者身則士林不齒子孫目不識丁云云杰  
聘湖南諸生丁善慶爲院長州人大譁丁後成進士入翰林州人始皆大服曾文正嘗

爲丁君墓文嘉慶書院碑有諷勵州官意蓋丁作也其後書院燬于兵燹舉人陳東嶺  
等請於州牧陳君瑞新脩棟宇同治五年知州黃安劉秉琳爲撰碑記及朱靖旬任事  
有書院條規刻石一董事五年一換歲以一新一舊當值一院長關書用董事名延請  
不由上薦歲以十閱月爲度膏火按名遞降一畫定脩膳薪工用數一考課酒食雜支

費用一入款由值年紳士收掌不存舖商一新舊董事交代一膏獎不得代領一城工肆禮局賓興河神等經費均歸代管年終分冊呈報一動大工必先會議不得專擅一每月出入張帖堂壁歲終張帖一年清單一所收租息非書院應支款項官私均不準挪用一書院地租雖遇糧差蠲緩亦須全數交納光緒九年知州朱靖旬立石董事李善振等十五人均列名碑後

書院所代筦自賓興外若城工若肆禮局若河神等經費皆汝綸所置城工河神畧見前文不具論所謂肆禮局者汝綸前辦孔廟樂舞始從定州延聘樂師來教樂師自購置樂器以來學之十日已盡得其術其於諸樂尙有不習而定州器又不能盡備如壘琴瑟則有而不能用箎及排簫則不能知其制度汝綸所藏有瀏陽邱穀士所箸丁祭禮樂備考邱君湖南老儒專以禮樂爲教生徒皆能雅樂天下孔廟樂舞以瀏陽爲第一曾文

記十一下之下

金石

三十一

正初復安慶欲興樂舞招延邱君邱君老不能來遣其徒二人應召其後安慶江甯皆未及興辦議者惜之天下箸書言古樂者多矣大氏不能適用邱君書所以獨善者以其所得周尺準也定州樂師學既盡州諸生有王家範者字調元有敏思汝綸以邱君書付家範令其依圖式倣製始爲壘壘成吹之與他樂諧因令製箎製排簫試之皆合其琴瑟無有能彈者家範畧明指法邱書有樂章琴譜令其依譜操縵既成以教學童之穎異者由琴而推之瑟諸樂盡通雖未知於瀏陽何如凡太學曲阜廟所不能習之樂溪州盡能之由邱書本善而

家範又有捷悟也樂成用八十八人別設額外樂舞生卅二人此百廿人又各自私教二人額內出缺額外充補即以所教者選入額外先後嬗代永不乏人更置田畝以給肄習之用以爲足以持久矣汝綸去而學官操其選補之權不用伎能而專視賄進退其能者恥用賄進而賄進者又皆不能於是人人解體而樂舞竟廢書院所管之肄禮局經費無可復用徒空名存耳其後直隸布政使欲興保定樂舞聞汝綸在涇嘗爲之因是來訪汝綸告以邱公所爲書并薦家範布政別用一太守主持其事不用邱書亦不用家範數月樂成豐碑峩峩

記十一下之下

金石

三十一

夸示其事汝綸知其不能善也後有瀏陽人來爲按察使行禮孔庭掩口而笑以爲無一合者天下之事壞於不知而妄爲不知則興者速壞妄爲則愈興乃愈壞也王家範通筭學著有三角圖解二卷前纂藝文門家範書未脫稿故未箸錄

侍讀學士吳先生墓表

先生諱本植字篤生世籍安平祖從誨曹州知州父恂以諸生明季遭難涇州死焉先生尙幼母夫人負以匿得免少長隨曹州官所稟學孜孜文思敏贍嘗與友刻香五寸爲文限文成斐然可觀丁酉舉於鄉戊戌成進士選內弘



文院庶吉士己亥充同考官以承重憂歸葬祭如禮讓產諸禽服闋散館授內秘書院檢討升國子監司業攝祭酒事整躬勅教士氣丕振考取八旗教習絕請託即失權要驩弗顧尋麻講讀講學士與修 太宗文皇帝 世祖章皇帝實錄前後扈從隨獵侍宴賞賚無算一旦懷盈滿之懼賦歸來之辭時年四十有三也杜門掃軌守令罕識其面制撫大吏候問槩不答書有過存者不獲已相見但握手道故寒温外不及時事門巷湫隘溷鄰里蓬茅中無從覓學士廬也出穀購材建尊經閣陳經史其間恣邑中少年使學教子孫以窮經爲先曰文章根氏盡在六經無

記十一下之下

金石

三十三

速化之術其爲學得力於靜終日正襟危坐雖宴私無跛倚容於進退取與截然分明晚年深嗜曹月川胡敬齋兩公書卧病數年歲時祭祀必命人扶掖行禮病革召鑿診視書冊不齊猶命整而後診其持敬之功老而益密強仕即乞休休卅年讀書考道不倦故所得如此使終身仕宦以卅年之久致公輔無難先生故不以彼易此也表其學術之正人品之高揭諸墓道先生其不歿矣乎史官中牟冉覲祖撰乾隆廿二年

冉覲祖康熙癸卯舉人乾隆辛未翰林與李來章等講學嵩陽書院陳文恭撫豫所稱中州八先生

之一也 國

史儒林有傳

饒陽趙氏二婦碑

饒陽李氏女其父農也年十五歸趙良璠失舅姑歡半載  
逐歸夫臨別屬勿改適父母意回當復聚逾年父母爲良  
璠別娶婦楊氏李父母匿不以告後聞夫已別昏則大戚  
顧志不可奪舅卒欲奔喪父母阻之誓不再生告父母曰  
兒死必舁尸歸趙父不得已愬於官是時楊娶已六年矣  
聞李之節也憐之及聞其以死誓則跪請於姑願還李於  
室而已下之姑感且悔未能決也余爲復合以成其志楊  
乃親往迎李歸相謂曰姊弟李感楊之賢亦相得無間余  
觀天下辱身敗節視去帷如敝屣比或妒而相厄者多矣  
二婦之風不可使無傳也爲請於當路而旌之且傳其事

記十一下之下

金石

三十四

以風世乾隆卅年知縣趙維翰撰

維翰濟甯人乾隆廿五年進士廿六年任

饒陽新建文昌閣記

饒陽縣知縣王君儀廷始泣事之歲即以興育人材爲務  
召諸生之肄於學者第其文菝而禮下之或言縣故有文  
昌祠士大夫多得科第頃歲祠圯科第亦不振王君於是  
斥俸錢爲之倡縣之士翕然繼之卜地剏立新閣金木搏  
埴之工子來趨事市月而告成遣一介走京師請予文紀  
其歲月余考太史公天官書斗魁戴筐六星曰文昌宮說  
者以爲天之六府也梓潼之神顯於晉盛於唐宋道家謂  
上帝命神掌文昌府事及人間祿籍元延祐初加封輔元

開化文昌司祿帝君其祠曰右文成化而其時始設科目  
取士士大夫因謂科目之柄文昌實司之而天下學校多  
立文昌祠矣夫科目之設聚數千萬人所爲文取決於一  
二人之心目雖長於鑒別豈能無毫髮之爽謂必有神焉  
司之似矣然韓子有言其用功深者其收名也遠士誠讀  
孔孟之書修程朱之行而學韓歐之文能自樹立不因循  
神未有不福之者若夫束書不觀游談無根徒以勦說因  
襲爲功而僥倖以祈神之我佑則非予之所知也今之仕  
者簿書趨走汲汲若不可終日有以興文造士之說進者  
則以爲迂闊而莫爲王君獨能知所本務而縣之士亦咸

記十一下之下

金石

三十五

鼓舞自勵庶幾知實學之宜敦而不囿於流俗豈僅區區  
科第之榮已哉王君名鳳文山東諸城縣人乾隆己卯舉  
人記之者嘉定錢大昕也

撰碑人已見文中惟不著立碑年月王鳳文何年任事亦無可考閣今已圯碑亦久亡此文見

錢君文集及 皇朝經世文編錢君主持漢學此文以程朱之行勸勵學者持議至爲平  
恕文昌之神殊不經明史禮志載弘治元年禮部尚書周洪謨言梓潼帝君者記云神  
姓張名亞子居蜀七曲山仕晉戰沒人爲立廟唐宋屢封至英顯王道家謂帝命梓潼  
掌文昌府事及人間祿籍故元加號爲帝君而天下學校亦有祠祀者歲以二月三日  
生辰遣祭夫梓潼顯靈於蜀廟食其地爲宜文昌六星與之無涉宜勅罷免其祠在天  
下學校者皆令拆毀洪謨議甚正惜當時雖從其議而天下黷祀祈禱之習卒不能革  
學校之祠文昌至今不廢益興正教不昌吾恐  
將有一切廢斥而別行其異術者之乘其後也

涿州李北强墓表

文乾隆四十三年武强教諭田吳封撰吳封密雲拔貢生  
見職官表文畧云君諱鏐字北强涿州人父心五州學生

生四子君其仲也幼讀書穎異過人長精計然之術田園甲閭里延名儒教子弟言動  
以禮嘗遇鬻子償債者出錢贖之知州尹侃親式其廬元配饒陽張氏蚤卒繼配同里  
賈氏有淑德懿行子三人鴻文廩膳生張孺人出澄文太學生洸文武生員賈孺人出  
孫男六人德懋增廣生員德馨太學生才懋廷懋候選守備功懋太學生官懋丁酉選

拔貢生曾玄蕃德懋將葬君先  
塋之次二孺人祔謁余文表其墓

李烈女碑

烈女名環父曰文忠碑今亡不知誰  
立乾隆六十年旌碑當亦是年作也

安平鄉飲賓弓靖菴墓表

弓公諱恒矢字靖菴醇謹端人也有二子長巽次警巽好  
學能篆書與余交數年卒後與厥弟警相知最厚遂命其  
子肇文受業余門嘗稱其祖靖菴府君懿行靖菴少孤能  
拓產友于胞妹教二子以睦婣慎交遊鄉人憚之比王彥  
方陳仲弓凡吉凶訟獄得靖菴一言無不允服世居山西  
靈石縣晉水村明初遷博陵之臺城里占荒田三百畝七  
傳至君高祖穩樂施與邑令表其閭曾祖佐治田積數千

記十一下之下

金石

三十六

畝至今稱富室雍正四年閭邑舉靖菴鄉飲壽官曾乞蠹  
吾李恕谷先生爲文以紀之今其孫肇文丐余表墓因復  
掇君一二逸事性喜飛奴命僕時其飲啄遂繁滋及公歿  
停匱在堂飛奴亦翩翩匱所迨公歸窀穸遂飛去彌留日  
有一人從外至取懷中物如手卷屈膝獻公公領之而歿  
時仲秋暑氣未退蠅蚋絕迹貌如生公生於康熙丙午年  
二月十九日卒於乾隆辛酉年八月四日享壽七十有六  
娶崔孺人康熙壬戌科進士內閣中書甲默之女後公十  
餘年而卒壽八十有一男巽增廣生警八品農官女四俱  
適士族孫男四明威用張肇文州學生肇奎曾孫男八人

元孫二人山西平陽府趙城知縣同邑趙瑞鴻撰乾隆四

十五年庚子

趙瑞鴻字漸遠安平舉人  
從李剛主受學見文學

饒陽廟學碑

饒陽縣文廟未新時春秋上丁月朔望安神位於露臺既  
事則藏諸明倫堂後室如是者廿年矣嘉慶戊辰子音履  
任曰學校不立廟祀不崇守土責也斥養廉先之諸生合  
城鄉二百四村聞命子來估錢五百萬生員劉崑總其成  
庀材則廩生周兆瑞監工則監生李琳張露青生員何建  
章武生員靳秀相出納則太常寺典簿翟敬同經始己巳  
二月至七月落成大成殿廿六楹

高三丈三尺深  
二丈八尺四寸

崇聖殿八楹

記十一下之下 金石

三十七

高二丈二尺五寸  
深二丈七尺五寸

東西廡各卅二楹

高二丈深  
一丈六尺

大成門

高二丈五尺廣  
二丈一尺二寸

名宦

鄉賢祠

各高一丈深  
一丈五尺

櫺星門

高一丈九尺三寸  
廣二丈五尺

泮池

深九尺周  
廣卅步

照牆

高九尺五寸  
廣二丈五尺

宮牆

周廣七十丈  
高九尺三寸

工堅而成速子音忝守茲土快覩成功教諭

延慶盛如松訓導廣昌李馨德典史聊城梁本敬襄事維

謹諸生請記記其實如此嘉慶十四年知縣武甯王子音

記

後道光廿八年知縣王蘭廣撰碑畧云廟工竣事於道光廿三年麻五歲三任非蘭  
廣敢以為功去年署教諭饒君大源又捐置祭器縣人請文為記遂記之是後至光

緒初年廟學又廢饒陽副榜貢生常培璋為余言光緒四五年間學官至破先賢神主  
為薪為諸生所告發至光緒七八年有諸生倡議脩廢始建大成殿兩廡尚未有也春  
秋丁祭出兩廡神主陳於庭祭之祭已復藏其主十一年知縣牟懋圻重脩大成殿并  
及兩廡十四年知縣陳復恩重脩名宦祠十九年知縣汪寶樹重脩崇聖祠廿一年教  
諭王元一訓導趙省三重脩鄉賢祠廿六年知縣汪寶樹重脩戟門事閱數年官非一  
任故無碑記 饒陽名宦舊祀十二人乾隆中知縣單作哲增祀唐盧全誠李系明杜  
輝三人凡十五人曰北齊饒陽令路去病唐饒陽令賈敞實饒陽太守盧全誠李系神  
將張興元饒陽令李元明知縣孫緒徐淮仇相丁忠唐順徵教諭閻鎬秦繼宗神武衛

指揮杜輝 國朝知縣何國琦鄉賢祀十五人宋贈司徒中書侍郎同中書門下平章事謚文正公李昉右諫議大夫李宗諤刑部郎中知洪州事兼江南西路安撫使王濟明項城教諭劉格湖廣左布政使劉俊進士霍鑑戶部員外郎張文行陝西行太僕寺丞王文學海州知州路曄贈尚書田茂春吏部尚書田唯嘉贈刑部侍郎南京大理寺卿路陞朝城知縣周俊彥 國朝徵士劉元龍武舉人何國琦名宦鄉賢皆分見各門唯鄉賢劉格霍鑑田茂春未著事蹟何文體置義田義塾均見孝義門未詳他行饒陽志稱劉格性剛介爲教諭師道尊嚴課士遇惰者朴責不少假借霍鑑忠厚正直苦志嚮學田茂春唯嘉之父安貧力學樂育生徒何文體字養充事父母能曲意承歡父病十餘年左右就養不假僕婢鄉里忿爭造廬求直凡卅餘年近村無訟愬公庭者均記於此

### 饒陽近聖書院碑

廟工成繼興書院先是乾隆十四年己巳高密單君作哲菴之距今六十年矣予初權雲南永北同知作書院歲在乾隆辛亥靈源書院癸丑提舉白鹽井作也嘉慶戊午宰平彝平苗後新書院曰平成客秋來知饒陽先代涇州州

記十一下之下

金石

三十八

有廟學有書院縣皆無之今履任期年藉手告成會逢己巳勉繼前哲用勸後來予所至輒興書院皆適會其時天下事大都時不可失諸生勉旃嘉慶十四年己巳八月子

### 音記

道光季年知縣王蘭廣撰記云近聖書院始見於趙夢白記近則錢唐戚君貞修廳事列長廊備器具蘭廣至盡以田租充膏火分俸益之於是按月兩課會蘭廣調天津縣人恐後復廢請刊辭於石同治五年知縣李傳黻修講堂造書舍其講堂名曰經史講堂傳黻自爲碑記明年籌膏火子本銀二千七百廿兩抗顏爲諸生師亦自爲

碑記

### 饒陽成己堂記

記嘉慶十四年知縣王子音作堂蓋書院講堂

### 饒陽上方臺龍母廟記

記嘉慶十七年知縣王子音禱雨有應而作文云明邑人劉俊舟赴湖廣布政使任有木隨舟取歸製神像

### 饒陽城隍碑

碑嘉慶十七年知縣王子音撰子音履任先脩孔廟明年脩城隍祠

### 饒陽孔廟槐柏記

記嘉慶十七年教諭清苑賈治安撰訓導廣昌李馨德書丹典史臨湘吳鼎篆額王子音手植槐六柏七十一於廟庭

文記  
其事

### 涇州李氏先墓碑

碑在大李村嘉慶十年立畧言吾李氏系出山西始遷涇州利仁村越七世卜居李村始葬此墓者諱熊生二子長曾次能累世繁衍後遭明季兵燹家漸落七世祖法聖府君諱孔徒□於勤儉家聲復振羣從子弟數十人鮮外侮而免鬪牆令甲官三品者始表墓吾族孫苓馨癸卯武科舉人庚戌成進士 御前侍衛浙江金華協鎮右營守備兵部候補參將官三品矣故綜敘大畧題之碑陰十一世孫明德立

### 涇州裁雜差徭碑

碑道光二年刻知州張杰裁差徭告示庶此示已見賦役門

### 涇州知州李公墓田碑

碑道光二年知州張杰爲康熙時知州李天培立天培事見名宦門死葬涇州城南三里之棗科村村與其隣小魏村守公墓者購墓旁田四畝樹松柏杰爲免二村徭役書其事於石後咸豐六年知州沈希祖令徐家左村助二村供祭亦免徭役

### 贈中憲大夫陝西褒城縣黃官嶺巡檢趙公墓誌銘

賜進士及第光祿大夫經筵講官吏部左侍郎高郵王引之撰文

賜進士出身資政大夫內閣學士兼禮部侍郎錢唐陳嵩慶書丹并篆蓋

記十一下之下 金石

三十九

趙公既沒之八年其繼室孫恭人卒明年其子吏部郎中盛奎將合葬來乞銘公諱德俶字善亭先世居山西洪洞明初徙直隸永年再遷涇州四傳曰秉謙五葉共宅朝廷旌門遂爲州望族祖諱克中房山教諭父諱廷玠四川重慶府經麻經麻公卒公甫十五部署如成人家中落入貲爲縣尉揀發甘肅署涼州府經麻補甯夏典史母艱去官服闋補陝西安定典史升黃官嶺巡檢署雒南典史靜邊巡檢以疾乞歸甯夏故河套地四渠分流民資灌溉公爲籌次第挹注法每歲二月行河至夏乃歸麻廿餘年如一日癸丑夏河暴漲漢延渠壩圯正插斷流緣渠稻禾且就

槁公承檄董役三晝夜隄塞渠流復通關中教匪滋擾奉  
調赴軍過留壩賊突至率眾防禦賊遠遯南山逋賊時出  
沒蹂躪商維公尉雒南相機禦賊與邑令團練民兵凡數  
十晝夜賊不敢逼公卒於嘉慶十九年三月十九日享年  
六十九以子貴贈如其官配賈恭人正定府教授鳳吟之  
女繼室孫恭人國學生珠女皆勤婦職道光三年合葬於  
涇州柳家莊之西北原子二盛奎嘉慶辛酉拔貢生今官  
吏部郎中軍機處行走次盛舉蚤卒女四孫三家廉家熙  
家燾孫女五余於公爲媼黨知公爲涇故爲銘銘曰  
其官則庠其人則有爲也其吏績則崇其心則彌沖也生

記十一下之下

金石

四十

有妻爲輔而家事治死有子以繩武而後嗣熾也惟實之

豐惟根之隆藏之幽室壽考令終道光三年九月

王引之字伯申謚文簡經

學大師曾文正論學於國朝最服高郵王氏父子其文則少見亟錄存之陳嵩慶後官吏部左侍郎

涇州城隍碑

碑道光六年立知州張範東撰文畧見名宦

涇州義倉碑

碑道光十年立知州蔣兆璠撰文畧言義倉始於乾隆十二年方制軍奏設嘉慶廿年那制軍奏請興復道光六年復發條教選倉

正倉副會同儒學官員監視稽察前州張牧興復王家井唐鳳榆科三倉募穀六千二百七石八斗八年兆璠勸募三百八石一斗六升六合興修北戲村東魏家橋陳二莊三倉募銀六百兩發商按月一分生息九年募穀二百七十七石計在城一倉在鄉六倉新舊存穀六千七百九十二石九斗六升六合十年那制軍奏請牧令虧缺處分照常社倉例爰勒石示後

其後光緒廿四年知州錢溯耆費制錢二萬餘緡大修倉室名之曰盈億倉總督王文韶及溯耆故人徐敦穆皆爲



之碑記不具載載武強刑部主事賀濤一碑其文曰  
光緒初冀青兗豫大旱疆吏以災聞 天子憂勞發官藏  
以振乞糴之書四達遠近官民爭以錢米輸災區自中外  
大臣羣司百執事奔走營救類能竭誠潔已而怠忽侵漁  
必懲故灾所被數千里厯三年之久民雖不免死徙而無  
劫奪盜賊之事是後謀國者皆以揀灾爲兢兢畿輔則自  
同治季年連遇水患已有籌賑之局博畜豫儲事至立應  
故數十年吏治獨備荒之政多可紀然州縣自謀於治所  
者法固猶未備也先是太倉錢敏肅公開藩直隸及巡撫  
河南所至皆以積穀爲重而任事皆未久經畫皆未及成

今河道總督任公道鎔爲直隸布政時踵錢公成法飭所  
屬積穀前直隸按察使朱公靖旬時牧涇州集穀萬石以  
舊倉皆廢分藏於州之富人舉契爲質朱公去後易官則  
更契不問穀也間十餘年錢公之子伊臣來爲州乃取富  
人所藏穀萬石者於城之東建倉儲之四倉環峙以楹計  
者卅六中爲聽事其東爲宴休之堂堂三楹門北嚮堂後  
爲倉神祠基崇屋敞墻宇峻固經始於廿三年三月明年  
九月訖工堅明約束永守勿替州人李君樹侯以書來曰  
公願得子文爲記濤以爲救荒無善策也 國帑旣非可  
數頒籌賑局設於都會之地勢難分應而徧給其謀之州

縣者所儲雖多未必能久而告飢四方又以致遠稽時爲慮然則所稱荒政可紀者亦特小補云爾海外諸國農政益興以氣化之學糞田一機器之用且什倍人畜之力故能五六於常所獲而火車之軌交於國中輦百千巨萬鈞之重於數千里外不崇朝而至土著者無借於外而能取足於其土而物之自外至者又如此其易也尙何灾歎之足憂今 朝廷銳意取外國長技足資治理者易我之故火車之軌已造端於四通衝要之區其枝分歧出行徧達乎窮僻而學農之書且徧布天下使皆仿行今錢君廉能愛民守先公家法若泯古今中外之見討其制究其學實

記十一下之下

金石

四十二

而致之其事以收其效使遠近援以爲法寢推而寢廣將遂成國家新政馴致於富强豈特給足其封內使吾儕小人無憂灾歎已乎此固救時之賢所急起而圖功者也請以斯文爲君之左券焉 光緒廿四年九月刑部額外主事武强賀濤撰文廩膳生武强張寵壽書

賀濤字松坡光緒丙戌進士見人譜此文論外

國有農學有火車不憂灾歎最爲有裨政治

涇州李宗城妻馮氏節孝碑

碑在穆家左村道光十五年立南和縣訓導李麟臺撰文略言宗城年廿四而終父母已

前卒馮孝事祖姑撫教孤子道光七年旌表

涇州孝子王之俊碑

清孝子王之俊劉村舖人

卽今高趙舖

父嘉慶母張氏相繼沒遂

廬墓不歸客難之曰不孝有三無後爲大子年過半百尙  
未有嗣廬墓不歸豈得爲孝乎俊曰朝夕在此則心愜吾  
盡吾心而已客歎息去又數年有司修州志遣毛生騰瑞  
往訪之猶廬墓未歸也上其事於 朝詔立坊旌表入忠  
孝祠雍正戊申入祠道光戊戌刻石

孝子事已見文學孝義此碑不  
箸撰人疑國之桓所立也道光

時蓋重  
刻耳

誥授榮祿大夫刑部右侍郎署戶部左侍郎趙公墓誌銘  
賜進士出身翰林院侍讀學士彭邦疇撰文 賜進士  
及第經筵講官戶部尙書何凌漢書丹并篆蓋

公姓趙氏諱盛奎字菊言世爲涇州人曾祖某某官祖某

記十一下之下

金石

四十二

某官父某某官以公貴均贈榮祿大夫妣均贈夫人公少  
穎悟工書弱冠補博士弟子員嘉慶六年選拔貢生七年  
朝考一等授七品小京官分吏部考功司旋充軍機章京  
升文選司主事考功司員外郎中廿二年隨扈秋圍校射  
御前五矢皆中賞戴花翎道光七年授內閣侍讀學士  
以提調內廷方略館仍留軍機升光祿寺卿十年十月授  
山東按察使十一年十月擢江甯布政使時江南災公於  
風雪中徧查災區戶口備加撫卹大江南北無凍餒委溝  
壑者十三年十一月內擢刑部右侍郎兩江總督陶文毅  
公奏留江南辦賑十四年始赴京供職時浙江海甯潮橫

塘圯巡撫富呢揚阿請於塘後另建新塘四月命偕東河總督嚴公烺勘辦潮由北大鹽出入海甯塘堤處處潰而尖山新漲中沙劃潮爲二其循塘而西者爲東潮其沿南沙而西爲沙所遏抑而直衝塘者爲南潮石塘幾無完壘公與嚴公相度議仍舊制以廿里亭汛爲東南兩潮當衝處工最險塘址又窪下請塘外添建埽工三千餘丈埽前拋護塊石以保塘根添築柴盤頭三以挑水勢廿里亭以西鎮戴二汛工次之改坦水爲竹篾塊石添築柴盤頭四亭東尖汛勢稍殺於塘外護以塊石又海甯繞城石塘加高條石奏奉 俞旨公旋奉 命他往塘工後又改議而公

記十一下之下

金石

四十四

建埽工數年後猶兀立不敗旋調戶部左侍郎十五年偕侍郎廉敬赴山西查辦事件適奉 命爲軍機大臣復赴貴州湖南廣東西交審事件次第訊結惟廣東盧應翔訟案不稱 旨降補太常寺卿十八年七月擢任倉場侍郎十九年三月再授刑部右侍郎兼署戶部左侍郎未幾病八月六日卒年六十一是年十月廿二日歸葬溪州祖塋之側初娶賈氏無出繼娶范氏三子長家廉道光十七年選拔貢生河南試用知縣次家熙次家顛孫二人公雅量不露喜愠遇事持正務反復盡事情而治尙寬操守謹卒之日棺斂賴同官賻助復鬻衣服碑帖始克歸葬銘曰

太行盤鬱渤碣之間篤生俊偉爲時勞臣內貳司寇外開  
藩屏蹶而復起終賴 聖明澹定不撓風骨崢嶸其身雖

窮不沒者名奕世而下式瞻此銘

彭邦疇江西南昌人道光五年以  
侍讀學士任直隸提學至十九年

仍未進官官終於此何凌漢謚文安  
湖南道州人善書子紹基書名益著

誥封奉直大夫江蘇鎮洋知縣賀君墓誌銘

浙江巡撫儀徵吳文鎔撰文 倉場總督戶部侍郎通

海朱嶠書丹

君余嘉慶己卯會試同年友也癸未來京數數過從壬辰  
余分校京兆試君子式周出余門而君長子式韓官舍人  
數爲余言君學行治績今秋書來則君歸道山乞余銘墓

記十一下之下

金石

四十五

余何敢辭君賀氏諱雲舉字慎舟先世自山西徙武強君  
高祖成家始居北代村曾祖岐鳳縣學生祖琇鄉飲大賓  
父仁聲舉人生三子長雲鴻舉人陝西大荔知縣次雲錦  
舉人其季卽君君承家學潛心經史嘉慶戊午舉人已卯  
進士以知縣分發江蘇道光元年署阜甯五年署高淳六  
年補靖江時淮北災流民至靖江君設方略振濟慮露處  
卑溼爲席處之藉草其下旁開溝滲水疾與鑿藥灾民如  
歸大府異之下其法有灾州縣興書院斥數萬緡購地建  
講堂增齋舍延名儒主講增諸生膏火文風丕變九年署  
蘇州同知十年移鎮洋值棉稻減收請賑鏡燭犀剖吏無

中飽戶鮮向隅前後所泣皆有循聲惠政行仁以智濟柔以剛其枉阜甯歲荒籌賑邑富人連黨羽數百索賑公密言之上合兵役禽實諸法一縣快之其在高淳邑有東西兩壩居人視水陸腳費爲奇貨君懸名瓦嚴懲積弊頓除名瓦者仿肺石達窮而爲之也君旣廉幹有聲上官亦倚重君在靖江鄰縣有失物踪跡賊處而斃賊者賊婦以誣良上愬君至設方計起得真贓賊婦始服而讞定署同知時奉檄至泰興平反冤獄民扶老携幼跪送者數百人道光辛巳戊子分校江南鄉試所得多知名士君以科名爲世業以孝友爲家風處爲純儒出爲良吏充養有道精神

記十一下之下 金石

强健年近七十解組歸道光廿九年五月卒壽八十五配李宜人有淑德先卒子三人式韓由內閣中書陞工部營繕司主事式董副榜式周壬辰庚子兩科副榜四川瀘州直隸州州判孫男四錫璜錫珩錫珪錫珊曾孫一卜日啟李宜人壙合葬五祖寺之祖塋銘曰

其行珪璋其績龔黃歸老林下優游而康強今雖歿矣遺

澤孔長 道光廿九年十一月 吳文鎔後爲湖廣總督殉粵匪之難謚文節曾文正之座主也朱嶠雲南通海

進士道光廿八年嘗以侍讀學士任直隸提學書碑時已升侍郎任倉場

歲貢潘德輿墓碑 碑道光廿九年門人趙豐玉律鶴鳴等立德輿名輔仁年八十卒輔仁嘗自表父母墓云父諱文進字煥章爲縣吏

嘗代人還債不索償母陳氏貧食糠覈而人不知其貧

大名府教授賀君墓誌銘

賜進士出身掌山西道監察御史山左閩臨川撰文 賜進士出身工部員外郎前翰林院侍讀教習庶吉士長白鄂恒書丹并篆蓋君與余道光丙戌同年進士余欽君爲人勁直有古風尤欽其難進易退也余就京職君歸養親越十餘年余亦棄職主講大名君時爲大名教授余以親疾旋里未幾君亦歸田壬子余詣京師迂道過君里而君已歸道山君子乞余文銘墓余何敢辭君諱錫璋字卿符武強賀氏曾祖仁聲乾隆己卯舉人祖雲鴻己亥舉人陝西大荔知縣父式孟平山縣教諭君家數世或終身不仕或少仕即止未嘗

記十一下之下

金石

四十七

戀戀仕祿也君少有文譽遊京師師事朱蘭坡太史亦不苟祿仕而勇退者君道光壬午舉人丙戌成進士以父年逾六十就教職家居且廿載父母考終庚子選大名教授在官十載無一日無歸志庚戌冬謝病歸太守武蓉洲亦君同年勸留君君歸志堅辛亥春歸里壬子以疾卒壽六十八配吳孺人繼配高孺人皆蚤卒再繼劉孺人生三子之升道光己酉拔貢生候選訓導之臨縣學生之咸孫四嘉榑嘉栢嘉杰嘉榘女二孫女三以某年月日葬五祖寺先墓之次吳高二孺人祔銘曰  
尚廉恥寡悔尤非富貴是求惟天爵是修嗚呼此古君子

之邱

武蓉洲名蔚文山西太谷人道光廿六年任大名知府見畿輔通志

涿州官兵義冢碑

碑在城西杜家莊村咸豐五年立道光乙未舉人馬安常撰文畧言咸豐三年九月七日長髮賊陷州城越三日官軍駐東

鹿舊城次日官兵剿賊鄉勇助戰接仗於城西南隅前隊兵勇多戰死其鄉勇李文學等六十餘人各歸葬其族墓惟官兵無葬地耆老劉振邦等倡義歛埋共尸二百餘具

涿州舉人安遐年墓表

碑在三龍堂同治四年壬戌科舉人魏文錦撰文安君名永齡少能教弟庚子弟中式壬子君登鄉榜子

卿雲貢生永齡弟庚子中式者名鶴齡見薦紳表

誥封宣武都尉高君墓表

君諱兆鯤字會仲世居州城東郭幼孤事母孝年廿為武生員喜濟困排難咸豐癸丑粵賊破州城州官殉節賊去亂民肆起君募勇千餘所在彈壓城無官長廿餘日民安堵不及亂者君之力也以君才畧使奮跡青雲不難建奇

記十一下之下

金石

四十八

功偉烈君所以不出徒以老母在生三子皆教以義訓長男鵬飛登武科進士君六六十為封君君不色喜獨貲贈父母為之一慰他輕財好義事甚多在君皆餘事故不具君年若干以某年月卒某年月葬君先塋之次配某氏鵬飛乞文表墓為掇其大者如此舉人李善振撰文州學生張廷楨書丹 同治六年冬月 善振字起韓有通德高望汝綸為州釐定書院章程盡黜舊時筭事人而獨倚用善振州人上書稱得人其後汝綸去位書院事頗有改易善振始終不得辭年八十餘始卒廷楨善書老益進隨汝綸脩志十餘年常在事又常與武強賀嘉相助汝綸修冀州河插任之如身事

知州劉公憲政碑

同治七年七月立甲辰科舉人陳東嶺撰辛酉科舉人王海峯書碑云公名秉琳字崑圃湖北黃安縣人麻任大城

寶坻宛平任邱縣皆有政聲同治四年陞授涿州七年正月捻逆由陝竄直十八日饒陽失守廿四日圍涿州城公登陴固守賊數來撲以有備不能破遂他竄賊去兵繼至



荼毒如故民紛紛入城公開門納之而詰其可疑者不使之入遠近依爲保障

### 涇州董孝子墓碑

碑同治九年署知州游智開立事見孝義中智開記云清明日同州判訓導往祭遂植樹立石表墓孝子明季人名思芳

### 涇州張孝子墓碑

碑同治九年署知州游智開立州判張映樞撰文孝子名貂嘉慶時農人以傭養母六十不娶人勸之娶曰吾力僅足奉

母母九

十壽終

### 涇州積善寨碑

碑在辰時村諸生蘇邦彥撰文畧云同治七年捻逆爲患朝廷布告天下令各立寨自保吾村計地捐貲殷實者倍之又有

鄰村爲助  
乃成此寨

### 明涇州吏目熊公國俊墓碑

碑同治十年署涇州游智開立州判張映樞撰文熊公明末殉節事具名宦

### 涇州滹沱河神祠碑

涇州南五十里磨頭村咸豐二年滹沱菑浸禾稼三年益漲粵逆南來踞州城四鄉多被賊而州南水阻風鶴無驚

## 記十一下之下

金石

## 四十九

同治二年三月馬賊張錫珠肆擾惡氛侵凌村南河水陡長賊不得渡村人固守轉危爲安七年春捻匪張總愚北犯六竄州境而是村恃河之險四方避賊者麇集萬計臨河協守幸保無虞迨賊退月餘河亦涸而北徙矣是滹沱之來適以禦災扞患也神之功豈不大哉村長老郭君鳳舞合眾力建滹沱河神祠八年五月經始八月落成謁余文爲記余考滹沱之祀不常見禮云晉人將有事於河必先有事於惡池惡池晉水也周禮職方爲并州川戰國時燕有虜沱易水趙亦攻中山以擅滹沱滹沱發源并州而燕趙阻河爲界北方巨浸也而秦詛楚文乃亦告於不顯大神

亞駝則神之威靈遠矣涇州河所經地粵匪馬賊捻逆之患神先後扞禦近磨頭卅餘村生靈萬數皆賴保全廟祀之修烏可以已哉爰記之傳示後世俾無忘神功同治十年春州判平定張映櫺撰

涇沱南北徙不離涇州宜有祠祀州舊志有河神廟在北門外隄上久廢州境惟見此碑同治

十一年汝綸立河神祠於州西城置田供祭亦未立碑

### 康君墓碑

君康姓諱文彬字成德幼讀書貧無資年十四孝廉孫旭菴見而奇之授之學劉著明先生助其薪米不數年補縣學生有文譽喜與浮屠氏遊尤樂嘉山水道光甲午應順天鄉試聞潭柘山寺最佳往而忘返遂棄舉子業蕭然有天

### 記十一下之下

金石

五十

世外之想性耽酒嗜琴愛讀史于詩最慕陶公日不再食恬如也晚年初修家譜凡先世碑碣及遺文軼事皆殫心搜錄彙爲一編君先世自山右洪洞遷涇州之東李家窩再遷后屯遠祖邱隴厯久泯如悉按圖封之碑之仆者植之並樹宰木至建立祠堂則既締造而無力落成君嘗以爲憾居鄉嘗攷朱子社倉法而仿行之又嘗欲仿張子買田畫井亦未就享壽六旬而卒卒時諒諒詔子孫于孫劉兩家勿忘報云君娶彭氏繼馮氏子二伯仁依仁依仁貢生績學好古余邑子吳摯甫刺涇時亟爲余道其人光緒元年三月依仁持君行畧乞爲文因據狀次之知棗強縣

事桐城方宗誠撰文同里史漢章書丹并篆額

方宗誠字存之好宋賢之學能

文章曾文正疏薦人才又疏調至直隸爲棗強與游智開齊名大吏每稱游守方令以風百執也

### 知州游公去思碑

進士良鄉游觀第撰舉人國子監助教州人李善振書節相曾公自江南移督畿疆未涖任即疏調賢吏八人至直隸備任使既受事舉能黜貪於是涇州牧劉公以循良擢爲正定太守士民婦孺咸不忍其去以爲無能繼其後者劉公屬父老告之曰汝等何所見之小也今繼予來牧茲土者爲新化游公其先官安徽治行爲兩江第一節相奏調北來以爲吏治之師其愛民必十倍於予汝等何患

### 記十一下之下

金石

### 五十一

未幾游公至視其貌粹然老儒也聽其言藹然慈父也親其教誨受其督責肅然嚴師也入其室則詩書數簾之外無一物焉瞻其服食則布帛菽粟而已其出而訪問民間疾苦也則敝車羸馬從一僕張一蓋而已日未出而興夜既分而息坐堂皇終日訟至則爲平其爭事已則讀書誦詩吏役懍懍不敢爲奸凡徵糧稅契諸弊暨衙署漏規革除殆盡宣講仁皇帝聖諭十六條勤課士子表彰孝行旌揚節烈優賚耆老濟養窮民一切有益於民之事悉分廉俸以爲之尤以修女教正蒙養爲培植風化之本治涇一年政化大行大府重其才調補灤州擢守永平民欲攀

留而不得尤惜其去溪速且遠也因相與立去思之碑以  
詔後世公名智開字子岱世居湖南新化縣咸豐辛亥科  
舉人光緒二年閏五月立

游公同治十年去溪州此碑後五年始立所列亦少媿詞近來知州政碑成例此猶公論

并序

光緒紀元之八年滹沱南溢半溪境沒田廬萬計其冬地  
震災甚民生不聊於是我安陽朱君之治州也十有餘年  
矣請於上官蠲其更繇而振撫之明年大有麥秀多兩岐  
民咸走相告謀所以頌君君固不許其荐紳耆老相與謀  
曰褒述功德詠誦盛美所以昭大吏之明鳴 國家之盛  
也君其可讓汝恒輒竭盡固陋拜手而獻頌曰

記十一下之下

金石

五十二

噫嘻滹沱百道噴波汨我于瘡里閉室廬倏邱倏墟畝瀦  
人魚猗與我公匹馬西東徧撫哀鴻飢食寒衣息號止啼  
万姓重熙輶車載遷萑蒲伏奸唯猛濟寬威德流聞晉盜  
秦奔桀無幸民害馬旣祛羣生奠居乃澤詩書蒸其譽髦  
是甄是陶多士舒翹陰關陽開其度恢恢冬日春暉太行  
之山其石巖巖貞珉是劓載磨載鐫輿頌載棗載示後賢  
光緒九年六月安平弓汝恒撰州人劉鶴年書并篆額

朱君自州

升任保定知府蓋異數也後官至直隸按察使然獨在州時聲最高弓汝恒字子貞篤志好學劉鶴年亦有能書名

候選教諭弓君墓銘

奇行易顯奇節易彰惟茲庸德世與相忘吁嗟弓君內行

篤厚天豐其脩而嗇其壽其壽則嗇其澤孔敷有子有孫  
稼穡詩書猗惟長君英姿蔚起我宰君縣溪資治理仲季  
藹藹一堂孝友我以此卜識君蓄久博陵之西穀邱之東  
川原鬱葱永奠幽宮

碑宣化知縣王家瑞撰家瑞黟縣舉人爲安平縣有聲  
見名宦弓君名省度字巡南安平臺城里人碑略言弓

君至孝父病痿不能言有所需君先意得之久而彌謹治家嚴整子孫守其法不改家  
瑞造門親見之時君卒已數十年矣君道光十八年卒春秋四十三子三人長毓華貢  
生文所稱英姿蔚起者也次攜華貢生  
次潤華辛酉拔貢孫男十二人見人譜

### 溪州栽柳記

余癸未守是邦甫入境桃李蔽野桑柘成林榆柳杞梓諸  
木亦茂茁可觀有蕃庶之象焉獨郡城壕塹四周竟曠缺  
不植一樹故國喬木其謂之何明年春卽後栽柳告州人

記十一下之下

金石

五十二

人無應者高君溫浦獨欣然督役者栽柳一千四百三十  
六株不帀月而事畢予之值不受迨後枯者更缺者補一  
自其手口不言勞今甫三年已枝幹直上高與城齊春末  
夏初疏煙澹靄碧絲繽紛城堞百雉隱約樹杪雲霄間天  
然圖畫至爲佳勝人謂十年之後綠樹環城秀色盤鬱可  
占富庶固基扃有裨於此州實大時予已乞退候代西歸  
溫浦請以栽柳事鐫之石曰此我公甘棠也余笑而不荅  
恐後來者不之惜也姑撮栽柳緣起併擬護柳條教四則  
刻石以貽州人 賜進士出身知溪州事山右高梁王炳  
壇撰候選巡檢山右翠巖柴樹棠書光緒十三年清和月

炳壇在位已有德政碑清苑舉人王錫三撰稱其裁減私入萬餘緡以儉補之不見不足茲載其栽柳記并坵箸之

### 誥贈奉直大夫教諭李君墓表

光緒己丑春貴州龍里縣典史李君峴持其鄉戶部左侍郎趙公盛奎所爲狀走京師請表其祖教諭君之墓且致其叔父箸元太守之遺命箸元與余交最篤誼不敢辭君諱崇馨字華珊姓李氏世居涇州贈承德郎諱主伊者君曾王考也太學生諱溥者王考也太學生諱溫者本生王考也布政司經歷加一級諱景文者考也妣鄭氏有子六人最箸者曰苓馨乾隆庚戌武進士 御前侍衛官永康都司候補參將封贈三代爲武德騎尉君其季也生而穎異

### 記十一下之下

金石

### 五十四

稍長嶷然自厲於學弱冠爲州學生入貲爲教諭以母夫人年高不謁選事親則鞠躬夔栗毋敢跬步違毋或私其財與力有從姪雲龍者貧而才伙助使成其學族兄有韜妻葉氏寡且貧周之數十年死爲之殯葬外家中落買田宅畀其子孫任邱李光益以舉人訓導武強卒官君歛之而歸其器且賻其家卒葬事嘉慶丙子輸粟若干斛脩榆科義倉道光癸未輸錢五百緡助書院膏火乙酉倡爲一鄉捕蝗每歲稷煮粥以食餓者都所全活至數千人狀撫其事實具如此烏虜俗之偷久矣以余所見富貴榮顯之族財利相競擁高貲坐視親故之急頑然無所動於心甚

者平居嬉遊徵逐一旦其人顛隕撒手不一援揀者比比也若君者可尚已君以道光十五年三月十二日卒春秋六十有三卽以其年十一月日葬村東北原先人之兆次初娶王氏繼張氏皆 贈宜人子男六炳蔚候選千總後君長兄三祝從九品五常增貢生樹桐房山縣教諭後君仲兄賡颺太學生九彰已酉科優貢濟南府同知候補知府卽箸元也女六皆歸士族孫二十人曾孫二十九人元孫九人俱能世其家 賜進士出身工部營繕司郎中浙江金華府知府畢棠撰 賜進士出身陝西同州府知府

賀爾昌書

畢棠涇澤縣人咸豐庚申進士賀爾昌武強人同治戊辰進士見薦紳表文所稱箸元太守九彰者有德望汝綸任李起韓孝廉經理書院起

記十一下之下

金石

五十五

韓引箸元自助書院敗而復興二君之力也

贈資政大夫李公墓銘 山東候補知州秦致祜撰

公諱上賓字濬衡自號謙齋姓李氏直隸涇州人明世始遷祖新崇以功封侯世襲爵秩爲州顯姓入 國朝代有隱德曾祖德懋祖金城考均安三世皆爲校官公少卽代父綜家政不習舉業貧家負債不能償公輒焚債券終其身不言焚券事於人急公好義率常獨任其難生平無違言過行夫人賀氏武強世家與君同德嘗解簪珥助公義行子四人長涵貢生次棠同治壬戌舉人官東河下北河同知花翎三品銜在任候補道次枚山東鉅野縣典史次

蔡候選縣丞孫九人曾孫七人致祐與棠爲齊年生知棠  
學行本庭訓棠初筮仕公誠之曰汝於科名得吾所未得  
不足喜望若行誼能造吾所未造也勉之棠奉誠唯謹子  
孫皆恪守家法公卒於同治八年壽七十有四以棠貴贈  
通議大夫再贈資政大夫夫人後公六年卒壽八十一合  
葬興莊銘曰前代通侯降爲清門隱顯隨時至道斯存不  
顯其身顯於其子古風休休茲用委祉

李氏墓有碑云洪武元年  
戊申勅封李新崇開山侯

世襲錦衣衛都指揮使此碑  
所云以功封侯世襲爵秩也

### 蘿村先生墓表

安平弓汝恒子貞以其伯父蘿村先生事狀乞表墓文於

記十一下之下

金石

五十六

武強賀濤濤以狀視其縣人閻鶴泉檢討鶴泉曰是吾縣  
所仰賴者也先生以諸生老於家而官民敬信與知其政  
事數十年中官不苦民難治民無缺望於官論者或歸美  
於先生事之便利於民爲州縣所例有而弛而不舉舉而  
無其實循故創新收其顯效其規制章約先生手定爲多  
至弭巨禍捍外患則其功尤偉也先生諱毓華字曉亭蘿  
村其別號也家素裕父沒時年未及冠奸猾謀弱我數以  
譎嘗不爲應而時並折其志謀不得逞鄉里憚服及出而  
應事敦篤好施人以爲緩急可信仗愈親坳之聲譽翕然  
而官其地者亦無不虛懷接內倚以集事性明果能斷大



事有所爲不畏難不遺力縣人或以傳異教聚黨徒數百里內外聲息相屬其往來輒以夜人多疑畏或傳其有並謀訛言遠播大府檄州縣禽治縣令屏人造廬諮訪先生州刺史亦以其事來先生曰傳教則有之惑誑愚民以歛財耳無異畷也敢以身保之事乃已捻並竄畿輔時迫縣境縣令將弃城走人驚擾先生卽夜馳至縣呼門入謂令曰賊所至不久踞利不在城城陷無守者耳守之賊必不留攻爲調資糧軍械畫城守方略甚具令從之出約諸鄉使自爲守人心遂固四鄰皆被寇掠而縣境獨完有言遷畿輔民實邊地者眾轉相恐駭百姓且逃亡先生急白縣

記十一下之下

金石

五十七

令爲草條教曉閭井使安堵而聲捕其造言者言者遽止人心以安先生謀旣屢中官益一意信嚮事無鉅細咨而後行光緒十四年二月八日先生卒春秋七十其年四月葬於弓氏西阡娶賀氏劉氏皆先先生卒子汝昌副榜貢生汝謙汝訥廩生孫六人曾孫四人令長身與民接治其煩瑣而後世官於遠方不能周知其習俗其土人之隸於官者又皆市井粗鄙之才不足以與吾事實禮士夫使出而助我而士之有志行而巷處者亦遂得藉手而有所施於其鄉所謂合之兩美者也自令長昧於擇人或隱欲便其私計襍引邪佞而爲所用者亦或挾其勢以陵侮鄉里

由是官府爲叢詬厲之所狷介自好之士退匿之不暇世俗之論亦因以不與聞公事爲高而官與民遂失所依賴其爲治乃愈難然則究民情僞達之官損益官所施爲推之民以助成善政如先生所爲者乃世急需而里居之君子所不忍辭也又烏取夫畏嫌避事不以生無補於世爲恥而沾沾焉以守高自詡爲哉光緒廿四年勒石

右墓文武強  
賀濤撰濤字

松坡光緒十二年進士刑部主事從武昌張舍人裕釗學文文傑出時輩在京師相從問文術者繼踵於門文譽大起松坡顧不喜聲華篤志闇修其所得時人不及知也

### 弓斐安墓表

汝綸撰文張廷楨書丹文因弓君長於治田作室遂論及外國農田官室之事弓君不言而躬行守其父教諭君家法嬪之子孫汝綸嘗

至其家家無僮僕服役煩苦之事及盥洗進食希鞢鞠臆皆子弟任之待賓客彬彬然羣從少長以次序立命之退乃退行其庭孝弟之心生入其室詩書之氣薰染而不能去問之則對曰此先子之所留貽也斯可謂爲政於家庭者矣弓君諱摘華斐安字也子汝恒少從汝綸遊脩葺溪州志多資匡助孫均亦從汝綸問學汝恒均仍世爲副

### 記十一下之下

金石

五十八

榜貢生墓表光緒廿六年刻石文不具載

### 饒陽修教諭宅記

教諭王元一脩葺知縣汪寶樹撰文畧言饒陽學舍舊燬於寇燹教諭王君謀新之邑諸生成來趨事不數月而工竣王君洺

水名士往歲與余定交於潞河繼乃同官茲土不以傳舍視其官余亦樂觀其成昔魯叔孫昭子所館雖一日必葺其牆屋去之日如始至春秋稱其賢此不以傳舍視傳舍也吾今於王君見之其成之歲光緒丁酉也

### 張君實先生墓表

君實先生以孝廉教授于鄉受學者極眾先生沒而教思不衰光緒壬辰其弟子張君溯周謂余曰張先生少受家學攻苦甚力六經皆繕本諷誦尤嗜左氏傳讀之書字三滅其孽精如此然不汎驚爲博一守程朱氏之說旁涉宋元諸儒以析理之棼而解文之繁以是爲學即以是爲教

顧未嘗有所纂述懼無所表于世惟吾子次其學行勒石以志不朽余應之曰余之知先生也久矣始余十五六時就學于州于衣冠稠坐中遇先生屹然特異丰裁甚峻復稍稍親近之色固溫辭固和嗻嗻然常若不及余時雖未有知顧私獨敬慕先生迄今不忘以余之所見合于子所云先生非有得于道術者乎自孔子以執禮爲教而曾子之徒已兢兢于容兒辭氣顏色之間太史公孔子世家贊云觀其車服禮器低徊留之不能去蓋志乎其禮也漢儒之學禮爲統匯至宋儒出而理學名焉禮之于理猶表之于裏弗可離也近時之士多倚漢而排宋操禮以刺理是

記十一下之下

金石

五十九

同室相與鬥也况所得於漢儒者又止名物制度訓詁之迹其於禮也抑遠矣先生篤信程朱不隨人爲風氣其見固卓然其威儀齊肅又非禮爲之榦邪向者顏習齋李恕谷兩先生剖虛返實敢恪禮意于學無可訾獨其著書痛詆程朱爲人所病則先生之未嘗著書獨以懿行永貽于世者其所得固未易測也先生諱有聲姓張氏同治甲子科舉人其父曰銜廷先生之學悉本父書晚年家甚貧處之淡如其沒也不問及田舍事獨以勉學誡子姓云翰林

院檢討安平閻志廉撰

志廉字鶴泉博涉多通襟韻簡遠汝綸爲州時甫成童所業已過人以州試第一名爲縣學生後食

貧力學廿年以此有聲臺省

劉範堂先生墓碑

劉君範堂諱仲楷涿州人以文稱鄉里從吾父問學吾父於門人中特愛重君數舉其文以視學徒君性坦易不飾儀貌言無匿情人皆樂就之每至吾家諸父諸兄與君年相若者爭攜酒肉與飲食質以所業言笑竟日夜不倦君得癸酉拔貢即以是科舉於鄉濤賀諸其家家在陋巷所居甚狹而地無隆窳庭無遺灰積堞土墉不飾木器不髹而潔子弟執業於前趨走承應動中度程予益聳然異之兄弟四人皆敏於文從學者甚眾學使所錄取多出其門而君之弟子尤盛其高第者成進士入翰林以文稱於時

君則自領鄉薦後學益深邃而屢試禮部不售其後得心疾遂不復圖仕進以教授終其身自君得疾父與繼母先後棄養兄弟亦相繼淪逝而叔弟之沒君不得見尤以爲憾嘗於無人處自傷由是體益不支光緒十八年十二月十二日卒春秋五十有五以二十年某月日葬於祖父之墓側君取張氏子二人長家敬後其伯兄次家讓朝廷以文取士士不獲以才德進不得不抑志俯首以從事於文自有司之識別不明能文者復絀而士益窮矣至於窮無復之乃援積善餘慶之說相慰勉以爲猶有待焉而彼造物者又故反其道以試之若君之蓄德能文而阨於所遇

求如庸夫之安恒蹈順而不能而竟抑鬱以死者蓋亦不可勝數也士貴自求其志耳彼不可知者又烏得以意測哉君之卒門人醵金助喪又買田以供祭祀其乞文以表墓者王君覲岳延年也賜同進士出身刑部主事江蘇司行走賀濤撰候選布政司理問附貢生張廷楨書光緒廿年歲次甲午四月中澣立石

武强天平溝記

武强縣治東舊有渠名天平溝起自縣之西將至城折而北又東北趨獻縣以達於滏歲久湮塞比歲苦水患光緒十九年秋武强告飢於州州牧太倉錢公親行縣視災問

記十一下之下

金石

六十一

民所欲咸以復天平溝爲請公歸爲書問縣溝長幾十里其宜施工者幾所起訖積若干丈深廣以丈尺計者宜幾何下游兩隄增高厚宜幾許並溝幾鄉量田使分治瀕溝田有幾其委枉獻工之施於彼者何方縣以州書詢縣人於是吾族子嘉栢墨儕尋訪溝舊跡測量地形察采眾論條書所問具畚說以告明年公列狀上大府請白金五千僦民治溝既得請則疾馳到縣與獻令期境上周視工所分界賦役眾情驩躍若急已私四月某日始作某日卒事溝起吾縣西東至獻之三汊口六千五百廿六丈深六尺廣二丈二尺底殺四之一而强隄自三汊口上至吾縣界

首四百四十九丈高五尺趾厚二丈面得六之一而弱盡斥所請五千金無贏闕而種樹以止侵占爲橋以便往來則令民自爲歲時修濬之約因所分界責之兩境民溪廣一視今所爲歲三月各報所宜修濬工於縣縣親督巡如約則以達於州其費令民自給迄今三年水不汎濫連歲豐穰民困用蘇縣志載天平溝五其四已湮滅今所復者其一也乾隆四年道光五年咸豐元年屢修之今乃僅有跡可尋其工旋修旋廢未嘗久獲其利也蓋縣既僻左患雖巨特雨潦所積治水者莫及焉守土吏以非簿書所急亦聽其自廢熟視而不問其爲之者又僅張皇目前不思

記十一下之下

金石

六十一

善其後故此溝久不復而民坐受困今所興治其溪廣皆加於縣志所載又能疏濬不失時而數十里沮洳庠下行潦之區遂變爲沃壤連歲收穫倍高田然則委歲豐歉於天以爲不盡關人事豈不誣哉墨儕書來請紀公成績予既喜吾縣去宿患又慨興事之難而廢之之易也爲記其本末俾吾縣人無忘始事之勞而永守賢君約束勿怠則無窮之利也賜進士出身刑部江蘇司主事邑人賀濤撰廩生張寵壽書

溪州韓文公廟碑

當唐穆宗之初公嘗說撫王庭湊脫民於兵獲茲庶祀其

來已久 清興二百五十有六年平江朱公璋達來守州  
既葺公廟且去以文來請惟公以後起包雲越况上纘鄒  
魯斯文之緒其明德宜祀百世區區一口舌之功在公猶  
小故禮典祀公孔廟西廡獨有取於大者然迺從祀非特  
祀凡特祀始立必以報事久則因以祈福今海內輯謚無  
復有唐世方鎮之患惟纂述聖文栳被方外編入詩書躋  
之五三六經之列與古爲新尙爲無人公之神無往不在  
誠能迎享飲食默獲化佑使著作之才颺起雲蒸蔚爲風  
雅與貞元元和作者上下馳逐則是邦之福已迺更爲禮  
師祝辭俾歌以祀公廟在州治北五里小曹莊祀以二月

記十一下之下

金石

六十二

吉日卽前解兵時也辭曰

廿八尙書三百詩後千百載莫繼之物大不能支小材神  
往聖伏吁久哉公勇崛起唐以來力追姚姒莊騷隨到揭  
日月燭八垓有容必炤光漏宦此邦夙爲公所慈魂無四  
方安斯祠使邦人士有循持光緒廿六年冀州舉人趙衡

撰 趙衡字湘帆從賀松坡刑部學文文有家法松坡門徒能  
文者至多湘帆尤爲傑此文出松坡歎其高古簡峻也

文瑞書院藏書樓記

太倉錢公溯耆再爲溪三年政簡訟息乃集州薦紳人士  
謀作室起樓上儲書下爲師弟子講肄之所庀材興工載  
度載築會解組歸吳朱公璋達繼守其任一躡前趾踵爲

之弗飾弗增惟制惟萬自光緒廿有五年四月經始閱明年三月畢工合前買書凡用錢若干金若干州某某等實終始其役相與請紀成績某則爲之詞曰

惟此上宮錢公作之朱公克構又敦聖之惟此上宮匪爲燕適廓其有容實時書策粵始文字邱索典墳七略四類歷代菀文苟有傳者靡不收存以訖今茲海國異言其文旁行其辭蟬聯其誼一本支葉萬千取著于錄今古相編邦人嘉觀曰都曰於來升上宮寢詩饋書其書維何巴蜀文錄長卿佚蕩子雲噴薄王褒秀發嚴遵雪皦伊何多才後先焜耀史固攸贊文翁興學廢書發歎俞乎其然惟天

記十一下之下

金石

六十四

生才作之者人茲惟舊邦虜池瀾漫宜有恠特出乎其間絕筆不紀唐後千年懿與二公實始作籽備集今古饒此學子學子矻矻一邦之揀飢食渴飲沛然飽滿發爲文章視古無赧拾紫取青猶迺下選琢詞券後操取美彥 趙

衡記

湘帆時爲院長  
故其詞如此

寶慶知府常府君墓表

府君諱如楷字司直咸豐乙卯舉人同治元年試內閣中書引見奉旨入直直內閣九年加侍讀銜四品銜遷典籍署侍讀京察一等與修 文宗實錄歷充玉牒館方略館國史館詳校官積勞截取知府在任候補道光緒十一年補



官湖南寶慶府知府十四年卒於官我常氏上世爲山西榆次人明初遷饒陽有諱守能者再遷今里傳七世諱之貴爲諸生讀書 生皆有法子孫世守之爲邑望族又六傳至府君府君性方嚴事無巨細必裁以義弱冠爲諸生方試選拔貢生學使者頗用 去取府君曰試士校學高下也今以貲乎吾固素封何校爲比試高等學使者嘉歎然卒不與選與選者果以賄得及官京朝礪節益峻嘗以閣中事謁某相國再至閫者不爲通府君怒叱之擲牘而去在咸同世京朝官席承平餘習佚樂宴會無虛日酒酣以往則召優伶雜坐府君嘗語人曰諸公所爲某不能堪

也自是諸公置酒府君與座輒罷優伶府君以方鯁名京師亦時以取怨於俗會廷試軍機章京有爲讒於高陽李文正公者曰常某有狂疾遂罷不與選當是時在廷大臣多重府君遇待過於同僚同治中脩先朝實錄纂玉牒方略數館並啟府君無役不與然府君固澹于仕進嘗慨然曰吾終不能取容當道於榮途眾所競趨輒辭不赴九年丁母憂服闋不復出以知府聽選亦竟歲不一詣吏部當選官再以不赴選罷凡家居十五年最後選湖南寶慶府蒞寶慶二年方鯁如京朝時爲政簡靜不苛有諸生數百與武人爭是非至郡庭府君譙讓之曰此邦江劉二李何

如人今若所爲如此吾爲若曹羞之諸生皆愧服避去先是沅州士人羣聚毆知府幾死遂興大獄府君乃以一言解紛郡人歎異之未幾卒卒年六十有一始府君家居督諸子姓於學吾父暨諸伯叔皆以其時先後爲諸生或舉於鄉或以拔萃貢太學居嘗語羣從曰國家取士重進士科士守高不出則已耳出而不以此進者皆詭得官也爲文謹法度不苟以悅時善書書兼蘇米法家居不接牧令十五年未嘗一至縣門平居不屑計錢帛器畜百物悉推讓兄弟有急貸之家故豐暮年漸落及卒官喪不能歸鬻衣辦裝歸又鬻田乃葬葬所居千民莊東北原嗚呼府君

記十一下之下

金石

六十六

之卒十有三年矣先型日遠久或失墜其何以昭示後世謹述遺事一二表諸墓道庶不至湮滅而無傳府君曾祖諱麟書祖諱鳳儀候選州同考諱際宸束鹿訓導贈如府君官配劉氏封淑人後七年卒祔府君葬子熙廉舉人浙江知縣熙庸歲貢生候選縣丞吾父也女二人長適任邱籍忠宣進士內閣中書舍人次適博野蔣葆瑚舉人孫埶琦縣學增生埶瑛埶璋副榜貢生埶瑄埶珍并縣學附生埶瑞埶琳光緒二十有六年閏月孫埶璋謹表

城南飲餞詩

并序

自今年五月以來國家招撫亂民用禦外侮近畿不逞之

徒風起潮應紅巾蔽地刀劍滿街焚殺之事日有所聞官吏脅肩聽命猶不得免而涿州徒黨最盛遠所府州縣之民四面而會敵軍旣集陷天津犯京都踞保定縱兵四劫殘城鎮如破烏卵百姓朝生暮死災來不知其端故揭竿肇亂之區皆被酷禍而涿州尤所甘心方是時房之曹公以候補縣特旨升用直隸州知涿州事始至廣設方略因亂爲治威申姦伏獵虺蜴於几筵之間而翦其毒磔訓狐以示梟蛇叱狼如子安危易勢迴樞轉軸駟馬不及過隙敷長枕大被於通衢噢流亡而帖之臥親蹈虎窟剝肝心植仇讐之冑海納而城防之易噤齧未出之聲使呼父

記十一下之下

舍石

六十七

母暝衣跖餐櫨者門者譙守樓者邏市者隸侍堂皇者無時無地不見公之面以此涿州之民坐兵塵烽影之間屢市不驚皆援公以爲塹十月向盡法蘭西之師自保定南移聲言來攻保定大吏皆驚恐州部曲人吏牽羊擔酒以待犒勞垂至境矣聞公之所設施迴軍竟返而公亦以此去官後旬有餘日公將謁大吏過州治鄉民百餘繞泣車旁脫轅輻不聽馳去搢紳父老相約治酒食餞公於城南郊酒半有酌而起者曰公涖吾州未滿一歲邁窮古奇變天旋地覆本末搶攘事端棼起如麻膠葛糾盪才謂內手唯公精力過絕人人歷危疑眩愕百境開闔陽陰張長弛

短卒使生靈安堵卻險難於無形室散官解而一方受其  
蔭公之於吾州其勤甚大環觀郊畿守土吏殆無有倫比  
今茲之變非一州縣所能抗彼避難取便脫身事表或趨  
勢屈曲含汙忍詢媮得苟安雖土圉煎糜民命溝壑勢固  
無以相責黠者轉因緣盜藉博能聲擅美利其間而公望  
實兩乖顛連如此功不必酌德不必報其然無足怪者獨  
文字微權歷今未墮不有考引何以輸邦人之忱悃永公  
賜於無終敢以歌詩爲請乃爲之詩曰有孽其芽始曹濮  
間吹毒上騰乃薄天閻一虺之孳爲蛇百萬螫野噬城畿  
郊殆徧公曰無譁來聽我約敢犯刑書磔之郭郭豺狼矚

記十一下之下

金石

六十八

藩遂坐我堂听侯昏虜城闕崩牆齧所牙鷺黃之飽循  
聲而求盡入其手公曰無然茲惟我在一土不驚沈冤盡  
洒嗟嗟州人汝瞻四旁爲創爲子爲厲爲俛其牲爲犒其  
薪爲椽沴其爲氣骨其爲塵而汝父子汝昆汝弟汝啜汝  
棲汝安汝止汝笑人嘯汝肆人糜人胡汝愛胡不思爲州  
人曰噫翳公之德逮我孫子尸祝罔極天之方難義隕姦  
飛謫公之分不敢公悲昊天吹明隕飛易所公去無遠來  
還活我椎豕列壺坐公其間綏公醉飽以慰州人孰不爲  
吏公獨奚由匪公之私以視羣僚 光緒廿有六年十一  
月桐城吳啟孫撰歛朱穎書

吾兒啟孫私爲此文州人見而善之欲附  
入志書以其年少初學不欲遽傳播取名

聲不許已而一州之士持此文請吏目朱君用八分書之而刻石通衢且請入之金石  
以歌詠曹公之德而永其蔭祿余與曹君皆不能禁也朱君字秀峯官此州卅餘年矣汝  
綸爲州時遇大計嘗論列於  
上官稱其閉門作八分者也

記十一下之下

金石

六十九